

猶憂納不中。鞭責及僮僕。昔余謬從事。內媿才不足。連授四命官。坐尸十年祿。常聞古人語。損益周必復。今日諒甘心。還他太倉穀。

薛中丞

百人無一直。百直無一遇。借問遇者誰。正人行得路。中丞薛存誠。守直心甚固。皇明燭如日。再使秉王度。奸豪與佞巧。非不憎且懼。直道漸光明。邪謀難蓋覆。每因匪躬節。知有匡時具。張爲墜網綱。倚作頹簷柱。悠哉上天意。報施紛廻互。自古已冥茫。從今猶不諱。豈與小人意。昏然同好惡。不然君子人。何反如朝露。裴相昨已天。薛君今又去。以我惜賢心。五年如旦暮。況聞善人命。長短繫運數。今我一涕零。豈爲中丞故。

秋池二首

前池秋始半。卉物多摧壞。欲暮槿先萎。未霜荷已敗。默然有所感。可以從茲誠。本不種松筠。早凋何足怪。

【二】

鑿池貯秋水。中有蘋與芰。天旱水暗消。塌然委空地。有似汎汎者。附離權與貴。一旦恩勢移。相隨共憔悴。

夏 早

太陰不離畢。太歲仍在午。旱日與炎風。枯樵我田畝。金石欲銷鑠。況茲禾與黍。嗷嗷萬族中。唯農最辛苦。惘然望歲者。出門何所覩。但見棘與茨。蘿生徧場圃。惡苗承沴氣。欣然得其所。感此因問天。可能長不雨。

論 友

昨夜霜一降。殺君庭中槐。乾葉不待黃。索索飛下來。憐君感節物。晨起步前階。臨風蹋葉立。半日顏色衰。西望長安城。歌鐘十二街。何人不歡樂。君獨心悠哉。白日頭上走。朱顏鏡中頹。平生青雲心。銷化成死灰。我今贈一言。勝飲酒千杯。其言雖甚鄙。可破悒悒懷。朱門有勳貴。陋巷有顏回。窮通各有命。不繫才不才。推此自豁豁。不必待安排。

丘中有一士二首 命首句爲題

丘中有一士。不知其姓名。而色不憂苦。血氣常和平。每選隙地居。不踞要路行。舉動無尤悔。物莫與之爭。藜藿不充腸。布褐不蔽形。終歲守窮餓。而無嗟歎聲。豈是愛貧賤。深知時俗情。勿矜羅弋巧。鸞鶴在冥冥。

【二】

丘中有一士。守道歲月深。行披帶索衣。坐拍無絃琴。不飲濁泉水。不息曲木陰。所逢苟非義。糞土千黃金。鄉人化其風。薰如蘭在林。智愚與強弱。不忍相欺侵。我欲訪其人。將行復沈吟。何必見其面。但在學其心。

新製布裘

桂布白似雪。吳綿軟於雲。布重綿且厚。為裘有餘溫。朝擁坐至暮。夜覆眠達晨。誰知嚴冬月。支體暖如春。中夕忽有念。撫裘起逡巡。丈夫貴兼濟。豈獨善一身。安得萬里裘。蓋裹周四垠。穩暖皆如我。天下無寒人。

杏園中棗樹

人言百果中。唯棗凡且鄙。皮皴似龜手。葉小如鼠耳。胡為不自知。生花此園裏。豈宜遇攀翫。幸免遭傷毀。二月曲江頭。雜英紅豔紫。棗亦在其間。如嬖對西子。東風不擇木。吹煦長未已。眼看欲合抱。得盡生生理。寄言遊春客。乞君一廻視。君愛繞指柔。從君憐柳杞。君求悅日豔。不敢爭桃李。君若作大車。輪軸材須此。

蝦蟇 和張十六

嘉魚薦宗廟。靈龜貢邦家。應龍能致雨。潤我百穀芽。蠢蠢水族中。無用者蝦蟇。形穢肌肉腥。出沒於泥沙。六月七月交。時雨正霽暘。蝦蟇得其志。快樂無以加。

地既蕃其生。使之族類多。天又與其聲。得以相誼譁。豈惟玉池上。汚君清泠波。何獨瑤瑟前。亂君鹿鳴歌。常恐飛上天。跳躍隨姮娥。往往蝕明月。遣君無奈何。

寄隱者

賣藥向都城。行憩青門樹。道逢馳驛者。色有非常懼。親族走相送。欲別不敢住。私怪問道傍。何人復何故。云是右丞相。當國握樞務。祿厚食萬錢。恩深日三顧。昨日延英對。今日崖州去。由來君臣間。寵辱在朝暮。青青東郊草。中有歸山路。歸去臥雲人。謀身計非誤。

放魚

自此後詩到江州作

曉日提竹籃。家僮買春蔬。青青芹蕨下。疊臥雙白魚。無聲但呀呀。以氣相煦濡。傾籃寫地上。撥刺長尺餘。豈唯刀机憂。坐見螻蟻圖。脫泉雖已久。得水猶可蘇。放之小池中。且用救乾枯。水小池窄狹。動尾觸四隅。一時幸苟活。久遠將何如。憐其不得所。移放於南湖。南湖連西江。好去勿踟躕。施恩即望報。吾非斯人徒。不須泥沙底。辛苦覓明珠。

文柏牀

陵上有老柏。柯葉寒蒼蒼。朝為風煙樹。暮為宴寢牀。以其多奇文。宜升君子堂。

刮削露節目。拂拭生輝光。玄斑狀狸首。素質如截肪。雖充悅目翫。終乏周身防。華彩誠可愛。生理苦已傷。方知自殘者。爲有好文章。

潯陽三題并序

廬山多桂樹。溢浦多修竹。東林寺有白蓮花。皆植物之貞勁秀異者。雖宮園省寺中。未必能盡有。夫物以多爲賤。故南方人不貴重之。至有蒸爨其桂。剪棄其竹。白眼於蓮花者。予惜其不生於北土也。因賦三題以唁之。

廬山桂

偃蹇月中桂。結根依青天。天風繞月起。吹子下人閒。飄零委何處。乃落匡廬山。生爲石上桂。葉如剪碧鮮。枝幹日長大。根莖日牢堅。不歸天上月。空老山中年。廬山去咸陽。道里三四千。無人爲移植。得入上林園。不及紅花樹。長栽溫室前。

溢浦竹

潯陽十月天。天氣仍溫燠。有霜不殺草。有風不落木。玄冥氣力薄。草木冬猶綠。誰肯溢浦頭。迴眼看修竹。其有顧盼者。持刀斬且束。剖劈青琅玕。家家蓋牆屋。吾聞汾晉閒。竹少重如玉。胡爲取輕賤。生此西江曲。

東林寺白蓮

東林北塘水。湛湛見底清。中生白芙蓉。菌萑三百莖。白日發光彩。清飈散芳馨。洩香銀囊破。瀉露玉盤傾。我慙塵埃眼。見此瓊瑤英。仍知紅蓮花。虛得清淨名。夏萼敷未歇。秋芳結纒成。夜深衆僧寢。獨起繞池行。欲收一顆子。寄向長安城。但恐出山去。人閒種不生。

大水

潯陽郊郭閒。大水歲一至。閭閻半漂蕩。城堞多傾墜。蒼茫生海色。渺漫連空翠。風卷白波翻。日煎紅浪沸。工商徹屋去。牛馬登山避。況當率稅時。頗害農桑事。獨有儲舟子。鼓枻生意氣。不知萬人災。自覓錐刀利。吾無奈爾何。爾非久得志。九月霜降後。水涸爲平地。

白樂天詩集卷二

諷諭二

續古詩十首

戚戚復戚戚。送君遠行役。行役非中原。海外黃沙積。伶俜獨居妾。迢遞長征客。

君望功名歸。妾憂生死隔。誰家無夫婦。何人不離析。所恨薄命身。嫁遲別日迫。妾身有存沒。妾心無改易。生爲閨中婦。死作山頭石。

【一】

掩淚別鄉里。飄飄將遠行。茫茫綠野中。春盡孤客情。驅馬上丘隴。高低路不平。風吹棠梨花。啼鳥時一聲。古墓何代人。不知姓與名。化作路傍土。年年春草生。感彼忽自悟。今我何營營。

【三】

朝采山上薇。暮采山上薇。歲晏薇亦盡。飢來何所爲。坐飲白石水。手把青松枝。擊節獨長謔。其聲清且悲。樗馬非不肥。所苦常繫維。豢豕非不飽。所憂竟爲犧。行行歌此曲。以慰常苦飢。

【四】

雨露長纖草。山苗高入雲。風雪折勁木。澗松摧爲薪。風摧此何意。雨長彼何因。百丈澗底死。寸莖山上春。可憐苦節士。感此涕盈巾。

【五】

窈窕雙鬟女。容德俱如玉。晝居不踰闔。夜行常秉燭。氣如含露蘭。心如貫霜竹。

宜當備嬪御。胡爲守幽獨。無媒不得選。年忽過三六。歲暮望漢宮。誰在黃金屋。邯鄲進倡女。能唱黃花曲。一曲稱君心。恩榮連九族。

【六】

栖栖遠方士。讀書三十年。業成無知己。徒步來入關。長安多王侯。英俊競攀援。幸隨衆賓末。得廁門館閒。東閣有旨酒。中堂有管絃。何爲向隅客。對此不開顏。富貴無是非。主人終日歡。貧賤多悔尤。客子中夜歎。歸去復歸去。故鄉貧亦安。

【七】

涼風飄嘉樹。日夜滅芳華。下有感秋婦。攀條苦悲嗟。我本幽閑女。結髮事豪家。豪家多婢僕。門內頗驕奢。良人近封侯。出入鳴玉珂。自從富貴來。恩薄謔言多。豕婦獨守禮。羣妾互奇衰。但信言有玷。不察心無瑕。容光未銷歇。歡愛忽蹉跎。何意掌上玉。化爲眼中砂。盈盈一尺水。浩浩千丈河。勿言小大異。隨分有風波。閨房猶復爾。邦國當如何。

【八】

心亦無所迫。身亦無所拘。何爲腸中氣。鬱鬱不得舒。不舒良有以。同心久離居。五年不見面。三年不得書。念此令人老。抱膝坐長吁。豈無盈尊酒。非君誰與娛。

【九】

攬衣出門行。遊觀遶林渠。澹澹春水暖。東風生綠蒲。上有和鳴雁。下有掉尾魚。飛沈一何樂。鱗羽各有徒。而我方獨處。不與之子俱。願彼自傷己。禽魚之不如。出遊欲遣憂。孰知憂有餘。

【十】

春旦日初出。曠曠耀晨輝。草木照未遠。浮雲已蔽之。天地黯以晦。當午如昏時。雖有東南風。力微不能吹。中國何所有。滿地青青葵。陽光委雲上。傾心欲何依。

秦中吟十首并序

貞元元和之際。予在長安。聞見之閒。有足悲者。因直歌其事。命爲秦中吟。

議婚

天下無正聲。悅耳卽爲娛。人閒無正色。悅目卽爲姝。顏色非相遠。貧富則有殊。貧爲時所棄。富爲時所趨。紅樓富家女。金縷繡羅襦。見人不斂手。嬌癡二八初。母兄未開口。已嫁不須臾。綠窗貧家女。寂寞二十餘。荆釵不直錢。衣上無真珠。幾迴人欲聘。臨日又踟躕。主人會良媒。置酒滿玉壺。四座且勿飲。聽我歌兩途。富家女易嫁。嫁早輕其夫。貧家女難嫁。嫁晚孝於姑。聞君欲娶婦。娶婦意何如。

重賦

厚地植桑麻。所要濟生民。生民理布帛。所求活一身。身外充征賦。上以奉君親。國家定兩稅。本意在愛人。厥初防其淫。明敕內外臣。稅外加一物。皆以枉法論。奈何歲月久。貪吏得因循。浚我以求寵。斂索無冬春。織絹未成疋。繅絲未盈斤。里胥迫我納。不許暫逡巡。歲暮天地閉。陰風生破村。夜深煙火盡。霰雪白紛紛。幼者形不蔽。老者體無溫。悲喘與寒氣。併入鼻中辛。昨日輸殘稅。因窺官庫門。緡帛如山積。絲絮似雲屯。號爲羨餘物。隨月獻至尊。奪我身上暖。買爾眼前恩。進入瓊林庫。歲久化爲塵。

傷宅

誰家起甲第。朱門大道邊。豐屋中櫛比。高牆外廻環。崇崇六七堂。棟宇相連延。一堂費百萬。鬱鬱起青煙。洞房溫且清。寒暑不能干。高堂虛且迴。坐臥見南山。繞廊紫藤架。夾砌紅藥欄。攀枝摘櫻桃。帶花移牡丹。主人此中坐。十載爲大官。厨有臭敗肉。庫有貫朽錢。誰能將我語。問爾骨肉閒。豈無窮賤者。忍不救飢寒。如何奉一身。直欲保千年。不見馬家宅。今作奉誠園。

傷友

陋巷孤寒士。出門苦恓恓。雖云志氣高。豈免顏色低。平生同門友。通籍在金閨。曩者膠漆契。邇來雲雨睽。正逢下朝歸。軒騎五門西。是時天久陰。三日雨淒淒。寒驢避路立。肥馬當風嘶。迴頭忘相識。占道上沙堤。昔年洛陽社。貧賤相提攜。今日長安道。對面隔雲泥。近日多如此。非君獨慘悽。死生不變者。唯聞任與黎。不致仕。

七十而致仕。禮法有明文。何乃貪榮者。斯言如不聞。可憐八九十。齒墮雙眸昏。朝露貪名利。夕陽憂子孫。掛冠願翠綉。懸軍惜朱輪。金章腰不勝。僮僕入君門。誰不愛富貴。誰不戀君恩。年高須告老。名遂合退身。少時共嗤誚。晚歲多因循。賢哉漢二疏。彼獨是何人。寂寞東門路。無人繼去塵。

立碑

助德既下衰。文章亦陵夷。但見山中石。立作路旁碑。銘勳悉太公。敘德皆仲尼。復以多爲貴。千言直萬費。爲文彼何人。想見下筆時。但欲愚者悅。不思賢者嗤。豈獨賢者嗤。仍傳後代疑。古石蒼苔字。安知是愧詞。我聞望江縣。麴令撫惇廢。在官有仁政。名不聞京師。身歿欲歸葬。百姓遮路岐。攀轅不得歸。畱葬此江湄。至今道其名。男女涕皆垂。無人立碑碣。唯有邑人知。

輕肥

意氣驕滿路。鞍馬光照塵。借問何爲者。人稱是內臣。朱紱皆大夫。紫綬或將軍。誇赴軍中宴。走馬去如雲。嶮疊溢九醞。水陸羅八珍。果擘洞庭橘。脍切天池鱗。食飽心自若。酒酣氣益振。是歲江南旱。衢州人食人。

五絃

清歌且罷唱。紅袂亦停舞。趙叟抱五絃。宛轉當胸撫。大聲轟若散。颯颯風和雨。小聲細欲絕。切切鬼神語。又如鵲報喜。轉作猿啼苦。十指無定音。顛倒宮徵羽。坐客聞此聲。形神若無主。行客聞此聲。形神若無主。行客聞此聲。駐足不能舉。嗟嗟俗人耳。好今不好古。所以綠窗琴。日日生塵土。

歌舞

秦城歲云暮。大雪滿皇州。雪中退朝者。朱紫盡公侯。貴有風雪興。富無飢寒憂。所營唯第宅。所務在追遊。朱門車馬客。紅燭歌舞樓。歡酣促密坐。醉暖脫重裘。秋官爲主人。廷尉居上頭。日中爲樂飲。夜半不能休。豈知閹鄉獄。中有凍死囚。

買花

帝城春欲暮。喧喧車馬度。共道牡丹時。相隨買花去。貴賤無常價。酬直看花數。

灼灼百朵紅。 萋萋五束素。 上張幄幕庇。 旁織芭籬護。 水洒復泥封。 移來色如故。 家家習爲俗。 人人迷不悟。 有一田舍翁。 偶來買花處。 低頭獨長歎。 此歎無人諭。 一叢深色花。 十戶中人賦。

贈有五首并序

吾友有王佐之才者。以致君濟人爲己任。識者深許之。因贈是詩。以廣其志云。

一年十二月。 每月有常令。 君出臣奉行。 謂之握金鏡。 由茲六氣順。 以遂萬物性。 時令一反常。 生靈受其病。 周漢德下衰。 王風始不競。 又從斬鬼錯。 諸侯益強盛。 百里不同禁。 四時自爲政。 盛夏興土功。 方春剽人命。 誰能救其失。 待君佐邦柄。 峩峩象魏門。 懸法葬倫正。

【二】

銀生楚山曲。 金生鄱溪濱。 南人棄農業。 求之多苦辛。 披砂復鑿石。 矻矻無冬春。 手足盡皴皸。 愛利不愛身。 畝田既備斫。 稻田亦懶耘。 相攜作游手。 皆道求金銀。 畢竟金與銀。 何殊泥與塵。 且非食物。 不濟飢寒人。 棄本以趨末。 日富而歲貧。 所以先聖王。 棄藏不爲珍。 誰能反古風。 待君秉國鈞。 損金復抵璧。 勿使勞生民。

【三】

私家無錢鑪。 平地無銅山。 胡爲秋夏稅。 歲歲輸銅錢。 錢力日已重。 農力日已殫。 賤糶粟與麥。 賤買絲與綿。 歲暮衣食盡。 焉得無飢寒。 吾聞國之初。 有制垂不刊。 備必算丁口。 租必計桑田。 不求土所無。 不强人所難。 量入以爲出。 上足下亦安。 兵興一變法。 兵息遂不還。 使我農桑人。 顛頓賦畝閒。 誰能革此弊。 待君秉利權。 復彼租備法。 令如貞觀年。

【四】

京師四方則。 王化之本根。 長吏久於政。 然後風教敦。 如何尹京者。 遷次不遑巡。 請君屈指數。 十年十五人。 科條日相矯。 吏力亦已勤。 寬猛政不一。 民心安得淳。 九州雍爲首。 羣牧之所遵。 天下率如此。 何以安吾民。 誰能變此法。 待君贊絲綸。 慎擇循良吏。 令其長子孫。

【五】

三十男有室。 二十女有歸。 近代多離亂。 婚姻多過期。 嫁娶卽不早。 生育常苦遲。 兒女未成人。 父母已衰羸。 凡人貴達日。 多在長大時。 欲報親不待。 孝心無所施。 哀哉三牲養。 少得及庭闈。 惜哉萬鍾粟。 多用飽妻兒。 誰能正婚禮。 待君張國維。 庶使孝子心。 皆無風樹悲。

寓意詩五首

豫樟生深山。七年而後知。挺高二百尺。本末皆十圍。天子建明堂。此材獨中規。匠人執斤墨。采度將有期。孟冬草木枯。烈火燎山陂。疾風吹猛焰。從根燒到枝。養材三十年。方成棟梁姿。一朝為灰燼。柯葉無孑遺。地雖生爾材。天不與爾時。不如糞土英。猶有人掇之。已矣勿重陳。重陳令人悲。不悲焚燒苦。但悲采用遲。

【二】

赫赫京內史。炎炎中書郎。昨傳徵拜日。恩賜頗殊常。貂冠水蒼玉。紫綬黃金章。佩服身未暖。已聞竄遐荒。親戚不得別。吞聲泣路旁。賓客亦已散。門前雀羅張。富貴來不久。倏如瓦溝霜。權勢去尤速。譬若石火光。不如守貧賤。貧賤可久長。傳語宦遊子。且來歸故鄉。

【三】

促織不成章。提壺但聞聲。嗟哉蟲與鳥。無實有虛名。與君定交日。久要如弟兄。何以示誠信。白水指為盟。雲雨一為別。飛沈兩難并。君為得風鵬。我為失水鯨。音信日已疎。恩分日已輕。窮通尚如此。何況死與生。乃知擇交難。須有知人明。莫將山上松。結託水上萍。

【四】

翩翩兩玄鳥。本是同巢燕。分飛來幾時。秋夏炎涼變。一宿蓬幕廬。一栖明光殿。隅因銜泥處。復得重相見。彼矜杏梁貴。此嗟茅棟賤。眼看秋社至。兩處俱難戀。所託各暫時。胡為相歎羨。

【五】

娑婆園中樹。根株大合圍。蠢爾樹間蟲。形質一何微。孰謂蟲至微。蟲蠹已無期。孰謂樹至大。花葉有衰時。花衰夏未實。葉病秋先萎。樹心半為土。觀者安得知。借問蟲何在。在身不在枝。借問蟲何食。食心不食皮。豈無啄木鳥。背長將何為。

讀史五首

楚懷放靈均。國政亦荒淫。彷徨未忍決。繞澤行悲吟。漢文疑賈生。謫置湘之陰。是時刑方措。此去難為心。士生一代閒。誰不有浮沈。良時真可惜。亂世何足欽。乃知汨羅恨。未抵長沙深。

【二】

禍患如禁絲。其來無端緒。馬遷下蠶室。嵇康就囹圄。抱冤志氣屈。忍恥形神沮。當彼戮辱時。奮飛無翅羽。商山有黃綺。潁川有巢許。何不從之遊。超然離網罟。

山林少羈鞅。世路多艱阻。寄謝伐檀人。慎勿嗟窮處。

【三】

漢日大將軍。少爲乞食子。秦時故列侯。老作鋤瓜士。春華何曄曄。園中發桃李。秋風忽蕭條。堂上生荆杞。深谷變爲岸。桑田成海水。勢去未須悲。時來何足喜。寄言榮枯者。反復殊未已。

【四】

含沙射人影。雖病人不知。巧言構人罪。至死不疑。拔蜂殺愛子。掩鼻戮寵姬。弘恭陷蕭望。趙高謀李斯。陰德既必報。陰禍豈虛施。人事雖可罔。天道終難欺。明則有刑辟。幽則有神祇。苟免勿私喜。鬼得而誅之。

【五】

季子憔悴時。婦見不下機。買臣負薪日。妻亦棄如遺。一朝黃金多。佩印衣錦歸。去妻不敢視。婦嫂強依依。富貴家人重。貧賤妻子欺。奈何貧富閒。可移親愛志。遂使中人心。汲汲求富貴。又令下人力。各競錐刀利。隨分歸舍來。一取妻孥意。

和答詩十首并序

五年春。微之從東臺來。不數日。又左轉爲江陵士曹掾。詔下日。會予下內直歸。而微之已

卽路邂逅相遇於街衢中。自永壽寺南抵新昌里北。得馬上話別語。不過相勉保方寸。外形骸而已。因不暇及他。是夕足下次於山北寺。僕職役不得去。命季弟送行。且奉新詩一軸。致於執事。凡二十章。率有比興。淫文豔韻。無一字焉。意者欲足下在途諷讀。且以遣日。時消憂。又有以張直氣而扶壯心也。及足下到江陵。寄在路所爲詩十七章。凡五六千言。言有爲。章有旨。迨於宮律體裁。皆得作者風。發緘開卷。且喜且怪。僕思牛僧孺戒。不能示他人。唯與杓直拒非及樊宗師輩三四人。時一吟讀。心甚貴重。然竊思之。豈僕所奉者。二十章。遽能開足下聰明。使之然耶。抑又不知。足下是行也。天將屈足下之道。激足下之心。使感時發憤而臻於此耶。若兩不然者。何立意措辭。與足下前時詩。如此之相遠也。僕既羨足下詩。又憐足下心。盡欲引狂簡而和之。屬直宿拘牽。居無暇日。故不卽時如意。旬月來。多乞病假。假中稍閒。且摘卷中尤者。繼成十章。亦不下三千言。其閒所見同者。固不能自異。異者亦不能強同。同者謂之和。異者謂之答。并別錄和夢遊春詩一章。各附于本篇之末。餘未和者。亦續致之。頃者在科試閒。常與足下同筆硯。每下筆時。輒相顧共患。其意太切。而理太周。故理太周則辭繁。意太切則言激。然與足下爲文。所長在於此。所病亦在於此。足下來序。果有詞犯文繁之說。今僕所和者。猶前病也。待與足下相見日。各引所作。稍刪其繁。而晦其義焉。餘具書白。

和思歸樂

山中不栖鳥，夜半聲嚶嚶。似道思歸樂，行人掩泣聽。皆疑此山路，遷客多南征。憂憤氣不散，結化為精靈。我謂此山鳥，本不因人生。人心自懷土，想作思歸鳴。孟嘗平居時，娛耳琴泠泠。雍門一言感，未奏淚沾纓。魏武銅雀妓，日與歡樂并。一旦西陵望，欲歌先涕零。中懷苟有主，外物安能縈。任意思歸樂，聲聲啼到明。

和陽城驛

商山陽城驛，中有歡者誰。峽猿亦何意，隴水復何情。爲入愁人耳，皆爲腸斷聲。請看元侍御，亦宿此郵亭。因聽思歸鳥，神氣獨安寧。問君何以然，道勝心自平。雖爲南遷客，如在長安城。云得此道來，何慮亦何營。窮達有前定，憂喜無交爭。所以事君日，持憲立大庭。雖有廻天力，撓之終不傾。況始三十餘，年少有直名。心中志氣大，眼前爵祿輕。君恩若雨露，君威若雷霆。退不苟免難，進不曲求榮。在火辨玉性，經霜識松貞。展禽任三黜，靈均長獨醒。獲戾自東洛，貶官向南荆。再拜辭闕下，長揖別公卿。荆州又非遠，驛路半月程。漢水照天碧，楚山插雲青。江陵橘似珠，宜城酒如餚。誰謂謫謫去，未妨遊賞行。人生百歲內，天地暫寓形。太倉一稊米，大海一浮萍。身委道遙篇，心付頭陀經。尙達死生觀，寧爲寵辱驚。

云是元監察，江陵謫去時。忽見此驛名，良久涕欲垂。何故陽道州，名姓同於斯。憐君一寸心，寵辱誓不移。疾惡若巷伯，好賢如緇衣。沈吟不能去，意者欲改爲。改爲避賢驛，大署於門楣。荆人愛羊祜，戶曹改爲辭。一字不忍道，況兼姓呼之。因題八百言，言直文甚奇。詩成寄與我，鏗若金和絲。上言陽公行，友悌無等夷。骨肉同衾裯，至死不相離。次言陽公迹，夏邑始棲遲。鄉人化其風，少長皆孝慈。次言陽公道，終日對酒卮。兄弟笑相顧，醉貌紅怡怡。次言陽公節，睿睿居諫司。誓心除國蠹，決死犯天威。終言陽公命，左遷天一涯。道州炎瘴地，身不得生歸。一一皆實錄，事事無子遺。凡是爲善者，聞之惻然悲。道州旣已矣，往者不可追。何世無其人，來者亦可思。願以君子文，告彼大樂師。附於雅歌末，奏之白玉墀。天子聞此章，教化如法施。直諫從如流，佞臣惡如疵。宰相聞此章，政柄端正持。進賢不知倦，去邪勿復疑。憲臣聞此章，不敢懷依違。諫官聞此章，不忍縱詭隨。然後告史氏，舊史有前規。若作陽公傳，欲令後世知。不勞敍世家，不用費文辭。但使國史上，全錄元稹詩。

答桐花

山木多蒼鬱，茲桐獨亭亭。葉重碧雲片，花簇紫霞英。是時三月天，春暖山雨晴。

夜色向月淺，暗香隨風輕。行者多商賈，居者悉黎民。無人解賞愛，有客獨屏營。
 手攀花枝立，足躡花影行。生憐不得所，死欲揚其聲。截為天子琴，刻作古人形。
 云待我成器，薦之於穆清。誠是君子心，恐非草木情。胡為愛其華，而反傷其生。
 老龜被刳腸，不如無神靈。雄雞自斷尾，不願為犧牲。況此好顏色，花紫葉青青。
 宜逢天地性，忍加刀斧刑。我思五丁力，拔入九重城。當君正殿栽，花葉生光晶。
 上對月中桂，下覆堦前莢。汎拂香爐煙，隱映斧藻屏。為君布綠陰，當暑蔭軒楹。
 沈沈綠滿地，桃李不敢爭。為君發清韻，風來如叩瓊。泠泠聲滿耳，鄉衛不足聽。
 受君封植力，不獨吐芬馨。助君行春令，開花應清明。受君雨露思，不獨含芳榮。
 戒君無戲言，剪葉封弟兄。受君歲月功，不獨資生成。為君長高枝，鳳凰上頭鳴。
 一鳴君萬歲，壽如山不傾。再鳴萬人泰，秦階為之平。如何有此用，幽滯在巖坳。
 歲月不爾駐，孤芳坐凋零。請向桐枝上，為余題姓名。待余有勢力，移爾獻丹庭。

和犬豕烏
 烏者種有二，名同性不同。豕小者慈孝，犬大者貪庸。犬命又長，生來十餘冬。
 物老顏色變，頭毛白茸茸。飛來庭樹上，初但驚兒童。老巫生奸計，與烏意潛通。
 云是非凡鳥，遙見起敬恭。千歲乃一出，喜賀主人翁。祥瑞來白日，神靈占知風。

陰作北斗使，能為人吉凶。此鳥所止家，家產日夜豐。上以致壽考，下可宜田農。
 主人富家子，身老心童蒙。隨巫拜復祝，婦姑亦相從。殺雞薦其肉，敬若禋六宗。
 鳥喜張大觜，飛接在虛空。鳥既飽羶腥，巫亦饜甘濃。烏巫互相利，不復兩西東。
 日日營巢窟，稍稍近房櫺。雖生八九子，誰辨其雌雄。羣雛又長成，衆豕逞殘兇。
 探巢吞燕卵，入簇啄蠶蟲。豈無乘秋隼，羈絆委高墉。但食烏殘肉，無施搏擊功。
 亦有能言鸚，翅碧背距紅。暫曾說鳥罪，囚閉在深籠。青青窗前柳，鬱鬱井上桐。
 貪鳥占栖息，慈鳥獨不容。慈鳥爾奚為，來往何憧憧。曉去先晨鼓，暮歸後昏鐘。
 辛苦塵土閉，飛啄禾黍叢。得食將母哺，飢腸不自充。主人憎慈鳥，命子削彈弓。
 絃續會稽竹，丸鑄荆山銅。慈鳥求母食，飛下爾庭中。數粒未入口，一丸已中脰。
 仰天號一聲，似欲訴蒼穹。反哺日未足，非是惜微弭。誰能持此冤，一為問化工。
 胡然大豕烏，竟得天年終。

答四皓廟
 天下有道見，無道卷懷之。此乃聖人語，吾聞諸仲尼。矯矯四先生，同稟希世資。
 隨時有顯晦，秉道無磷緇。秦皇肆暴虐，二世造亂離。先生相隨去，商嶺采紫芝。
 君看秦獄中，戮辱者李斯。劉項爭天下，謀臣竟悅隨。先生如鸞鶴，去入冥冥飛。

君看齊鼎中。 燠爛者鄙其。 子房得沛公。 自謂相遇遲。 八難掉舌樞。 三略役心機。 辛苦十數年。 晝夜形神疲。 竟難霸者道。 徒稱帝者師。 子房爾則能。 此非吾所宜。 漢高之季年。 嬖寵鍾所私。 冢嫡欲廢奪。 骨肉相憂疑。 豈無子房口。 口舌無所施。 亦有陳平心。 心計將何為。 幡幡四先生。 高冠危映眉。 從容下南山。 顧眄入東闈。 前瞻惠太子。 左右生羽儀。 卻顧戚夫人。 楚舞無光輝。 心不盡一計。 口不吐一詞。 闇定天下本。 遂安劉氏危。 子房吾則能。 此非爾所知。 先生道既光。 太子禮甚卑。 安車留不住。 功成棄如遺。 如彼旱天雲。 一雨百穀滋。 澤則在天下。 雲復歸希夷。 勿高巢與由。 勿尚呂與伊。 巢由往不返。 伊呂去不歸。 豈如四先生。 出處兩逶迤。 何必長隱逸。 何必長濟時。 由來聖人道。 無朕不可窺。 卷之不盈握。 舒之互八陲。 先生道甚明。 夫子猶或非。 願子辨其惑。 爲予吟此詩。

和雉媒

吟君雉媒什。 一晒復一歎。 和之一何晚。 今日乃成篇。 豈唯鳥有之。 抑亦人復然。 張陳刎頸交。 竟以勢不完。 至今不平氣。 塞絕泝水源。 趙襄骨肉親。 亦以利相殘。 至今不善名。 高於磨笄山。 況此籠中雉。 志在飲啄閒。 稻梁暫入口。 性已隨人遷。 身苦亦自忘。 同族何足言。 但恨爲媒拙。 不足以自全。 勸君今日後。 養鳥養青鸞。

青鸞一失侶。 至死守孤單。 勸君今日後。 結客結任安。 主人賓客去。 獨住在門闌。

和松樹

亭亭山上松。 一一生朝陽。 森聳上參天。 柯條百尺長。 漠漠塵中槐。 兩兩夾康莊。 婆娑低覆地。 枝幹亦尋常。 八月白露降。 槐葉次第黃。 歲暮滿山雪。 松色鬱青蒼。 彼如君子心。 秉操貫冰霜。 此如小人面。 變態隨炎涼。 共知松勝槐。 誠欲栽道傍。 冀土種瑤草。 瑤草終不芳。 尚可以斧斤。 伐之爲棟梁。 殺身獲其所。 爲君構明堂。 不然終天年。 老死在南岡。 不願亞枝葉。 低隨槐樹行。

答箭鏃

矢人職司憂。 爲箭恐不精。 精則利其鏃。 錯磨鋒鏑成。 插以青竹箨。 羽之赤雁翎。 勿言分寸鐵。 爲用乃長兵。 聞有狗盜者。 晝伏夜潛行。 摩弓拭箭鏃。 夜射不待明。 一盜既流血。 百犬同吠聲。 猜猜嗥不已。 主人爲之驚。 盜心憎主人。 主人不知情。 反貴鏃太利。 矢人獲罪名。 寄言控弦者。 願君小畱聽。 何不向西射。 西天有狼星。 何不向東射。 東海有長鯨。 不然學仁貴。 三矢平虜廷。 不然學仲連。 一發下燕城。 胡爲射小盜。 此用無乃輕。 徒沾一點血。 虛污箭頭腥。

和古社

廢村多年樹，生在古社隈。爲作妖狐窟，心空身未摧。妖狐變美女，社樹成樓臺。黃昏行人過，見者心徘徊。飢鴟竟不捉，老夫反爲媒。歲媚年少客，十去九不廻。昨夜雲雨合，烈風驅迅雷。風拔樹根出，雷劈社壇開。飛電化爲火，妖狐燒作灰。天明至其所，清曠無氛埃。舊地葺村落，新田闢荒萊。始知天降火，不必常爲災。勿謂神默默，勿謂天恢恢。勿喜犬不捕，勿誇鴟不猜。寄言狐媚者，天火有時來。

和分水嶺

高嶺峻稜稜，細泉流壑壑。勢分合不得，東西隨所委。悠悠草蔓底，濺濺石罅裏。分流來幾年，晝夜兩如此。朝宗遠不及，去海三千里。浸潤小無功，山苗長旱死。繁紆用無所，奔迫流不已。唯作嗚咽聲，夜入行人耳。有源殊不竭，無坎終難止。同出而異流，君看何所似。有似骨肉親，派別從茲始。又似勢利交，波瀾相背起。所以贈君詩，將君何所比。不比山上泉，比君井中水。

有木詩八首并序

余嘗讀漢書列傳見佞順嬖媮圖身忘國如張禹輩者見惑上蠱下交亂君親如江充輩者見暴狠跋扈墮君樹黨如梁冀輩者見色仁行違先德後賊如王莽輩者又見外狀恢弘中無實用者又見附離權勢隨之覆亡者其初皆有勳人之才足以感衆媚主莫不合

於始而敗於終也。因引風人騷人之興賦有木八章不獨諷前人亦儆後代爾。

有木名弱柳，結根近清池。風煙借顏色，雨露助華滋。峩峩白雪花，嫋嫋青絲枝。漸密陰自庇，轉高梢四垂。截枝扶爲杖，軟弱不自持。折條用樊圃，柔脆非其宜。爲樹信可翫，論材何所施。可惜金堤地，栽之徒爾爲。

【二】

有木名櫻桃，得地早滋茂。葉密獨承日，花繁偏受露。迎風暗搖動，引鳥潛來去。鳥啄子難成，風來枝莫住。低軟易攀翫，佳人屢廻顧。色求桃李饒，心向松筠妬。好是映牆花，本非當軒樹。所以姓蕭人，曾爲伐櫻賦。

【三】

有木秋不凋，青青在江北。謂爲洞庭橘，美人自移植。上受顧盼恩，下勤澆溉力。實成乃是枳，臭苦不堪食。物有似是者，眞僞何由識。美人默無言，對之長歎息。中含害物意，外矯凌霜色。仍向枝葉閒，潛生刺如棘。

【四】

有木名杜梨，陰森覆丘壑。心蠹已空朽，根深尚盤薄。媚狐言語巧，妖鳥聲音惡。憑此爲巢穴，往來互棲託。四傍五六本，枝葉相交錯。借問因何生，秋風吹子落。

爲長社壇下。無人敢芟斫。幾度野火來。風迴燒不著。

【五】

有木香苒苒。山頭生一蔕。主人不知名。移種近軒闥。愛其有芳味。因以調黼黻。前後曾飲者。十人無一活。豈徒悔封植。兼亦誤采掇。試問識藥人。始知名野葛。年深已滋蔓。刀斧不可伐。何時猛風來。爲我連枝拔。

【六】

有木名水榿。遠望青童童。根株非勁挺。柯葉多蒙籠。彩翠色如柏。鱗皴皮似松。爲同松柏類。得列嘉樹中。枝弱不勝雪。勢高常懼風。雪壓低還舉。風吹西復東。柔芳甚楊柳。早落先梧桐。惟有一堪賞。中心無蠹蟲。

【七】

有木名凌霄。擢秀非孤標。偶依一株樹。遂抽百尺條。託根附樹身。開花寄樹梢。自謂得其勢。無因有動搖。一旦樹摧倒。獨立暫飄飄。疾風從東起。吹折不終朝。朝爲拂雲花。暮爲委地樵。寄言立身者。勿學柔弱苗。

【八】

有木名丹桂。四時香馥馥。花開夜雪明。葉剪春雲綠。風影清似水。霜枝冷如玉。

獨占小山幽。不容凡鳥宿。匠人愛芳直。裁截爲厦屋。幹細力未成。用之君自速。重任雖大過。直心終不曲。縱非梁棟材。猶勝尋常木。

歎魯二首

季桓心豈忠。其富過周公。陽貨道豈正。其權執國命。由來富與權。不繫才與賢。所託得其地。雖愚亦獲安。彘肥因糞壤。鼠穩依社壇。蟲獸尚如此。豈謂無因緣。

【二】

展禽胡爲者。直道竟三黜。顏子何如人。屢空聊過日。皆懷王佐道。不踐陪臣秩。自古無奈何。命爲時所屈。有如草木分。天各與其一。荔枝非名花。牡丹無甘實。

反鮑明遠白頭吟

炎炎者烈火。營營者小蠅。火不熱真玉。蠅不點清水。此苟無所受。彼莫能相仍。乃知物性中。各有能不能。古稱怨恨死。則人有所懲。懲淫或應可。在道未爲弘。譬如蝸鵲徒。啾啾喧龍鵬。宜當委之去。寥廓高飛騰。豈能泥塵下。區區酬怨憎。胡爲坐自苦。吞悲仍撫膺。

青塚

上有飢鷹號。下有枯蓬走。茫茫邊雪裏。一掬沙培塿。傳是昭君墓。埋閉蛾眉久。

凝脂化爲泥。鉛黛復何有。時有陰怨氣。常生墳左右。鬱鬱如苦霧。不隨骨銷朽。婦人無他才。榮枯繫妍否。何乃明妃命。獨懸畫工手。丹青一註誤。白黑相紛糺。遂使君眼中。西施作媼母。同儕傾寵幸。異數爲配偶。禍福安可知。美顏不如醜。何言一時事。可戒千年後。特報後來姝。不須倚眉首。無辭插荆釵。嫁作貧家婦。不見青塚上。行人爲澆酒。

雜感

君子防悔尤。賢人戒行藏。嫌疑遠瓜李。言動慎毫芒。立教固如此。撫事有非常。爲君持所感。仰面問蒼蒼。犬豕桃樹根。李樹反見傷。老龜烹不爛。延禍及枯桑。城門自焚蕪。池魚罹其殃。陽貨肆兇暴。仲尼畏於匡。魯酒薄如水。邯鄲開戰場。伯禽鞭見血。過失由成王。都尉身降虜。宮刑加子長。呂安兄不道。都市殺嵇康。斯人死已久。其事甚昭彰。是非不由己。禍患安可防。使我千載後。涕泗滿衣裳。

白樂天詩集卷三

諷諭三

新樂府上 二十首

新樂府并序

○元和四年 爲左拾遺時作

序曰凡九千二百五十二言。斷爲五十篇。篇無定句。句無定字。繫於意不繫於文。首句標其目。卒章顯其志。詩三百之義也。其辭質而徑。欲見之者易論也。其言直而切。欲聞之者深誠也。其事覈而實。使采之者傳信也。其體順而律。可以播於樂章。歌曲也。總而言之。爲君爲臣爲民爲物爲事而作。不爲文而作也。

七德舞

美撥亂陳王業也

七德舞七德歌

傳自武德至元和

元和小臣白居易

觀舞聽歌知樂意

樂終稽首陳其事

太宗十八舉義兵

白旄黃鉞定兩京

擒充戮竇四海清

二十有四功業成

二十有九卽帝位

三十有五致太平

功成理定何神速

速在推心置人腹

亡卒遺骸散帛收

飢人賣子分金贖

魏徵夢見天子泣

張謹哀聞辰日哭

怨女三千放出宮

死囚四百來歸獄

剪髮燒藥賜功臣

李勣鳴咽思殺身，
以心感人人心歸。
聖人有作垂無極，
王業艱難示子孫。

含血吮瘡撫戰士，
爾來一百九十載。
豈徒耀神武。

思摩奮呼乞效死，
天下至今歌舞之。
豈徒誇聖文。

一七七二
不獨善戰善乘時，
歌七德舞七德。
太宗意在陳王業。

法曲 美列聖正華聲也

法曲法曲歌大定，
政和世理音洋洋。
中宗肅宗復鴻業，
以亂干和天寶末。
一從胡曲相參錯，

積德重熙有餘慶，
開元之人樂且康。
唐祚中興萬萬葉，
明年胡塵犯宮闕。
不辨興衰與哀樂。

永徽之人舞而詠，
法曲法曲歌堂堂。
法曲法曲雜夷歌，
乃知法曲本華風。
願求牙曠正華音。

法曲法曲舞霓裳，
堂堂之慶垂無疆。
夷聲邪亂華聲和，
苟能審音與政通。
不令夷夏相交侵。

二王後 明祖宗之意也

二王後 彼何人，
非是一人之天下。
介公鄴公世爲客，
高祖太宗之遺制。

介公鄴公爲國賓，
周亡天下傳于隋。
明堂太廟朝享時，
不獨興滅國。

周武隋文之子孫，
隋人失之唐得之。
引居賓位備威儀，
不獨繼絕世。

古人有言天下者，
唐興十葉歲二百。
備威儀 助郊祭。
欲令嗣位守文君。

亡國子孫取爲戒。

海漫漫 戒求仙也。

海漫漫，
山上多生不死藥。
蓬萊今古但聞名，
不見蓬萊不敢歸。
君看驪山頂上茂陵頭，
不言白日昇青天。

直下無底旁無邊，
服之羽化爲天仙。
煙水茫茫無覓處，
童男艸女舟中老。
畢竟悲風吹蔓草。

雲濤煙浪最深處，
秦皇漢武信此語。
海漫漫 風浩浩，
徐福文成多誑誕。
何況玄元聖祖五千言。

人傳中有三神山，
方士年年采藥去。
眼穿不見蓬萊島，
上元太一虛祈禱。
不言藥不言仙。

立部伎 刺雅樂之替也

立部伎 鼓笛誼，
堂上者坐堂下立。
鼓笛萬曲無人聽，
立部又退何所任。
圓丘后土郊祀時，
工師愚賤安足云。

舞雙劍 跳七丸，
堂上坐部笙歌清。
立部賤 坐部貴，
始就樂懸操雅音。
言將此樂感神祇，
太常三卿爾何人。

煽巨索 掉長竿，
堂下立部鼓笛鳴。
坐部退爲立部伎，
雅音替壞一至此。
欲望鳳來百獸舞。

太常部伎有等級，
笙歌一曲衆側耳。
擊鼓吹笙和雜戲，
長令爾輩調宮徵。
何異北轅將適楚。

華原磬 刺樂工非其人也

華原磬。華原磬。古人不聽今人聽。
 今人古人何不同。用之捨之由樂工。
 梨園弟子調律呂。知有新聲不知古。
 宮懸一聽華原石。君心遂忘封疆臣。
 始知樂與時政通。豈聽鏗鏘而已矣。
 華原磬與泗濱石。清濁兩聲誰得知。

上陽人 慙怨曠也

上陽人。上陽人。紅顏暗老白髮新。
 玄宗末歲初選入。入時十六今六十。
 憶昔吞悲別親族。扶入車中不教哭。
 未容君王得見面。已被楊妃遙側目。
 宿空房。秋夜長。夜長無寐天不明。
 春日遲。日遲獨坐天難暮。
 鶯歸燕去長悄然。春往秋來不記年。
 綠衣監使守宮門。同時采擇百餘人。
 皆云入內便承恩。妬令潛配上陽宮。
 耿耿殘燈背壁影。耿耿殘燈背壁影。
 宮鶯百囀愁厭聞。宮鶯百囀愁厭聞。
 唯向深宮望明月。唯向深宮望明月。
 一閉上陽多少春。一閉上陽多少春。
 零落年深殘此身。零落年深殘此身。
 險似芙蓉曾似玉。險似芙蓉曾似玉。
 一生遂向空房宿。一生遂向空房宿。
 蕭蕭暗雨打牕聲。蕭蕭暗雨打牕聲。
 梁燕雙栖老休妬。梁燕雙栖老休妬。
 東西四五百廻圓。東西四五百廻圓。

今日宮中年最老。大家遙賜尚書號。
 外人不見見應笑。天寶末年時世粧。
 少苦老苦兩如何。君不見昔時呂尚美人賦。
 胡旋女 戒近習也。君不見今日上陽宮人白髮歌。

胡旋女。胡旋女。心應絃。手應鼓。
 左旋右轉不知疲。千匝萬周無已時。
 曲終再拜謝天子。天子爲之徵啓齒。
 中原自有胡旋者。圖妙爭能爾不如。
 中有太真外祿山。二人最道能胡旋。
 祿山胡旋迷君眼。兵過黃河疑未反。
 從茲地軸天維轉。五十年來制不禁。

折臂翁 戒邊功也

折臂翁。折臂翁。頭鬢眉鬚皆似雪。
 新豐老翁八十八。兼問致折何因緣。
 問翁臂折來幾年。不識旗槍與弓箭。
 慣聽梨園歌管聲。慣聽梨園歌管聲。
 玄孫扶向店前行。玄孫扶向店前行。
 翁云貫屬新豐縣。翁云貫屬新豐縣。
 無何天寶大徵兵。無何天寶大徵兵。
 左臂憑肩右臂折。左臂憑肩右臂折。
 生逢聖代無征戰。生逢聖代無征戰。
 戶有三丁點一丁。戶有三丁點一丁。

點得驅將何處去。五月萬里雲南行。開道雲南有瀘水。椒花落時瘴煙起。
 大軍徒涉水如湯。未過十人二三死。邛南邛化哭聲哀。兒別爺娘夫別妻。
 皆云前後征蠻者。千萬人行無一迴。是時翁年二十四。兵部牒中有名字。
 夜深不敢使人知。偷將大石槌折臂。張弓箠旗俱不堪。此臂折來六十年。
 骨碎筋傷非不苦。且圖揀退歸鄉土。痛不眠。終不悔。從茲始免征雲南。
 至今風雨陰寒夜。直到天明痛不眠。應作雲南望鄉鬼。一肢雖廢一身全。
 不然當時瀘水頭。身死魂孤骨不收。且喜老身今獨在。萬人塚上哭呦呦。
 老人言。君聽取。君不聞開元宰相宋開府。不賞邊功防黷武。又不聞天寶宰相
 楊國忠。欲求恩幸立邊功。邊功未立生人怨。請問新豐折臂翁。

太行路 借夫婦以諷君臣之不終也 請問新豐折臂翁

太行之路能摧車。若比君心是坦途。巫峽之水能覆舟。若比君心是安流。
 君心好惡苦不常。好生毛羽惡生疔。與君結髮未五載。豈期牛女爲參商。
 古稱色衰相棄背。當時美人猶怨悔。何況如今鸞鏡中。妾顏未改君心改。
 爲君薰衣裳。君聞蘭麝不馨香。爲君盛容飾。君看珠翠無顏色。
 行路難。難重陳。人生莫作婦人身。百年苦樂由他人。行路難。

難於山。險於水。不獨人家夫與妻。近代君臣亦如此。君不見。左納言。右納史。
 朝承恩。暮賜死。行路難。不在水。不在山。只在人。情反覆閒。

司天臺 引古以儆今也

司天臺 仰觀俯察天人際。羲和死來職事廢。官不求賢空取藝。
 昔聞西漢元成閒。下陵上替謫見天。北辰微暗少光色。四星煌煌如火赤。
 耀芒動角射三台。上台半滅中台坼。是時非無太史官。眼見心知不敢言。
 明朝趨入明光殿。唯奏慶雲壽星見。天文時變兩如斯。九重天子不得知。
 不得知。安用臺高百尺爲。

捕蝗 刺長吏也

捕蝗捕蝗誰家子。天熱日長飢欲死。興元兵久傷陰陽。和氣蠱蠹化爲蝗。
 始自兩河及三輔。荐食如蠶飛似雨。雨飛蠶食千里閒。不見青苗空赤土。
 河南長吏言憂農。課人晝夜捕蝗蟲。是時粟斗錢三百。蝗蟲之價與粟同。
 捕蝗捕蝗竟何利。徒使飢人重勞費。一蝗雖死百蝗來。豈將人力競天災。
 我聞古之良吏有善政。以政驅蝗蝗出境。又聞貞觀之初道欲昌。文皇仰天吞一蝗。
 一人有慶兆民賴。是歲雖蝗不爲害。

昆明春 思王澤之廣被也

昆明春。昆明春。春池岸古春流新。
 往年因旱靈池竭。龜尾曳塗魚煦沫。
 今來淨淥水照天。游魚鱗鱗蓮田田。
 動植飛沈性皆遂。皇澤如春無不被。
 詔以昆明近帝城。官家不得收其征。
 感君惠。獨何人。吾聞率土皆王民。
 無遠無近同忻忻。吳興山中罷權茗。
 熙熙同似昆明春。

城鹽州 美聖謨而謂邊將也

城鹽州。城鹽州。城在五原原上頭。
 金鳥飛傳贊普聞。建牙傳箭集羣臣。
 自築鹽州十餘載。左衽氈裘不犯塞。
 諸邊急警勞戍人。唯此一道無煙塵。
 鄯州驛路好馬來。長安藥肆黃著賤。

蕃東節度鉢闌布。君臣赭面有憂色。
 晝牧牛羊夜捉生。靈夏潛安誰復辯。
 忽見新城當要路。皆言勿謂唐無人。
 長去新城百里外。秦原暗通何處見。
 鹽州未城天子愛。

德宗按圖自定計。非關將略與廟謀。
 韓公創築受降城。三城鼎峙屯漢兵。
 如今邊將非無策。心笑韓公築城壁。
 願分今日邊將恩。褒贈韓公封子孫。

道州民 美賢臣遇明主也

道州民。多侏儒。長者不過三尺餘。
 任土貢。寧若斯。不聞使久生別離。
 不進矮奴頻詔問。城云臣按六典書。
 只有矮民無矮奴。吾君感悟璽書下。
 老者幼者何欣欣。父兄子弟始相保。
 民到于今受其賜。欲說使君先下淚。

馴犀 感為政之難終也

馴犀馴犀通天犀。軀貌駭人角駭雞。
 一朝得謁大明宮。歡呼拜舞自論功。
 上嘉人獸俱來遠。蠻館四方犀入苑。

海蠻聞有明天子。五年馴養始堪獻。
 餽以瑤瑤鏤以金。

海鳥不知鐘鼓樂。
一入上林三四年。
馴犀死。蠻兒啼。
君不見建中初。
所嗟建中異貞元。

池魚空結江湖心。
又逢今歲苦寒月。
向闕再拜顏色低。
馴象生還放林邑。
象生犀死何足言。

馴犀生處南方熱。
飲冰臥霰苦踈跼。
奏乞生歸本國去。
君不見貞元末。

秋無白露冬無雪。
角骨凍傷鱗甲縮。
恐身凍死似馴犀。
馴犀凍死蠻兒泣。

五絃彈 惡鄭之奪雅也

五絃彈。五絃彈。
第一第二絃索索。
第五絃聲最掩抑。
鐵擊珊瑚一兩曲。
寒氣中人肌骨酸。
唧唧咨咨聲不已。
宅死人閒無此聲。
正始之音其若何。
融融曳曳召元氣。

聽者傾耳心寥寥。
秋風拂松疎韻落。
隴水凍咽流不得。
冰寫玉盤千萬聲。
曲終聲盡欲半日。
自歎今朝初得聞。
遠方士。
朱絃疎越清廟歌。
聽之不覺心平和。

趙璧知君入骨愛。
第三第四絃泠泠。
五絃竝奏君試聽。
鐵聲殺。冰聲寒。
四座相對愁無言。
始知孤負平生耳。
爾聽五絃信爲美。
一彈一唱再三歎。
人情重今多賤古。

五絃一一爲君調。
夜鶴憶子籠中鳴。
淒淒切切復錚錚。
殺聲入耳膏血慘。
座中有一遠方士。
唯憂趙璧白髮生。
吾聞正始之音不如是。
曲淡節稀聲不多。
古瑟有絃人不撫。

更從趙璧藝成來。二十五絃不如五。

蠻子朝 刺將驕而相備位也

蠻子朝。
蜀將收功先表賀。
合爲一詔漸強大。
征蠻一陣全軍沒。
不勞一人蠻自通。
笑令中使迎蠻子。
大將軍繫金呿嗟。
引臨玉座近天顏。
大臣相看有羨色。

驃國樂 欲王化之先邇後遠也

驃國樂。驃國樂。
德宗立仗御紫庭。
珠纓炫轉星宿搖。

汎皮船兮渡繩橋。

臣聞雲南六詔蠻。

開元皇帝雖聖神。

至今西河河岸邊。

誠由陛下休明德。

蠻子道從者誰何。

異牟尋男尋悶勸。

晁旒不垂親勞休。

可憐宰相拖紫佩金章。

來自潮州道路遙。

東連牂牁西接蕃。

唯蠻倔強不來賓。

箭孔刀痕滿枯骨。

亦賴微臣誘諭功。

摩挲俗羽雙隈伽。

特敕召對延英殿。

賜衣賜食移時對。

朝日唯聞對一刻。

入界先經蜀川過。

六詔星居初瑣碎。

鮮于仲通六萬卒。

誰知今日慕華風。

德宗省表知如此。

清平官持赤藤杖。

上心貴在懷遠蠻。

移時對。不可得。

出自大海西南角。

駐蹕不塞爲爾聽。

花蠻斗戲龍蛇動。

雍羌之子舒難陀。

玉螺一吹椎髻聳。

曲終王子啓聖人。

來獻南音奉正朔。

銅鼓一擊文身踊。

臣父願爲唐外臣。

左右歡呼何翕習。伏見驃人獻新樂。聞君政化甚聖明。親身理國國可濟。貞元之民若未安。驃樂驃樂徒喧喧。

至尊德廣之所及。請書國史傳子孫。欲感人心致太平。君如心兮民如體。驃樂雖聞君不歡。不如聞此蕝莠言。

須臾百辟詣闕門。時有擊壤老農父。感人在近不在遠。體生疾苦心惛悽。貞元之民苟無病。

俯伏拜表賀至尊。暗測君心閒獨語。太平由實非由聲。民得和平君體悌。驃樂不來君亦聖。

縛戎人 達窮民之情也

縛戎人。縛戎人。黃衣小使錄姓名。朝飡飢渴費杯盤。其中一虜語諸虜。自云鄉管本涼原。唯許正朝服漢儀。暗思幸有殘筋肉。晝伏宵行經大漠。

耳穿面破驅入秦。領出長安乘遞行。夜臥腥臊汚牀席。爾苦非多我苦多。大曆年中沒落蕃。斂衣整巾潛淚垂。更恐年衰歸不得。雲陰月黑風沙惡。

天下矜憐不忍殺。身被金瘡面多瘡。忽逢江水憶交河。同伴行人因借問。一落蕃中四十載。誓心密定歸鄉計。蕃候嚴兵鳥不飛。驚藏青塚寒草疎。

詔徒東南吳與越。扶病徒行日一驛。垂手齊聲嗚咽歌。欲說喉中氣憤憤。身著皮裘繫毛帶。不使蕃中妻子知。脫身冒死奔逃歸。偷度黃河夜冰薄。

忽聞漢軍鞞鼓聲。配向江南卑濕地。涼原鄉井不得見。早知如此悔歸來。自古此冤應未有。

路傍走出再拜迎。豈無存郵空防備。胡地妻兒虛棄捐。兩地寧如一處苦。漢心漢語吐蕃身。

游騎不聽能漢語。念此吞聲仰訴天。沒蕃被囚思漢土。縛戎人。

將軍遂縛作蕃生。若為辛苦度殘年。歸漢被劫為蕃虜。戎人之中我苦辛。

白樂天詩集卷四

諷諭四

新樂府下 三十首

驪宮高 美天子重惜人之財力也。高高驪山上有宮。嬋嬋兮秋風。吾君在位已五載。一人出兮不容易。中人之產數百家。

朱樓紫殿三四重。山蟬鳴兮宮樹紅。何不_一幸於其中。六宮從兮百司備。未足充君一日費。

遲遲兮春日。翠華不來兮歲月久。西去都門幾多地。八十一車千萬騎。吾君修己人不知。

玉甃暖兮溫泉溢。墻有衣兮瓦有松。吾君不遊有深意。朝有宴飫暮有賜。不自逸兮不自嬾。

吾君愛人人不識。不傷財兮不傷力。驪宮高兮高入雲。君之來兮爲一身。

百鍊鏡 辨皇王鑒也

百鍊鏡。銘範非常規。五月五日日午時。瓊粉金膏磨瑩已。揚州長吏手自封。人閒臣妾不合照。我有一言聞太宗。太宗常以人爲鏡。百王治亂懸心中。乃知天子別有鏡。不是揚州百鍊銅。江心波上舟中鑄。鏡成將賦蓬萊宮。人人呼爲天子鏡。四海安危居掌內。

青石 激忠烈也

青石出自藍田山。兼車運載來長安。工人磨琢欲何用。石不能言我代言。不願作人家墓前神道碣。墳土未乾名已滅。不願作官家道傍德政碑。不鑄實錄鑄虛辭。願爲段氏顏氏碑。雕鏤太尉與太師。刻此兩片堅貞質。狀彼二人忠烈姿。義心如石屹不轉。死節如石確不移。似見叱呵希烈時。各於其上題名諡。一置高山一沈水。陵谷雖遷碑獨存。骨化爲塵名不死。長使不忠不烈臣。觀碑改節慕爲人。慕爲人。勸事君。

兩朱閣 刺佛寺變多也

南北相對起

兩朱閣。帝子吹簫雙得仙。五雲飄飄飛上天。第宅亭臺不將去。化爲佛寺在人閒。粧閣妓樓何寂靜。柳似舞腰池似鏡。花落黃昏悄悄時。不聞歌吹聞鍾磬。寺門敕榜金字書。尼院佛庭寬有餘。青苔明月多閑地。比屋齊人無處居。憶昨平陽宅初置。吞併平人幾家地。仙去雙雙作梵宮。漸恐人家盡爲寺。

借問何人家

貞元雙帝子

西涼伎 刺封疆之臣也

西涼伎。假面胡人假獅子。刻木爲頭絲作尾。金鍍眼睛銀帖齒。奮迅毛衣擺雙耳。如從流沙來萬里。紫髯深目兩胡兒。鼓舞跳梁前致辭。應似涼州未陷日。安西都護進來時。須臾云得新消息。安西路絕歸不得。泣向獅子涕雙垂。涼州陷沒知不知。獅子回頭向西望。哀吼一聲觀者悲。貞元邊將愛此曲。醉坐笑看看不足。見弄涼州低面泣。獅子胡兒長在目。有一征夫年七十。自從天寶兵戈起。犬戎日夜吞西鄙。主憂臣辱昔所聞。自從天寶兵戈起。犬戎日夜吞西鄙。河隴侵將七千里。平時安西萬里疆。今日邊防在鳳翔。緣邊空屯十萬卒。飽食溫衣閑過日。

遣民腸斷在涼州。將宰相看無意收。
奈何仍看西涼伎。取笑資歡無所愧。

天子每思常痛惜。縱無智力未能收。

將軍欲說合慙羞。忍取西涼弄為戲。

八駿圖 誠奇物懲佚游也

穆王八駿天馬駒。後人愛之寫為圖。
日行萬里疾如飛。穆王獨乘何所之。
屬車軸折趁不及。黃屋草生棄若遺。
璧臺南與盛姬遊。明堂不復朝諸侯。
周從后稷至文武。積德累功世勤苦。
山來尤物不在大。能薄君心即為害。
穆王得之不為戒。八駿駒來周室壞。
八駿圖。君莫愛。

背如龍兮頸如象。四荒八極踏欲遍。
瑤池西赴王母宴。白雲黃竹歌聲動。
豈知纔及五代孫。文帝卻之不肯乘。
至今此物世稱珍。不知房星之精下為怪。

骨竦筋高脂肉壯。三十二蹄無歇時。
七廟經年不親薦。一人荒樂萬人愁。
心輕王業如灰土。千里馬去漢道興。
不知房星之精下為怪。

湖底松 念寒雋也

有松百尺大十圍。生在湖底寒且卑。
天子明堂欠梁木。此求彼有兩不知。
金張世祿黃憲賢。牛衣寒賤貂蟬貴。

湖深山險人路絕。誰論蒼蒼造物意。
貂蟬與牛衣。

老死不逢工度之。但與之材不與地。
高下雖有殊。

高者未必賢。

下者未必愚。

君不見沈沈海底生珊瑚。

歷歷天上種白榆。

牡丹芳 美天子憂農也

牡丹芳。牡丹芳。黃金縷綻紅玉房。
照地初開錦繡段。當風不結蘭麝囊。
宿露輕盈汎紫豔。朝陽照耀生紅光。
映葉多情隱羞面。臥叢無力含醉粧。
穠姿貴彩信奇絕。雜卉亂花無比方。
遊使王公與卿相。遊花冠蓋日相望。
衛公宅靜閉東院。西明寺深開北廊。
共愁日照芳難駐。仍張帷幕垂陰涼。
三代以還文勝質。人心重華不重質。
元和天子憂農桑。卽下動天天降祥。
今年瑞麥分兩岐。君心獨喜無人知。
減卻牡丹妖豔色。少迴卿士愛花心。

千片赤英霞爛爛。仙人琪樹白無色。
紅紫二色閒深淺。低嬌笑容疑掩口。
石竹金錢何細碎。庫車輕疊貴公主。
戲蝶雙舞看人久。花開花落二十日。
重華直至牡丹芳。去歲嘉禾生九穗。
無人知。可歎息。

百枝絳焰燈煌煌。王母桃花小不香。
向背萬態隨低昂。凝思怨人如斷腸。
芙蓉芍藥苦尋常。芙蓉芍藥苦尋常。
香衿細馬豪家郎。殘鶯一聲春日長。
一城之人皆若狂。其來有漸非今日。
田中寂寞無人至。我願暫求造化力。

紅線毯 憂蠶桑之費也

紅線毯。擇繭練絲清水煮。揀絲練線紅藍染。染爲紅線紅於花。
 織作披香殿上毯。披香殿廣十丈餘。紅線織成可殿鋪。綵絲茸茸香拂拂。
 線軟花虛不勝物。美人蹋上歌舞來。羅襪繡襪隨步沒。太原毯澀毳縷硬。
 蜀都褥薄錦花冷。不如此毯溫且柔。年年十月來宣州。宣州太守加樣織。
 自謂爲臣能竭力。百夫同擔進宮中。線厚絲多卷不得。宣州太守知不知。
 一丈毯用千兩絲。地不知寒人要暖。少奪人衣作地衣。

杜陵叟 傷農夫之困也

杜陵叟杜陵居。歲種薄田一頃餘。三月無雨旱風起。麥苗不秀多黃死。
 九月降霜秋早寒。禾穗未熟皆青乾。長吏明知不申破。急斂暴徵求考課。
 典桑賣地納官租。明年衣食將何如。剝我身上帛。奪我口中粟。
 虐人害物即豺狼。何必鉤爪鋸牙食人肉。帝心惻隱知人弊。
 白麻紙上書德音。京畿盡放今年稅。帝心惻隱知人弊。手持尺牒榜鄉村。
 十家租稅九家畢。虛受吾君蠲免恩。

練綾 念女工之勞也

練綾練綾何所似。不似羅綃與執綺。應似天台山上明月前。四十五尺瀑布泉。
 中有文章又奇絕。地鋪白煙花簇雪。織者何人衣者誰。越溪寒女漢宮姬。
 去年中使宣口敕。天上取樣人間織。織爲雲外秋鴈行。染作江南春水色。
 廣裁衫袖長製裙。金斗熨波刀剪紋。異彩奇文相隱映。轉側看花花不定。
 昭陽舞人恩正深。春衣一對直千金。汗沾粉汗不再著。曳土闢泥無惜心。
 練綾織成費功績。莫比尋常繒與帛。絲細縷多女手疼。札札千聲不盈尺。
 昭陽殿裏歌舞人。若見織時應也惜。

賣炭翁 苦宮市也

賣炭翁。伐薪燒炭南山中。滿面塵灰煙火色。兩鬢蒼蒼十指黑。
 賣炭得錢何所營。身上衣裳口中食。可憐身上衣正單。心憂炭賤願天寒。
 夜來城外一尺雪。曉駕炭車輾冰轍。牛困人飢日已高。市南門外泥中歇。
 翩翩騎來是誰。黃衣使者白衫兒。手把文書口稱敕。迴車叱牛牽向北。
 一車炭重千餘斤。宮使驅將惜不得。半匹紅綃一丈綾。繫向牛頭充炭直。

母別子 刺新問舊也

母別子。子別母。白日無光哭聲苦。

關西驃騎大將軍。

去年破虜新策勳。

敕賜金錢二百萬。洛陽迎得如花人。
 迎新棄舊未足悲。悲在君家畱兩兒。
 以汝夫婦新嬌婉。使我母子生別離。
 應似園中桃李樹。花落隨風子住枝。
 但願將軍重立功。更有新人勝於汝。

陰山道 疾貪虜也

陰山道。陰山道。紇邏敦肥水泉好。
 草盡泉枯馬病羸。飛龍但印骨與皮。
 養無所用去非宜。每歲死傷十六七。
 藕絲蛛網三丈餘。回鶻訴稱無用處。
 元和二年下新敕。內出金帛酬馬直。
 合羅將軍呼萬歲。捧授金銀與縑綵。
 縑漸好。馬漸多。陰山虜。奈爾何。

時世粧 傲戎也

時世粧。時世粧。出自城中傳四方。
 時世流行無遠近。顯不施朱面無粉。

烏膏注脣唇似泥。雙眉畫作八字低。
 圓鬟無鬢椎髻樣。斜紅不暈赭面狀。
 元和粧梳君記取。髻椎面赭非華風。

李夫人 鑿鑿惑也

漢武帝。初喪李夫人。夫人病時不肯別。
 丹青寫出竟何益。丹青寫出竟何益。
 玉釜煎鍊金爐焚。九華帳深夜悄悄。
 香煙引到焚香處。既來何苦不須臾。
 是邪非邪兩不知。翠蛾髣髴平生貌。
 魂之來兮君亦悲。背燈隔帳不得語。
 自古及今皆若斯。君不見穆王三日哭。
 馬嵬坡下念楊妃。縱令妍姿豔質化爲土。
 尤物惑人忘不得。人非木石皆有情。

陵園妾 憐幽閉也

陵園妾。憐幽閉也。顏色如花命如葉。
 命如葉薄將奈何。一奉寢宮年月多。

年月多。時光換。春愁秋思知何限。青絲髮落叢鬢疎。
 憶昔宮中被妬猜。因讒得罪配陵來。老母啼呼趁車別。
 山宮一閉無開日。未死此身不令出。松門到曉月徘徊。
 松門柏城幽閉深。開蟬聽燕感光陰。眼看菊蕊重陽淚。
 把花掩淚無人見。綠燕墻邊青苔院。四季徒支粧粉錢。
 遙想六宮奉至尊。宣徽雪夜浴堂春。雨露之恩不及者。
 我爾君恩何厚薄。願令輪轉直陵園。三歲一來均苦樂。
 猶聞不啻三千人。

鹽商婦 惡幸人也

鹽商婦。多金帛。不事田農與蠶績。南北東西不失家。
 本是揚州小家女。嫁得西江大商客。綠鬢溜去金釵多。
 前呼蒼頭後叱婢。問爾因何得如此。壻作鹽商十五年。
 每年鹽利入官時。少入官家多入私。官家利薄私家厚。
 何況江頭魚米賤。紅鮪黃橙香稻飯。飽食濃妝倚柁樓。
 鹽商婦。有幸嫁鹽商。終朝美飯食。終歲好衣裳。
 好衣美食來何處。亦須慚媿桑弘羊。桑弘羊。死已久。
 不獨漢世今亦有。風水爲鄉船作宅。皓腕肥來銀釧窄。
 不屬州縣屬天子。鹽鐵尙書遠不知。兩朵紅頭花欲綻。
 終歲好衣裳。不獨漢世今亦有。

杏爲梁 刺居處僧也

杏爲梁。桂爲柱。何人堂室李開府。碧砌紅軒色未乾。
 高其牆。大其門。誰家第宅盧將軍。素泥朱板光未滅。
 開府之堂將軍宅。造未成時頭已白。逆旅重居逆旅中。
 更有愚夫念身後。心雖甚長計非久。窮奢極麗越規模。
 莫教門外過客聞。撫掌回頭笑殺君。君不見馬家宅尙猶存。
 君不見魏家宅屬他人。詔贖賜還代五孫。儉存奢失今在目。
 安用高墻圍大屋。

井底引銀瓶 止淫奔也

井底引銀瓶。銀瓶欲上絲繩絕。石上磨玉簪。
 瓶沈管折知奈何。似妾今朝與君別。憶昔在家爲女時。
 嬋娟兩鬢秋蟬翼。宛轉雙蛾遠山色。君騎白馬傍垂楊。
 妾弄青梅倚短牆。君騎白馬傍垂楊。牆頭馬上遙相顧。
 知君斷腸共君語。君指南山松柏樹。感君松柏化爲心。
 到君家舍五六年。君家大人頻有言。聘則爲妻奔是妾。
 終知君家不可住。其奈出門無去處。豈無父母在高堂。
 亦有親情滿故鄉。

潛來更不通消息。今日悲羞歸不得。
寄言癡小人家女。慎勿將身輕許人。

爲君一日恩。

誤妾百年身。

官牛 諷執政也

官牛官牛駕官車。漵水岸邊驅載沙。
載向五門官道西。綠槐陰下鋪沙堤。
右丞相馬蹄。躡沙雖淨潔。

一石沙。幾斤重。
昨來新拜右丞相。
牛領牽車欲流血。

朝載暮載將何用。
恐怕泥塗汚馬蹄。
右丞相。

但能濟人治國調陰陽。官牛領穿亦無妨。

紫毫筆 誠失職也

紫毫筆。尖如錐兮利如刀。
宣城工人采爲筆。千萬毛中選一毫。
君兮臣兮勿輕用。勿輕用。將何如。
搦管趨入黃金闕。抽毫立在白玉除。
起居郎。侍御史。爾知紫毫不易致。
慎勿空將彈失儀。慎勿空將錄制詞。

隋堤柳 憫亡國也

江南石上有老兔。
毫雖輕。功甚重。
願賜東西府御史。
臣有奸邪正衙奏。
每歲宣城進筆時。

喫竹飲泉生紫毫。
管勒工名充歲貢。
願頌左右臺起居。
君有動言直筆書。
紫毫之價如金貴。

隋堤柳

老枝病葉愁殺人。
西至黃河東至淮。
南幸江都恣佚遊。
海內財力此時竭。
楊天子。

歲久年深盡衰朽。

風飄飄兮雨蕭蕭。

三株兩株汴河口。

曾經大業年中春。
綠影一千三百里。
應將此樹蔭龍舟。
舟中歌笑何日休。
自言歡樂殊未極。

大業年中楊天子。
大業末年春暮月。
紫髯郎將護錦纜。
上荒下困勢不久。
豈知明年正朔歸武德。

種柳成行夾流水。
柳色如煙絮如雪。
青蛾御史直迷樓。
宗社之危如綴旒。
楊天子。

自言福祚長無窮。
蕭牆禍生人事變。
二百年來汴河路。

豈知皇子封鄴分。
晏駕不得歸秦中。
沙草和煙朝復暮。

龍舟未過彭城閣。
土墳數尺何處葬。
後王何以鑒前王。

義旗已入長安宮。
吳公臺下多悲風。
請看隋堤亡國樹。

草茫茫 懲厚葬也

草茫茫。土蒼蒼。
當時自以爲深固。
擬將富貴隨身去。
暫借泉中買身禍。
漢文葬在滿陵原。

蒼蒼茫茫在何處。
下流水銀象江海。
一朝盜掘墳陵破。
奢者狼藉儉者安。

驪山脚下秦皇墓。
上綴珠光作烏兔。
龍椁神堂三月火。
一囚一吉在眼前。

墓中下涸二重泉。
別爲天地於其間。
可憐寶玉歸人閒。
憑君回首向南望。

古塚狐 戒豔色也

古塚狐。妖且老。化爲婦人顏色好。
 徐徐行榜荒村路。日欲暮時人靜處。
 忽然一笑千萬態。見者十人八九迷。
 彼真此假俱迷人。人心惡假貴重真。
 女爲狐媚害卻深。日增月長溺人心。
 君看爲害淺深。豈將假色同真色。
 頭變雲鬢面變粧。大尾曳作長紅裳。
 或歌或舞或悲啼。翠眉不舉花顏低。
 假色迷人猶若是。真色迷人應過此。
 狐假女妖害猶淺。一朝一夕迷人眼。
 何況喪妲之色善盡惑。能喪人家覆人國。

黑潭龍 疾貪吏也

黑潭水深色如墨。傳有神龍人不識。
 豐凶水旱與疾疫。鄉里皆言龍所爲。
 神之來兮風飄飄。紙錢動兮錦傘搖。
 肉堆潭岸石。酒潑廟前草。
 狐何幸。豚何辜。年年殺豚將餒狐。
 天可度。惡詐人也。唯有人心不可防。
 潭上架屋官立祠。龍不能神人神之。
 家家養豚漉清酒。朝祈暮賽依巫口。
 神之去兮風亦靜。不知龍神享幾多。
 不知龍神享幾多。林鼠山狐長醉飽。
 狐假神龍食豚盡。九重泉底龍知無。
 天可度。地可量。唯有人心不可防。
 但見丹誠赤如血。誰知僞言巧似簧。

勸君掩鼻君莫掩。使君夫婦爲參商。
 海底魚兮天上鳥。高可射兮深可釣。
 君不見李義府之輩笑欣欣。
 不測人閒笑是瞋。
 勸君撥蜂君莫撥。使君父子爲豺狼。
 唯有人心相對時。咫尺之閒不能料。
 笑中有刀潛殺人。陰陽神變皆可測。

秦吉了 哀冤民也

秦吉了。出南中。彩毛青黑花頸紅。
 昨日長爪鸞。今朝大鸞鳥。
 雞號墮地燕驚去。然後拾卵攫其雛。
 亦有鸞鶴羣。閑立颺高如不聞。
 豈不見雞燕之冤苦。吾聞鳳凰百鳥主。
 安用噪噪閑言語。
 耳聽心慧舌端巧。鳥語人言無不通。
 鸞捎乳燕一窠覆。烏啄母雞雙眼枯。
 豈無鸞與鸞。嗥中肉飽不肯搏。
 秦吉了。人云爾是能言鳥。
 爾竟不爲鳳凰之前致一言。

鷄九劍 思決壅也

歐冶子死千年後。精靈暗授張鷄九。
 金鐵騰精火翻燄。踴躍求爲鑊鉞劍。
 誰知閉匣長思用。三尺青蛇不肯蟠。
 鷄九鑄劍吳山中。天與日時神借功。
 劍成未試十餘年。有客持金買一觀。
 客有心。劍無口。客代劍言告鷄九。

君勿矜我玉可切。君勿誇我鐘可制。不如持我決浮雲。

無令漫漫蔽白日。

為君使無私之光及萬物。蟄蟲昭蘇萌草出。

采詩官 監前王亂亡之由也

采詩官

采詩聽謠導人言。

言者無罪聞者誠。

下流上通上下泰。

周滅秦興至隋氏。

十代采詩官不置。

郊廟登歌讚君美。

樂府豔詞悅君意。

若求輿論規刺言。

萬句千章無一字。

不是章句無規刺。

漸恐朝廷絕諷議。

諍臣杜口為冗員。

諫鼓高懸作虛器。

一人負辰常端默。

百辟入門皆自媚。

夕郎所賀皆德音。

春官每奏唯祥瑞。

君之堂兮千里遠。

君之門兮九重闕。

君耳唯聞堂上言。

君眼不見門前事。

貪吏害民無所忌。

奸臣蔽君無所畏。

君不見厲王胡亥之末年。

君不見厲王胡亥之末年。

羣臣有利君無利。

君兮君兮願聽此。

欲開壅蔽達人情。

先向歌詩求諷刺。

白樂天詩集卷五

閒適一

古調詩 凡五十三首

常樂里閒居偶題十六韻兼寄劉十五公與王十一起呂二員呂四類

崔十八玄亮元九稹劉三十二敦質張十五仲元時為校書郎

帝都名利場。雞鳴無安居。獨有癩慢者。日高頭未梳。工拙性不同。進退迹遂殊。

幸逢太平代。天子好文儒。小才難大用。典校在祕書。三旬兩入省。因得養頑疎。

茅屋四五間。一馬二僕夫。俸錢萬六千。月給亦有餘。既無衣食牽。亦少人事拘。

遂使少年心。日日常晏如。勿言無知己。躁靜各有徒。蘭臺七八人。出處與之俱。

旬時阻談笑。旦夕望軒車。誰能警校閒。解帶臥吾廬。窗前有竹翫。門外有酒沽。

何以待君子。數竿對一壺。

答元八宗簡同遊曲江後明日見贈

長安千萬人。出門各有營。唯我與夫子。信馬悠悠行。行到曲江頭。反照草樹明。

南山好顏色。病客有心情。水禽翻白羽。風荷嫋翠莖。何必滄浪去。卽此可濯纓。

時景不重來。賞心難再并。坐愁紅塵裏。夕鼓瑟瑟聲。歸來經一宿。世慮稍復生。

感時

朝見日上天。暮見日入地。不覺明鏡中。忽年三十四。勿言身未老。冉冉行將至。白髮雖未生。朱顏已先悴。人生詎幾何。在世猶如寄。雖有七十期。十人無一二。今我猶未悟。往往不適意。胡爲方寸閒。不貯浩然氣。貧賤非不惡。道在何足避。富貴非不愛。時來當自至。所以達人心。外物不能累。唯當飲美酒。終日陶陶醉。斯言勝金玉。佩服無失墜。

首夏同諸校正遊開元觀因宿翫月

我與二三子。策名在京師。官小無職事。閑於爲客時。沈沈道觀中。心賞期在茲。到門車馬迴。入院巾杖隨。清和四月初。樹木正華滋。風清新葉影。鳥戀殘花枝。向夕天又晴。東南餘霞披。置酒西廊下。待月杯行遲。須臾金魄生。若與吾徒期。光華一照耀。殿角相參差。終夜清景前。笑歌不知疲。長安名利地。此興幾人知。

永崇里觀居

季夏中氣候。煩暑自此收。蕭颯風雨天。蟬聲暮啾啾。永崇里巷靜。華陽觀院幽。

軒車不到處。滿地槐花秋。年光忽冉冉。世事本悠悠。何必待衰老。然後悟浮休。真隱豈長遠。至道在冥搜。身雖世閒住。心與虛無遊。朝飢有蔬食。夜寒有布裘。幸免凍與餒。此外復何求。寡慾雖少病。樂天心不憂。何以明吾志。周易在床頭。

早送舉人入試

夙駕送舉人。東方猶未明。自謂出太早。已有車馬行。騎火高低影。街鼓參差聲。可憐早朝者。相看意氣生。日出塵埃飛。羣動互營營。營營各何求。無非利與名。而我常晏起。虛住長安城。春深官又滿。日有歸山情。

招王質夫

自此後詩爲
藍屋尉時作

濯足雲水客。折腰簪笏身。誼閑跡相背。十里別經旬。忽因乘逸興。莫惜訪羣塵。窗前故栽竹。與君爲主人。

祇役駱口因與王質夫同遊秋山偶題三韻

石擁百泉合。雲破千峰開。平生煙霞侶。此地重徘徊。今日勤王意。一半爲山來。

見蕭侍御憶舊山草堂詩因以繼和

琢玉以爲架。綴珠以爲籠。玉架絆野鶴。珠籠鎖冥鴻。鴻思雲外天。鶴憶松上風。珠玉信爲美。鳥不戀其中。臺中蕭侍御。心與鴻鶴同。晚起慵冠笏。閑行厭避聰。

昨見憶山詩。詩思浩無窮。歸夢杳何處。舊居洛水東。秋閑杉桂林。春老芝朮叢。白云別山後。離抱常忡忡。衣繡非不榮。持憲非不雄。所樂不在此。恨望草堂空。

病假中。南亭閑望

鼓枕不視事。兩日門掩關。始知吏役身。不病不得閑。閑意不在遠。小亭方丈間。西簷竹梢上。坐見太白山。遙巍峯上雲。對此塵中顏。

仙遊寺獨宿

沙鶴上塔立。潭月當戶開。此中留我宿。兩夜不能迴。幸與靜境遇。喜無歸侶催。從今獨遊後。不擬共人來。

前庭涼夜

露簾色似玉。風幌影如波。坐愁樹葉落。中庭明月多。

官舍小亭閑望

風竹散清韻。煙槐凝綠姿。日高人吏去。閑坐在茅茨。葛衣禦時暑。蔬飯療朝飢。持此聊自足。心力少營爲。亭上獨吟罷。眼前無事時。數峯太白雪。一卷陶潛詩。人心各自是。我是良在茲。迴謝爭名客。甘從君所嗤。

早秋獨夜

井梧涼葉動。隣杵秋聲發。獨向簷下眠。覺來半牀月。

聽彈古淥水

聞君古淥水。使我心和平。欲識慢流意。爲聽疎汎聲。西窗竹陰下。竟日有餘清。

松齋自題 時爲翰林學士

非老亦非少。年過三紀餘。非賤亦非貴。朝登一命初。才小分易足。心寬體長舒。充腸皆美食。容膝卽安居。況此松齋下。一琴數帙書。書不求甚解。琴聊以自娛。夜直入君門。晚歸臥吾廬。形骸委順動。方寸付空虛。持此將過日。自然多晏如。昏昏復默默。非智亦非愚。

冬夜與錢員外同直禁中

夜深草詔罷。霜月淒凜凜。欲臥煖殘杯。燈前相對飲。連鋪青綠被。對置通中枕。髣髴百餘宵。與君同此寢。

和錢員外禁中夙興見示

窗白星漢曙。窗暖燈火餘。坐卷朱裏幕。看封紫泥書。宵宵鐘漏盡。曠曠霞景初。樓臺紅照耀。松竹青扶疎。君愛此時好。迴頭特謂余。不知上清界。曉景復何如。

夏日獨直寄蕭侍御

憲臺文法地。翰林清切司。鷹猜課野鶴。驥德責山麋。課責雖不同。同歸非所宜。是以方寸內。忽忽暗相思。夏日獨上直。日長何所爲。澹然無他念。虛靜是吾師。形委有事牽。心與無事期。中臆一以曠。外累都若遺。地貴身不覺。意閑境來隨。但對松與竹。如在山中時。情性聊自適。吟詠偶成詩。此意非夫子。餘人多不知。

松聲

月好好獨坐。雙松在前軒。西南微風來。潛入枝葉間。蕭寥發爲聲。半夜明月前。寒山颯颯雨。秋琴泠泠絃。一聞滌炎暑。再聽破昏煩。竟夕遂不寐。心體俱翛然。南陌車馬動。西鄰歌吹繁。誰知茲簷下。滿耳不爲喧。

禁中

門殿九重靜。窗幽一室閑。好是修心處。何必在深山。

贈吳丹

巧者力苦勞。智者心苦憂。愛君無巧智。終歲閑悠悠。嘗登御史府。亦佐東諸侯。手操糾謫簡。心運決勝籌。宦途似風水。君心如虛舟。汎然而不有。進退得自由。今來脫多忘。時往侍龍樓。官曹稱心靜。居處隨跡幽。冬負南簷日。支體甚溫柔。夏臥北窗風。枕席如涼秋。南山入舍下。酒甕在牀頭。人閒有閑地。何必隱林丘。

願我愚且昧。勞生殊未休。一入金門直。星霜三四周。主恩信難報。近地徒久留。終當乞閒官。退與夫子遊。

初除戶曹喜而言志

詔授戶曹掾。捧詔感君恩。感恩非爲己。祿養及吾親。弟兄俱簪笏。新婦儼衣巾。羅列高堂下。拜慶正紛紛。俸錢四五萬。月可奉晨昏。廩祿二百石。歲可盈倉囤。喧喧車馬來。賀客滿我門。不以我爲貧。知我家內貧。置酒延賀客。客容亦歡欣。笑云今日後。不復憂空樽。答云如君言。願君少逡巡。我有平生志。醉後爲君陳。人生百歲期。七十有幾人。浮榮及虛位。皆是身之賓。唯有衣與食。此享粗關身。苟免飢寒外。餘物盡浮雲。

秋居書懷

門前少賓客。階下多松竹。秋景下西墻。涼風入東屋。有琴慵不弄。有書閑不讀。盡日方寸中。澹然無所欲。何須廣居處。不用多積蓄。丈室可容身。斗儲可充腹。況無治道術。坐受官家祿。不種一株桑。不鋤一隴穀。終朝飽飯食。卒歲豐衣服。持此知愧心。自然易爲足。

禁中曉臥因懷王起居

遲遲禁漏盡。悄悄暝鷓喧。夜雨槐花落。微涼臥北軒。曙燈殘未滅。風簾閉自翻。每得一靜境。思與故人言。

養拙

鐵柔不爲劔。木曲不爲輶。今我亦如此。愚蒙不及門。甘心謝名利。滅跡歸丘園。坐臥茅茨中。但對琴與樽。身去羶鏤累。耳辭朝市喧。逍遙無所爲。時窺五千言。無憂樂性場。寡慾清心源。始知不才者。可以探道根。

寄李十一建

外事牽我形。外物誘我情。李君別來久。偏恁從中生。憶昨訪君時。立馬扣柴荆。有時君未起。稚子喜先迎。連步笑出門。衣翻冠或傾。掃階苔紋綠。拂榻藤陰清。家醞及春熟。園葵乘露烹。看山東亭坐。待月南原行。門靜唯鳥語。坊遠少鼓聲。相對盡日言。不及利與名。分手來幾時。明月三四盈。別時殘花落。及此新蟬鳴。芳歲忽已晚。離抱恨未平。豈不思命駕。吏職坐相縈。前時君有期。訪我來山城。心賞久云阻。言約無自輕。相去幸非遠。走馬一日程。

旅次華州贈袁右丞

渭水綠溶溶。華山青崇崇。山水一何麗。君子在其中。才與世會合。物隨誠感通。

德星降人福。時雨助歲功。化行人無語。罔圖千日空。政順氣亦和。黍稷三年豐。客自帝城來。驅馬出關東。愛此一郡人。如見太古風。方今天子心。憂人正忡忡。安得天下守。盡得如袁公。

酬楊九弘貞長安病中見寄

伏枕君寂寂。折腰我營營。所嗟經時別。相去一宿程。攜手昨何時。昆明春水平。離郡來幾日。太白夏雲生。之子未得意。貧病客帝城。貧堅志士節。病長高人情。隱几自恬淡。閉門無送迎。龍臥心有待。鶴瘦貌彌清。清機發爲文。投我如振瓊。何以慰飢渴。捧之吟一聲。

禁中寓直夢遊仙遊寺

西軒草詔暇。松竹深寂寂。月出清風來。忽似山中夕。因成西南夢。夢作遊仙客。覺聞宮漏聲。猶謂山泉滴。

贈王山人

聞君減寢食。日聽神仙說。暗待非常人。潛求長生訣。言長本對短。未離生死轍。假使得長生。才能勝天折。松樹千年朽。槿花一日歇。畢竟共虛空。何須誇歲月。彭殤徒自異。生死終無別。

不如學無生。無生即無滅。

秋山

久病曠心賞。今朝一登山。山秋雲物冷。稱我清羸顏。白石臥可枕。青蘿行可攀。意中如有得。盡日不欲還。人生無幾何。如寄天地間。心有千載憂。身無一日閑。何時解塵網。此地來掩關。

贈能七倫

澗松高百尋。四時寒森森。臨風有清韻。向日無曲陰。如何時俗人。但賞桃李林。豈不知堅貞。芳馨誘其心。能生學爲文。氣高功亦深。手中一百篇。句句披沙金。苦節二十年。無人振陸沈。今我尙貧賤。徒爲爾知音。

題楊穎士西亭

靜得亭上境。遠諧塵外蹤。憑軒東南望。鳥滅山重重。竹露冷煩襟。杉風清病容。曠然宜真趣。道與心相逢。即此可遺世。何必蓬壺峯。

題贈鄭秘書徵君石溝溪隱居

鄭君得自然。虛白生心骨。吸彼沆瀣精。凝爲冰雪容。大君貞元初。求賢致時雍。蕭輪入翠微。迎下天台峯。赤城別松喬。黃閣交夔龍。俛仰受三命。從容辭九重。

出籠鶴翩翩。歸林鳳嘒嘒。在火辨良玉。經霜識貞松。新居寄楚山。山碧溪溶溶。

丹竈燒煙燼。黃精花丰茸。蕙帳夜琴淡。桂樽春酒濃。時人不到處。苔石無塵蹤。

我今何爲者。趨世身龍鍾。不向林壑訪。無由朝市逢。終當解塵纓。卜築來相從。

及第後歸觀畱別諸同年

十年常苦學。一上謬成名。擢第未爲貴。賀親方始榮。時輩六七人。送我出帝城。軒車動行色。絲管舉離聲。得意減別恨。半酣輕遠程。翩翩馬蹄疾。春日歸鄉情。

清夜琴興

月出烏栖盡。寂然坐空林。是時心境閑。可以彈素琴。清冷由木性。恬淡隨人心。心積和平氣。木應正始音。響餘羣動息。曲罷秋夜深。正聲感元化。天地清沈沈。

效陶潛體詩十六首并序

余退居渭上。杜門不出。時屬多雨。無以自娛。會家醞新熟。雨中獨飲。往往酣醉。終日不醒。輒放之心。彌覺自得。故得於此。而有以忘於彼者。因詠陶淵明詩。適與意會。遂效其體。成十六篇。醉中狂言。醒輒自哂。然知我者。亦無隱焉。

不動者厚地。不息者高天。無窮者日月。長在者山川。松柏與龜鶴。其壽皆千年。嗟嗟羣物中。而人獨不然。早出向朝市。暮已歸下泉。形質及壽命。危脆若浮煙。

堯舜與周孔。古來稱聖賢。借問今何在。一去亦不還。我無不死藥。萬萬隨化遷。所未定知者。修短遲速間。幸及身健日。當歌一樽前。何必待人勸。持此自爲歡。

【二】

翳翳陰月陰。沈沈連日雨。開簾望天色。黃雲暗如土。行潦毀我墻。疾風壞我宇。蓬莠生庭院。泥塗失場圃。村深絕賓客。窗晦無僑侶。盡日不下牀。跳躑時入戶。出門無所往。入室還獨處。不以酒自娛。塊然與誰語。

【三】

朝飲一杯酒。冥心合元化。兀然無所思。日高尙閒臥。暮讀一卷書。會意如嘉話。欣然有所遇。夜深猶獨坐。又得琴上趣。按絃有餘暇。復多詩中狂。下筆不能罷。唯茲三四事。持用度晝夜。所以陰雨中。經旬不出舍。始悟獨住人。心安時亦過。

【四】

東家采桑婦。雨來苦愁悲。蒹葭北堂前。雨冷不成絲。西家荷鋤叟。雨來亦怨咨。種豆南山下。雨多落爲箕。而我獨何幸。醞酒本無期。及此多雨日。正遇新熟時。開瓶瀉樽中。玉液黃金脂。持甌已可悅。歡嘗有餘滋。一酌發好容。再酌開愁眉。連延四五酌。酣暢入四肢。忽然遺我物。誰復分是非。是時連夕雨。酩酊無所知。

人心苦顛倒。反爲憂者嗤。

【五】

朝亦獨醉歌。暮亦獨醉睡。未盡一壺酒。已成三獨醉。勿嫌飲太少。且喜歡易致。一杯復兩杯。多不過三四。便得心中適。盡忘身外事。更復強一杯。陶然遺萬累。一飲一石者。徒以多爲貴。及其酩酊時。與我亦無異。笑謝多飲者。酒錢徒自費。

【六】

天秋無片雲。地靜無纖塵。團團新暗月。林外生白輪。憶昨陰霖天。連連三四句。賴逢家醞熟。不覺過朝昏。私言雨霽後。可以罷餘樽。及對新月色。不醉亦愁人。牀頭殘酒榼。欲盡味彌醇。攜置南簷下。舉酌自殷勤。清光入杯杓。白露生衣巾。乃知陰與晴。安可無此君。我有樂府詩。成來人未聞。今宵醉有興。狂詠驚四鄰。獨賞猶復爾。何況有交親。

【七】

中秋三五夜。明月在前軒。臨觴忽不飲。憶我平生歡。我有同心人。邈邈崔與錢。我有忘形友。迢迢李與元。或飛青雲上。或落江湖間。與我不相見。于今三四年。我無縮地術。君非馭風仙。安得明月下。四人來晤言。良夜信難得。佳期杳無緣。

明月又不駐。漸下西南天。豈無他時會。惜此清景前。

【八】

家醞飲已盡。村中無酒沽。坐愁今夜醒。其奈秋懷何。有客忽叩門。言語一何佳。云是南村叟。挈榼來相過。且喜樽不燥。安問少與多。重陽雖已過。籬菊有殘花。歡來苦晝短。不覺夕陽斜。老人勿遽起。且待新月華。客去有餘趣。竟夕獨酣歌。

【九】

原生衣百結。顏子食一簞。歡然樂其志。有以忘飢寒。今我何人哉。德不及先賢。衣食幸相屬。胡爲不自安。況茲清渭曲。居處安且閑。榆柳百餘樹。茅茨十數間。寒負蒼下日。熱濯湖底泉。日出猶未起。日入已復眠。西風滿村巷。清涼八月天。但有雞犬聲。不聞車馬喧。時傾一樽酒。坐望東南山。稚姪初學步。牽衣戲我前。即此自可樂。庶幾顏與原。

【十】

湛湛樽中酒。有功不自伐。不伐人不知。我今代其說。良將臨大敵。前驅千萬卒。一箠投河飲。赴死心如一。壯士磨匕首。勇憤氣咆勃。一酣忘報讐。四體如無骨。東海殺孝婦。天旱踰年月。一酌酹其魂。通宵雨不歇。咸陽秦獄氣。冤痛結爲物。

千歲不肯散。一沃亦銷失。況茲兒女恨。及彼幽憂疾。快飲無不消。如霜得春日。方知麴蘖靈。萬物無與匹。

【十一】

煙霞隔玄圃。風波限瀛洲。我豈不欲往。大海路阻脩。神仙但聞說。靈藥不可求。長生無得者。舉世如蜉蝣。逝者不重廻。存者難久留。踟躕未死閒。何苦懷百憂。念此忽內熱。坐看成白頭。舉杯還獨飲。顧影自獻酬。心與口相約。未醉勿言休。今朝不盡醉。知有明朝不。不見郭門外。粲粲墳與丘。月明愁殺人。黃蒿風颼颼。死者若有知。悔不乘燭遊。

【十二】

吾聞潯陽郡。昔有陶徵君。愛酒不愛名。憂醒不憂貧。嘗爲彭澤令。在官纔八旬。愀然忽不樂。掛印著公門。口吟歸去來。頭戴漉酒巾。人吏留不得。直入故山雲。歸來五柳下。還以酒養真。人間榮與利。擺落如泥塵。先生去已久。紙墨有遺文。篇篇勸我飲。此外無所云。我從老大來。竊慕其爲人。其他不可及。且傲醉昏昏。

【十三】

楚王疑忠臣。江南放屈平。晉朝輕高士。林下棄劉伶。一人常獨醉。一人常獨醒。

醒者多苦志。醉者多歡情。歡情信獨善。苦志竟何成。兀傲甕閒臥。憔悴澤畔行。彼憂而此樂。道理甚分明。願君且飲酒。勿思身後名。

【十四】

有一燕趙士。言貌甚奇瓌。日日酒家去。脫衣典數杯。問君何落魄。云僕生草萊。地寒命且薄。徒抱王佐才。豈無濟時策。君門乏良媒。三獻寢不報。遲遲空手迴。亦有同門生。先升青雲梯。貴賤交道絕。朱門叩不開。及歸種禾黍。三歲早爲災。入山燒黃白。一旦化爲灰。蹉跎五十餘。生世苦不諧。處處去不得。卻歸酒中來。

【十五】

南巷有貴人。高蓋驅馬車。我問何所苦。四十垂白鬚。答云君不知。位重多憂虞。北里有寒士。雙屨繩爲樞。出扶桑藜杖。入臥蝸牛廬。散賤無憂患。心安體亦舒。東鄰有富翁。藏貨徧五都。東京收粟帛。西市鬻金珠。朝營暮計算。晝夜不安居。西舍有貧者。匹婦配匹夫。布裙行賃舂。短褐坐傭書。以此求口食。一飽欣有餘。貴賤與貧富。高下雖有殊。憂樂與利害。彼此不相踰。是以達人觀。萬化同一途。但未知生死。勝負兩何如。遲疑未知問。且以酒爲娛。

【十六】

濟水澄而潔。河水渾而黃。交流列四瀆。清濁不相傷。太公戰牧野。伯夷餓首陽。同時號賢聖。進退不相妨。謂天不愛民。胡爲生稻粱。謂天果愛民。胡爲生豺狼。謂神福善人。孔聖竟栖遑。謂神禍淫人。暴秦終霸王。顏回與黃憲。何辜早夭亡。螻蛇與鳩鳥。何得壽延長。物理不可測。神道亦難量。舉頭仰問天。天色但蒼蒼。唯當多種黍。日醉手中觴。

白樂天詩集卷六

閒適二

古調詩 五十三首

自題寫真 時爲翰林學士

我貌不自識。李放寫我真。靜觀神與骨。合是山中人。蒲柳質易朽。麋鹿心難馴。何事赤墀上。五年爲侍臣。况多剛狷性。難與世同塵。不惟非貴相。但恐生禍因。宜當早罷去。收取雲泉身。

遺 懷 自此後詩在渭村作

寓心身體中。寓性方寸內。此身是外物。何足苦憂愛。況有假飾者。華簪及高蓋。

白樂天詩集卷六

此又疎於身。復在外物外。操之多備慄。失之又悲悔。乃知名與利。得喪俱爲害。類然環堵客。蘿蕙爲巾帶。自得此道來。身窮心甚泰。

渭上偶釣

渭水如鏡色。中有鯉與魴。偶持一竿竹。懸釣在其傍。微風吹釣絲。嫋嫋十尺長。身雖對魚坐。心在無何鄉。昔有白頭人。亦釣此渭陽。釣人不釣魚。七十得文王。況我垂釣意。人魚亦兼忘。無機兩不得。但弄秋水光。興盡釣亦罷。歸來飲我觴。

隱几

身適忘四支。心適忘是非。既適又忘適。不知吾是誰。百體如稿木。兀然無所知。方寸如死灰。寂然無所思。今日復明日。身心忽兩遺。行年三十九。歲暮日斜時。四十心不動。吾今其庶幾。

春眠

新浴肢體暢。獨寢神魄安。況因夜深坐。遂成日高眠。春被薄亦暖。朝窗深更閑。卻忘人閒事。似得枕上仙。至適無夢想。大和難名言。全勝彭澤醉。欲敵曹溪禪。何物呼我覺。伯勞聲關關。起來妻子笑。生計春茫茫。

閑居

空腹一盞粥。飢食有餘味。南簷半牀日。暖臥因成睡。綿袍擁兩膝。竹几支雙臂。從且直至昏。身心一無事。心足卽爲富。身閑乃當貴。富貴在此中。何必居高位。君看裴相國。金紫光照地。心苦頭盡白。纔年四十四。乃知高蓋車。乘者多憂畏。

夏日

東臆晚無熱。北戶涼有風。盡日坐復臥。不離一室中。中心本無繫。亦與出門同。

適意二首

十年爲旅客。常有飢寒愁。三年作諫官。復多尸素羞。有酒不暇飲。有山不得遊。豈無平生志。拘牽不自由。一朝歸渭上。泛如不繫舟。置心世事外。無喜亦無憂。終日一蔬食。終年一布裘。寒來彌懶放。數日一梳頭。朝睡足始起。夜酌醉卽休。人心不過適。適外復何求。

【二】

早歲從旅遊。頗諳時俗意。中年忝班列。備見朝廷事。作客誠已難。爲臣尤不易。況余方且介。舉動多忤累。直道速我尤。詭遇非吾志。胷中十年內。消盡浩然氣。自從返田畝。頓覺無憂媿。蟠木用甞施。浮雲心易遂。悠悠身與世。從此兩相棄。

首夏病閒

我生來幾時。萬有四千日。自省於其閒。非憂卽有疾。老去慮漸息。年來病初愈。忽喜身與心。泰然兩無苦。況茲孟夏月。清和好時節。微風吹袂衣。不寒復不熱。移榻樹陰下。竟日何所爲。或飲一甌茗。或吟兩句詩。內無憂患迫。外無職役羈。此日不自適。何時是適時。

晚春沾酒

百花落如雪。兩鬢垂作絲。春去有來日。我老無少時。人生待富貴。爲樂常苦遲。不如貧賤日。隨分開愁眉。賣我所乘馬。典我舊朝衣。盡將沾酒飲。酩酊步行歸。名姓日隱晦。形骸日變衰。醉臥黃公肆。人知我是誰。

蘭若寓居

名宦老慵求。退身安草野。家園病懶歸。寄居在蘭若。薜衣換簪組。藜杖代車馬。行止輒自由。甚覺身瀟灑。晨遊南塢上。夜息東巷下。人閒千萬事。無有關心者。

麴生訪宿

西齋寂已暮。叩門聲榻榻。知是君宿來。自拂塵埃席。村家何所有。茶菓迎來客。貧靜似僧居。竹林依四壁。厨燈斜影出。簷雨餘聲滴。不是愛閑人。肯來同此夕。聞庾七左降。因詠所懷。

我病臥渭北。君老謫巴東。相悲一長歎。薄命與君同。既歎還自哂。哂歎兩未終。後心諒前意。所見何迷蒙。人生大地閒。如鴻毛在風。或飄青雲上。或落泥塗中。袞服相天下。儻來非我通。布衣委草莽。偶去非吾窮。外物不可必。中懷須自空。無令怏怏氣。畱滯在心膂。

答卜者

病眼昏似夜。衰鬢颯如秋。除卻須衣食。平生百事休。知君善易者。問我決疑不。不卜非他故。人閒無所求。

歸田三首

人生何所欲。所欲唯兩端。中人愛富貴。高士慕神仙。神仙須有籍。富貴亦在天。莫戀長安道。莫尋方丈山。西京塵浩浩。東海浪漫漫。金門不可入。琪樹何由攀。不如歸山下。如法種春田。

【二】

種田意已決。決意復何如。賣馬買犢使。徒步歸田廬。迎春治耒耜。候雨闢菑畬。策杖田頭立。躬親課僕夫。吾聞老農言。爲稼慎在初。所施不鹵莽。其報必有餘。上求奉王稅。下望備家儲。安得放慵情。拱手而曳裾。學農未爲鄙。親友勿笑余。

更待明年後。自擬執犁鋤。

【三】

三十爲近臣。腰閒鳴佩玉。四十爲野夫。田中學鋤穀。何言十年內。變化如此速。此理固是常。窮通相倚伏。爲魚有深水。爲鳥有高木。何必守一方。窘然自牽束。化吾足爲馬。吾因以行陸。化吾手爲彈。吾因以求肉。形骸爲異物。委順心猶足。幸得且歸農。安知不爲福。況吾行欲老。譬若風前燭。孰能俄頃閒。將心繫茶屨。

秋遊原上

七月行已半。早涼天氣清。清晨起巾櫛。徐步出柴荆。露杖筇竹冷。風襟越蕪輕。閑攜弟姪輩。同上秋原行。新棗未全赤。晚瓜有餘馨。依依田家叟。設此相逢迎。自我到此村。往往白髮生。村中相識久。老幼皆有情。畱連向暮歸。樹樹風蟬鳴。是時新雨足。禾黍夾道青。見此令人飽。何必待西成。

九日登西原宴望

同諸兄弟作

病愛枕席涼。日高眠未輟。弟兄呼我起。今日重陽節。起登西原望。懷抱同一豁。移座就菊叢。醴酒前羅列。雖無絲與管。歌笑隨情發。白日未及傾。顏酡耳已熱。酒酣四向望。六合何空闊。天地自久長。斯人幾時活。請看原下村。村人死不歇。

一村四十家。哭葬無虛月。指此各相勉。良辰且歡悅。

寄同病者

三十生二毛。早衰爲沈疴。四十官七品。拙宦非由他。面顏日枯槁。時命日蹉跎。豈獨我如此。聖賢無奈何。回觀親舊中。舉目尤可嗟。或有終老者。沈賤如泥沙。或有始壯者。飄忽如風花。窮餓與妖促。不如我者多。以此反自慰。常得心平和。寄言同病者。迴歎且爲歌。

遊藍田山下居

脫置腰下組。擺落心中塵。行歌望山去。意似歸鄉人。朝躡玉峰下。暮尋藍水濱。擬求幽僻地。安置疎慵身。本性便山寺。應須旁悟真。

村雪夜坐

南窗背燈坐。風霰暗紛紛。寂寞深村夜。殘鴈雪中聞。

東園翫菊

少年昨已去。芳歲今又闌。如何寂寞意。復此荒涼園。園中獨立久。日淡風露寒。秋蔬盡蕪沒。好樹亦凋殘。唯有數叢菊。新開籬落閒。攜觴聊就酌。爲爾一留連。憶我少小日。易爲興所牽。見酒無時節。未飲已欣然。近從年長來。漸覺取樂難。

常恐更衰老，強飲亦無歡。願謂爾菊花，後時何獨鮮。誠知不爲我，借爾暫開顏。

世役不我牽，身心常自若。晚出看田畝，閑行旁村落。粳粳繞場稼，嘖嘖羣飛雀。

年豐豈獨人，禽鳥聲亦樂。田翁逢我喜，默起具杯杓。斂手笑相延，社酒有殘酌。

媿茲勤且敬，藜杖爲淹泊。言動任天真，未覺農人惡。停杯問生事，夫種妻兒穫。

筋力苦疲勞，衣食常單薄。自慙祿仕者，曾不營農作。飽食無所勞，何殊衛人鶴。

聞哭者

昨日南鄰哭，哭聲一何苦。云是妻哭夫，夫年二十五。今朝北里哭，哭聲又何切。

云是母哭兒，兒年十七八。四鄰尚如此，天下多夭折。乃知浮世人，少得垂白髮。

余今過四十，念彼聊自悅。從此明鏡中，不嫌頭似雪。

新構亭臺示諸弟姪

平臺高數尺，臺上結茅茨。東西疏二牖，南北開兩扉。蘆簾前後卷，竹簟當中施。

清冷白石枕，疏涼黃葛衣。開衿向風坐，夏日如秋時。嘯傲頗有趣，窺臨不知疲。

東窗對華山，三峰碧參差。南簷當渭水，臥見雲帆飛。仰摘枝上果，俯折畦中葵。

足以充飢渴，何必慕甘肥。況有好羣從，旦夕相追隨。

自吟拙什因有所懷

嬾病每多暇，暇來何所爲。未能拋筆硯，時作一篇詩。詩成淡無味，多被衆人嗤。

上怪落聲韻，下嫌拙言詞。時時自吟詠，吟罷有所思。蘇州及彭澤，與我不同時。

此外復誰愛，唯有元微之。謫向江陵府，三年作判司。相去二千里，詩成遠不知。

東坡秋意寄元八

寥落野陂畔，獨行思有餘。秋荷病葉上，白露大如珠。忽憶同賞地，曲江南北隅。

秋池少遊客，唯我與君俱。啼蛩隱紅蓼，瘦馬踏青蕪。當時與今日，俱是暮秋初。

節物苦相似，時景亦無餘。唯有人分散，經年不得書。

閑居

深閉竹間扉，靜掃松下地。獨嘯晚風前，何人知此意。看山盡日坐，枕帙移時睡。

誰能從我遊，使君心無事。

詠拙

所稟有巧拙，不可改者性。所賦有厚薄，不可移者命。我性拙且蠢，我命薄且屯。

問我何以知，所知良有因。亦會舉兩足，學人蹈紅塵。從茲知性拙，不解轉如輪。

亦會齋六闕，高飛到青雲。從茲知命薄，摧落不逡巡。慕貴而厭賤，樂富而惡貧。

同此天地間。我豈異於人。性命苟如此。反則成苦辛。以此自安分。雖窮每欣欣。蒼茅爲我廬。編蓬爲我門。縫布作袍被。種穀充盤飧。靜讀古人書。閑釣清渭濱。優哉復游哉。聊以終吾身。

詠 備

有官備不選。有田備不農。屋穿備不資。衣裂備不縫。有酒備不酌。無異樽長空。有琴備不彈。亦與無絃同。家人告飯盡。欲炊備不舂。親朋寄書至。欲讀備開封。嘗聞嵇叔夜。一生在備中。彈琴復鍛鐵。比我未爲備。

冬 夜

家貧親愛散。身病交遊罷。眼前無一人。獨掩村齋臥。冷落燈火暗。離披簾幕破。策策窗戶前。又聞新雪下。長年漸省睡。夜半起端坐。不學坐忘心。寂寞安可過。兀然身寄世。浩然心委化。如此來四年。一千三百夜。

村中留李三固言宿

平生早遊宦。不道無親故。如我與君心。相知應有數。春明門前別。金氏陂中遇。村酒兩三杯。相留寒日暮。勿嫌村酒薄。聊酌論心素。請君少踟躕。繫馬門前樹。明年身若健。便擬江湖去。他日縱相思。知君無覓處。後會既茫茫。今宵君且住。

友人夜訪

簾閉清風簾。松下明月杯。幽意正如此。況乃故人來。

遊悟真寺詩 一百三十韻

元和九年秋。八月月上弦。我遊悟真寺。寺在王順山。去山四五里。先聞水潺湲。自茲捨車馬。始涉藍溪灣。手拄青竹杖。足躡白石灘。漸怪耳目曠。不聞人世喧。山下望山上。初疑不可攀。誰知中有路。盤折通巖巖。一息幡竿下。再休石龕邊。龜閉長丈餘。門戶無扃關。俯窺不見人。石髮垂若鬢。驚出白蝙蝠。雙飛如雪翻。回首寺門望。青崖夾朱軒。如擊山腹開。置寺於其閒。入門無平地。地窄虛空寬。房廊與臺殿。高下隨峰巒。巖崿無撮土。樹木多瘦堅。根株抱石長。屈曲蟲蛇蟠。松桂亂無行。四時鬱芊芊。枝梢嫋清翠。韻若風中絃。日月光不透。綠陰相交延。幽鳥時一聲。聞之似寒蟬。首憩賓位亭。就坐未及安。須臾開北戶。萬里明豁然。拂蒼虹露微。逸棗雲回旋。赤日開白雨。陰晴同一川。野綠蕪草樹。眼界吞秦原。渭水細不見。漢陵小於拳。卻顧來時路。縈紆映朱欄。歷歷上山人。一一遙可觀。前對多寶塔。風鐸鳴四端。檠植與戶牖。恰恰金碧繁。云昔伽葉佛。此地坐涅槃。至今鐵鉢在。當底手跡穿。西開玉像殿。白佛森比肩。抖擻塵埃衣。禮拜冰雪顏。

疊霜爲芻，姿貫電爲華鬘。逼觀疑鬼功，其跡非雕鐫。次登觀音堂，未到開梅檀。
 上階脫雙履，斂足升瑤筵。六楹排玉鏡，四座敷金鉤。黑夜自光明，不待燈燭燃。
 衆寶互低昂，碧珮珊瑚幡。風來似天樂，相觸聲珊珊。白珠垂露凝，赤珠滴血殷。
 點綴佛髻上，合爲七寶冠。雙瓶白琉璃，色若秋水寒。隔瓶見舍利，圓轉如金丹。
 玉笛何代物，天人施祇園。吹如秋鶴聲，可以降靈仙。是時秋方中，三五月正圓。
 寶堂豁三門，金魄當其前。月與實相射，晶光爭鮮妍。照人心骨冷，竟夕不欲眠。
 曉尋南塔路，亂竹低嬋娟。林幽不逢人，寒蝶飛翩翩。山果不識名，離離夾道蕃。
 足以療飢乏，摘嘗味甘酸。道南藍谷神，紫微白紙錢。若歲有水旱，詔使修禱藥。
 以地清淨故，獻奠無葷羶。危石疊四五，嵐鬼敲且剗。造物者何意，堆在巖東偏。
 冷滑無人跡，苔點如花殘。我來登上頭，下臨不測淵。目眩手足掉，不敢低頭看。
 風從石下生，薄人而上搏。衣服似羽翻，開張欲飛翥。鸞鸞三面峰，峰尖刀劍攢。
 往往白雲過，決開露青天。西北日落時，夕暉紅團團。千里翠屏外，走下丹砂丸。
 東南月上時，夜氣清漫漫。百丈碧潭底，寫出黃金盤。藍水色似藍，日夜長潺湲。
 周廻繞山轉，下視如青環。或鋪爲慢流，或激爲奔湍。泓澄最深處，浮出蛟龍涎。
 側身入其中，懸磴尤險難。捫蘿踰樛木，下逐飲湖猿。雪迸起白鷺，錦跳驚紅鱗。

歐定方盥漱，濯去支體煩。淺深皆洞徹，可照腦與肝。但愛清見底，欲尋不知源。
 東崖饒怪石，積甃蒼琅玕。溫潤發於外，其閒韞瓊瑤。卞和死已久，良玉多棄捐。
 或時洩光彩，夜與星月連。中頂最高峰，柱天青玉竿。圓脆上不得，豈我能攀援。
 上有白蓮池，素葩覆清瀾。聞名不可到，處所非人寰。又有一片石，大如方尺輒。
 插在半壁上，其下萬仞懸。云有過去師，坐得無生禪。號爲定心石，長老世相傳。
 卻上謁仙祠，蔓草生綿綿。昔聞王氏子，羽化升上玄。其西曬藥臺，猶對芝朮田。
 時復明月夜，上聞黃鶴言。迴尋畫龍堂，二叟鬚髮斑。想見聽法時，歡喜禮印壇。
 復歸泉窟下，化作龍蜿蜒。階前石孔在，欲雨生白煙。往有寫經僧，身靜心精專。
 感彼雲外鶴，羣飛千翩翩。來添硯中水，去吸巖下泉。一日三往復，時節長不僭。
 經成號聖僧，弟子名揚難。誦此蓮花偈，數滿百億千。身壞口不壞，舌根如紅蓮。
 顛骨今不見，石函尚存焉。粉壁有吳畫，筆彩依舊鮮。素屏有褚書，墨色如新乾。
 靈境與異跡，周覽無不殫。一遊五晝夜，欲返仍盤桓。我本山中人，誤爲時網牽。
 牽率使讀書，推挽令效官。既登文字科，又忝諫諍員。拙直不合時，無益同素餐。
 以此自慚惕，戚戚常寡歡。無成心力盡，未老形骸殘。今來脫簪組，始覺離憂患。
 及爲山水遊，彌得縱疎頑。野麋斷羈絆，行走無拘攣。池魚放入海，一往何時還。

身著居士衣。手把南華篇。終來此山住。永謝區中緣。我今四十餘。從此終身閑。若以七十期。猶得三十年。

酬張十八訪宿見贈 自此後詩為贊善大夫時作

昔我為近臣。君常稀到門。今我官職冷。唯君來往頻。我受狷介性。立為頑拙身。平生雖寡合。合即無繇離。況君秉高義。富貴視如雲。五侯三相家。眼冷不見君。問其所與遊。獨言韓舍人。其次即及我。我媿非其倫。胡為謬相愛。歲晚逾勤勤。落然頽簷下。一話夜達晨。牀單食味薄。亦不嫌我貧。日高上馬去。相顧猶逡巡。長安久無雨。日赤風昏昏。憐君將病眼。為我犯埃塵。遠從延康里。來訪曲江濱。所重君子道。不獨愧相親。

朝歸書寄元八

進入閣前拜。退就廊下餐。歸來昭國里。人臥馬歇鞍。卻睡至日午。起坐心浩然。況当好時節。雨後清和天。柿樹綠陰合。王家庭院寬。瓶中鄂縣酒。牆上終南山。獨眠仍獨坐。開襟當風前。禪僧與詩客。次第來相看。要語連夜語。須眠終日眠。除非奉朝謁。此外無別牽。年長身且健。官貧心甚安。幸無急病痛。不至苦飢寒。自此聊以適。外緣不能干。唯為靜者信。難為動者言。臺中元侍御。早晚作郎官。

未作郎官際。無人相伴閑。

酬吳七見寄

曲江有病客。尋常多掩關。又聞馬死來。不出身更閒。聞有送書者。自起出門看。素絨署丹宇。中有瓊瑤篇。口吟耳自聽。當暑忽翛然。似漱寒玉水。如聞商風絃。首章歎時節。末句思笑言。懶慢不相訪。隔街如隔山。嘗聞陶潛語。心遠地自偏。君住安邑里。左右車徒喧。竹葉閉深院。琴樽開小軒。誰知市南地。轉作壺中天。君本上清人。名在石堂閒。不知有何過。謫作人閒仙。常恐歲月滿。飄然歸紫煙。莫忘蜉蝣內。進士有同年。

昭國閑居

貧閑日高起。門巷晝寂寂。時暑放朝參。天陰少入客。槐花滿田地。僅絕人行跡。獨在一牀眠。清涼風雨夕。勿嫌坊曲遠。近即多牽役。勿嫌祿俸薄。厚即多憂責。平生尚恬曠。老大宜安適。何以養吾真。官閑居處僻。

喜陳兄至

黃鳥啼欲歇。青梅結半成。坐憐春物盡。起入東園行。攜觴懶獨酌。忽聞叩門聲。閒人猶喜至。何況是陳兄。從容盡日話。稠疊長年情。勿輕一杯酒。可以話平生。

贈杓直

世路重祿位。栖栖者孔宣。人情愛年壽。天死者顏淵。二人如何人。不奈命與天。
 我今信多幸。撫己愧前賢。已年四十四。又爲五品官。況茲知足外。別有所安焉。
 早年以身代。直赴逍遙篇。近歲將心地。廻向南宗禪。外順世間法。內脫區中緣。
 進不厭朝市。退不戀人寰。自吾得此心。投足無不安。體非道引適。意無江湖閒。
 有興或飲酒。無事多掩關。寂靜夜深坐。安穩日高眠。秋不苦長夜。春不惜流年。
 委形老小外。忘懷生死閒。昨日共君語。與余心眷然。此道不可道。因君聊強言。

寄張十八

飢止一簞食。渴止一壺漿。出入止一馬。寢興止一牀。此外無長物。於我有若亡。
 胡然不知足。名利心遑遑。念茲彌頓放。積習遂爲常。經句不出門。竟日不下堂。
 同病者張生。貧僻住延康。慵中每相憶。此意未能忘。迢迢青槐街。相去八九坊。
 秋來未相見。應有新詩章。早晚來同宿。天氣轉清涼。

題玉泉寺

湛湛玉泉色。悠悠浮雲身。閒心對定水。清淨兩無塵。手把青筇杖。頭戴白綸巾。
 興盡下山去。知我是誰人。

朝回遊城南

朝退馬未困。秋初日猶長。回轡城南去。郊野正清涼。水竹夾小徑。繁廻繞川崗。
 仰看晚山色。俯弄秋泉光。青松繫我馬。白石爲我牀。常時管組累。此日和身忘。
 且隨鷓鴣末。暮遊鷓鴣傍。機心一以盡。兩處不亂行。誰辨心與跡。非行亦非藏。

白樂天詩集卷七

閒適三

古調詩 凡六十一首

舟行江州路上作

帆影日漸高。閑眠猶未起。起問鼓棹人。已行三十里。船頭有行竈。炊稻烹紅鯉。
 飽食起婆娑。盥漱秋江水。平生滄浪意。一旦來遊此。何況不失家。舟中載妻子。

潯陽早冬

潯陽孟冬月。草木未全衰。祇抵長安陌。涼風八月時。日西溢水曲。獨行吟舊詩。
 蓼花始零落。蒲葉稍離披。但作城中想。何異曲江池。

江州雪

新雪滿前山。初晴好天氣。日西騎馬出。忽有京都意。城柳方綴花。簷冰纔結穗。須臾風日暖。處處皆飄墜。行吟賞未足。坐歎銷何易。猶勝嶺南看。雰雰不到地。

題潯陽樓

常愛陶彭澤。文思何高玄。又怪韋江州。詩情亦清閑。今朝登此樓。有以知其然。大江寒見底。匡山青倚天。深夜溢浦月。平旦鐘峯煙。清輝與靈氣。日夕供文篇。我無二人才。孰爲來其閒。因高偶成句。俯仰愧江山。

訪陶公舊宅并序

予夙慕陶淵明爲人。往歲滑上閒居。嘗有效陶體詩十六首。今遊廬山。經柴桑。過栗里。思其人。訪其宅。不能默默。又題此詩云。

垢塵不污玉。靈鳳不啄羶。嗚呼陶靖節。生彼晉宋閒。心實有所守。口終不能言。永惟孤竹子。拂衣首陽山。夷齊各一身。窮餓未爲難。先生有五男。與之同飢寒。腸中食不充。身上衣不完。連徵竟不起。斯可謂真賢。我生君之後。相去五百年。每讀五柳傳。目想心拳拳。昔嘗詠遺風。著爲十六篇。今來訪故宅。森若君在前。不慕樽有酒。不慕琴無絃。慕君遺榮利。老死此丘園。柴桑古村落。栗里舊山川。不見籬下菊。但餘墟中煙。子孫雖無聞。族氏猶未遷。每逢姓陶人。使我心依然。

北亭

廬宮山下州。溢浦沙邊宅。宅北倚高岡。迢迢數千尺。上有青青竹。竹閒多白石。茅亭居上頭。豁達門四闢。前楹捲簾箔。北牖施牀席。江風萬里來。吹我涼淅淅。日高公府歸。巾笏隨手擲。脫衣恣搔首。坐臥任所適。時傾一杯酒。曠望湖天夕。口詠獨酌謠。目送歸飛翮。慙無出塵操。未免折腰役。偶得此閑居。謾似高人跡。

泛溢水

四月未全熱。麥涼江氣秋。湖山處處好。最愛溢水頭。溢水從東來。一派入江流。可憐似縈帶。中有隨風舟。命酒一臨泛。捨鞍揚棹謳。放廻岸傍馬。去逐波閒鷗。煙浪始渺渺。風襟亦悠悠。初疑上河漢。中若尋瀛洲。汀樹綠拂地。沙草芳未休。青蘿與紫葛。枝蔓垂相樛。繫纜步平岸。回頭望江州。城雉映水見。隱隱如蜃樓。日入意未盡。將歸復少留。到官行半歲。今日方一遊。此地來何暮。可以寫吾憂。

答故人

故人對酒歎。歎我在天涯。見我昔榮遇。念我今蹉跎。問我爲司馬。官意復如何。答云且勿歎。聽我爲君歌。我本蓬華人。鄙賤劇泥沙。讀書未百卷。信口嘲風花。自從筮仕來。六命三登科。顧慙虛劣姿。所得亦已多。散員足庇身。薄俸可資家。

省分輒自愧。豈為不遇耶。煩君對杯酒。為我一咨嗟。

官舍內新鑿小池

簾下開小池。盈盈水方積。中底鋪白沙。四隅甃青石。勿言不深廣。但取幽人適。泛澗微雨朝。泓澄明月夕。豈無大江水。波浪連天白。未如牀席閒。方丈深盈尺。清淺可狎弄。昏煩聊漱滌。最愛曉暝時。一片秋天碧。

宿簡寂觀

巖白雲尙屯。林紅葉初隕。秋光引閒步。不知行遠近。夕投靈洞宿。臥覺塵機泯。名利心既忘。市朝夢亦盡。暫來尙如此。況乃終身隱。何以療夜飢。一匙雲母粉。

讀謝靈運詩

吾聞達士道。窮通順冥數。通乃朝廷來。窮即江湖去。謝公才廓落。與世不相遇。壯志鬱不用。須有所洩處。洩為山水詩。逸韻諧奇趣。大必籠天海。細不遺草樹。豈惟翫景物。亦欲據心素。往往即事中。未能忘典論。因知康樂作。不獨在章句。

北亭獨宿

悄悄壁下床。紗籠耿殘燭。夜半獨眠覺。疑在僧房宿。

約心

黑鬢絲雪侵。青袍塵土澆。兀兀復騰騰。江城一上佐。朝就高齋上。薰然負暄臥。晚下小池前。澹然臨水坐。已約終身心。長如今日過。

晚望

江城寒角動。沙洲夕鳥還。獨坐高亭上。西南望遠山。

早春

雪消冰又釋。景和風復暄。滿庭田地濕。薺葉生墻根。官舍悄無事。日西斜掩門。不開莊老卷。欲與何人言。

春寢

何處春暄來。微和生血氣。氣薰飢骨暢。東窗一昏睡。是時正月晦。假日無公事。爛熳不能休。自午將及未。緇思少健日。甘寢常自恣。一從衰疾來。枕上無此味。

睡起晏坐

後亭晝眠足。起坐春景暮。新覺眼猶昏。無思心正住。淡寂歸一性。虛閑遺萬慮。了然此時心。無物可譬喻。本是無有鄉。亦名不用處。行禪與坐忘。同歸無異路。

詠懷

盡日松下坐。有時池畔行。行立與坐臥。中懷淡無營。不覺流年過。亦任白髮生。

不爲世所薄。安得遂閒情。

春遊西林寺

下馬西林寺。脩然進輕策。朝爲公府吏。暮作靈山客。二月匡廬北。冰雪始消釋。陽叢抽茗芽。陰竇洩泉脈。熙熙風土暖。藹藹雲嵐積。散作萬壑春。凝爲一氣碧。身閑易飄泊。官散無牽迫。緬彼十八人。古今同此適。是年淮寇起。處處與兵革。智士勞思謀。戎臣苦征役。獨有不才者。山中弄泉石。

出山吟

朝詠遊仙詩。暮歌采薇曲。臥雲坐白石。山中十五宿。行隨出洞水。回別緣巖竹。早晚重來遊。心期瑤草綠。

歲暮

已任時命去。亦從歲月除。中心一調伏。外累盡空虛。名宦意已矣。林泉計何如。擬近東林寺。溪邊結一廬。

聞早鶯

日出眠未起。屋頭聞早鶯。忽如上林曉。萬年枝上鳴。憶爲近臣時。乘筆直承明。春深視草暇。且暮聞此聲。今聞在何處。寂寞潯陽城。鳥聲信如一。分別在人情。

不作天涯意。豈殊禁中聽。

栽杉

勁葉森利劍。孤莖挺端標。纒高四五尺。勢若干青霄。移栽東窗前。愛爾寒不凋。病夫臥相對。日夕閒蕭蕭。昨爲山中樹。今爲簷下條。雖然遇賞翫。無乃近塵囂。猶勝澗谷底。埋沒隨衆樵。不見鬱鬱松。委質山上苗。

過李生

類小蒲葉短。南湖春水生。子近湖邊住。靜境稱高情。我爲郡司馬。散拙無所營。使君知性野。衙退任閒行。行攜小棹去。逢花輒獨傾。半酣到子舍。下馬叩柴荆。何以引我步。繞籬竹萬莖。何以醒我酒。吳音吟一聲。須臾進野飯。飯稻茹芹英。白甌青竹箸。儉潔無羶腥。欲去復徘徊。夕鴉已飛鳴。何當重遊此。待君湖水平。

詠意

常聞南華經。巧勞智憂愁。不如無能者。飽食但遨遊。平生愛慕道。今日近此流。自來潯陽郡。四序忽已周。不分物黑白。但與時沈浮。朝飧夕安寢。用是爲身謀。此外卽閑放。時尋山水幽。春遊慧遠寺。秋上庾公樓。或吟詩一章。或飲菊一甌。身心一無繫。浩浩如虛舟。富貴亦有苦。苦在心危憂。貧賤亦有樂。樂在身自由。

食笋

此州乃竹鄉。春笋滿山谷。山夫折盈抱。抱來早市鬻。物以多為賤。雙錢易一束。置之炊飯中。與飯同時熟。紫箨拆故錦。素肌擘新玉。每日遂加殮。經旬不思肉。久為京洛客。此味常不足。且食勿踟躕。南風吹作竹。

遊石門湖

石門無舊徑。披榛訪遺跡。時逢山水秋。清輝如古昔。嘗聞慧遠輩。題詩此巖壁。雲覆莓苔封。蒼然無處覓。蕭疎野生竹。崩剝多年石。自從東晉後。無復人遊歷。獨有秋澗聲。潺湲空旦夕。

招東鄰

小楮二升酒。新簟六尺床。能來夜話否。池畔欲秋涼。

題元十八溪亭

亭在廬山東南五老峯下

怪君不喜仕。又遊煙霞里。今日到幽居。了然知所以。宿君石溪亭。潺湲聲滿耳。飲君螺杯酒。醉臥不能起。見君五老峯。益悔居城市。愛君三男兒。始歎身無子。余方鍾峯下。結室為居士。山北與山東。往來從此始。香鑪峯下。新置草堂。卽事詠懷。題於石上。

香鑪峯北面。遺愛寺西偏。白石何鑿鑿。清流亦潺潺。有松數十株。有竹千餘竿。松張翠傘蓋。竹倚青琅玕。其下無人居。悠哉多歲年。有時聚猿鳥。終日空風煙。時有沈冥子。姓白字樂天。平生無所好。見此心依然。如獲終老地。忽乎不知還。架巖結茅宇。斲壑開茶園。何以洗我耳。屋頭飛落泉。何以洗我眼。砌下生白蓮。左手攜一壺。右手挈五絃。傲然意自足。箕踞於其閒。興酣仰天歌。歌中聊寄言。言我本野夫。誤為世網牽。時來昔捧日。老去今歸山。倦鳥得茂樹。涸魚反清源。捨此欲焉往。人閒多險難。

草堂前開一池養魚種荷日有幽趣

淙淙三峽水。浩浩萬頃陂。未如新塘上。微風動漣漪。小萍加汎汎。初蒲正離離。紅鯉二三寸。白蓮八九枝。逸水欲成徑。護堤方插籬。已被山中客。呼作白家池。

白雲期

黃石巖下作

三十氣太壯。曾中多是非。六十身太老。四體不支持。四十至五十。正是退閒時。年長識命分。心慵少營為。見酒興猶在。登山力未衰。吾年幸當此。且與白雲期。

登香鑪峯頂

迢迢香鑪峯。心存耳目想。終年素物役。今日方一往。攀蘿躡危石。手足勞俯仰。

同遊三四人。兩人不致上。上到峯之頂。目眩心悅悅。高低有萬尋。濶狹無數丈。不窮視聽界。焉識宇宙廣。江水細如繩。溢城小於掌。紛吾何屑屑。未能脫塵鞅。歸去思自嗟。低頭入蟻壤。

答崔侍郎錢舍人書問因繼以詩

且暮兩蔬食。日中一閑眠。便是了一日。如此已三年。心不擇時適。足不揀地安。窮通與遠近。一貫無兩端。常見今之人。其心或不然。在勞則念息。處靜已思喧。如是用身心。無乃自傷殘。坐輪憂惱便。安得形神全。吾有二道友。藹藹崔與錢。同飛青雲路。獨墮黃泥泉。歲暮物萬變。故情何不遷。應為平生心。與我同一源。帝鄉遠於日。美人高在天。誰謂萬里別。常若在目前。泥泉樂者魚。雲路遊者鸞。勿言雲泥異。同在逍遙閒。因君問心地。書後偶成篇。慎勿說向人。人多笑此言。

烹葵

昨臥不夕食。今起乃朝飢。貧厨何所有。炊稻烹秋葵。紅粒香復軟。綠英滑且肥。飢來止於飽。飽後復何思。憶昔榮遇日。迨今窮退時。今亦不凍餒。昔亦無餘資。口既不減食。身又不減衣。撫心私自問。何者是榮衰。勿學常人意。其閒分是非。

小池二首

畫倦前齋熱。晚愛小池清。映林餘景沒。近水微涼生。坐把蒲葵扇。閒吟三兩聲。

【二】

有意不在大。湛湛方丈餘。荷側瀉清露。萍閒見游魚。每一臨此坐。憶歸青溪居。

閉關

我心忘世久。世亦不我干。遂成一無事。因得長掩關。掩關來幾時。髣髴二三年。著書已盈帙。生子欲能言。始悟身易老。復悲世多艱。廻顧趨時者。役役塵壤閒。歲暮竟何得。不如且安閑。

弄龜羅

有姪始六歲。字之爲阿龜。有女生三年。其名曰羅兒。一始學笑語。一能誦歌詩。朝戲抱我足。夜眠枕我衣。汝生何其晚。我年行已衰。物情小可念。人意老多慈。酒美竟須壞。月圓終有虧。亦如思愛緣。乃是憂惱資。舉世同此累。吾安能去之。

截樹

種樹當前軒。樹高柯葉繁。惜哉遠山色。隱此蒙籠閒。一朝持斧斤。手自截其端。萬葉落頭上。千峰來面前。忽似決雲霧。豁達觀青天。又如所念人。久別一款顏。始有清風至。稍見飛鳥還。開懷東南望。目遠心遼然。人各有偏好。物莫能兩全。

豈不愛柔條。不如見青山。

望江樓上作

江畔百尺樓。樓前千里道。憑高望平遠。亦足舒懷抱。驛路使憧憧。關防兵草草。及茲多事日。尤覺閒人好。我年過不惑。休退誠非早。從此拂塵衣。歸山未爲老。

題座隅

手不任執爨。肩不能荷鋤。量力授所用。曾不敵一夫。幸因筆硯功。得升仕進途。歷官凡五六。祿俸及妻孥。左右有兼僕。出入有單車。自奉雖不厚。亦不至飢劬。若有人及此。傍觀爲何如。雖賢亦爲幸。況我鄙且愚。伯夷古賢人。魯山亦其徒。時哉無奈何。俱化爲餓殍。念彼益自愧。不敢忘斯須。平生榮利心。破滅無遺餘。猶恐塵妄起。題此於座隅。

昔與微之在朝日同著休退之心。迨今十年。淪落老大。追尋前約。且結後期。

往子爲御史。伊余忝拾遺。皆逢盛明代。俱登清近司。余繫玉爲珮。子曳繡爲衣。從容香煙下。同侍白玉墀。朝見龍者辱。暮見安者危。紛紛無退者。相顧令人悲。宦情君早厭。世事我深知。常於榮顯日。已約林泉期。況今各流落。身病齒髮衰。不作臥雲計。攜手欲何之。待君女嫁後。及我官滿時。稍無骨肉累。粗有漁樵資。

歲晚青山路。白首期同歸。

垂釣

臨水一長嘯。忽思十年初。三登甲乙第。一入承明廡。浮生多變化。外事有盈虛。今來伴江叟。沙頭坐釣魚。

晚燕

百鳥乳雛畢。秋燕獨蹉跎。去社日已近。銜泥意如何。不悟時節晚。徒施工用多。人閒事亦爾。不獨燕營窠。

贖雞

清晨臨江望。水禽正諠繁。鳧鴈與鷓鴣。游颺戲朝暎。適有鷓鴣者。挈之來遠邨。飛鳴彼何樂。窘束此何冤。喔喔十四雛。罩縛同一樊。足傷金距踣。頭搶花冠翻。經宿廢飲啄。日高詣屠門。遲迴未死閒。飢渴欲相吞。常慕古人道。仁信及魚豚。見茲生惻隱。贖放雙林園。開籠解索時。雞雞聽我言。與爾銀三百。小惠何足論。莫學銜環雀。崎嶇謾報恩。

秋日懷杓直時杓直出牧澧州

晚來天色好。獨出江邊步。憶與李舍人。曲江相近住。常云遇清景。必約同幽趣。

若不訪我來。還須覓君去。開眉笑相見。把手期何處。西寺老胡僧。南園亂松樹。攜持小酒榼。吟詠新詩句。同出復同歸。從朝直至暮。風雨忽消散。江山眇回互。潯陽與潯陽。相望空雲霧。心期自乖曠。時景還如故。今日郡齋中。秋光誰共度。

食後

食罷一覺睡。起來兩甌茶。舉頭看日影。已復西南斜。樂人惜日促。憂人厭年賒。

齊物二首

青松高百尺。綠蕙低數寸。同生大塊閒。長短各有分。長者不可退。短者不可進。若用此理推。窮通兩無悶。

【二】

椿壽八千春。槿花不經宿。中閒復何有。冉冉孤生竹。竹身三年老。竹色四時綠。雖謝椿有餘。猶勝槿不足。

山下宿

獨到山下宿。靜向月中行。何處水邊碓。夜舂雲母聲。

題舊寫真圖

我昔三十六。寫貌在丹青。我今四十六。衰頓臥江城。豈止十年老。曾與衆苦井。一照舊圖畫。無復昔儀形。形影默相顧。如弟對老兄。況使他人見。能不味平生。羲和鞭日走。不爲我少停。形骸屬日月。老去何足驚。所恨凌煙閣。不得畫功名。

閒居

肺病不飲酒。眼昏不讀書。端然無所作。身意閒有餘。棲雞籬落晚。雪映林木疎。幽獨已云極。何必山中居。

對酒示行簡

今日一樽酒。歡暢何怡怡。此樂從中來。他人安得知。兄弟唯二人。遠別恆苦悲。今春自巴峽。萬里平安歸。復有雙幼姝。笄年未結褵。昨日嫁娶畢。良人皆可依。憂念兩消釋。如刀斷藕糜。身輕心無繫。忽欲凌空飛。人生苟有累。食肉常如飢。我心既無苦。飲水亦可肥。行簡勸爾酒。停杯聽我辭。不歎鄉國遠。不嫌官祿微。但願我與爾。終老不相離。

詠懷

冉牛與顏淵。卞和與馬遷。或羅天六極。或被入刑殘。願我信爲幸。百骸且完全。五十不爲夭。吾今欠數年。知分心自足。委順身常安。故雖窮退日。而無戚戚顏。

昔有榮先生。從事於其閒。今我不量力。舉心欲攀援。窮通不由己。歡戚不由天。命即無奈何。心可使泰然。且務由己者。省躬諒非難。勿問由天者。天高難與言。

夜 琴

蜀桐木性實。楚絲音韻清。調慢彈且緩。夜深十數聲。入耳淡無味。愜心潛有情。自弄還自罷。亦不要人聽。

山中獨吟

人各有一癖。我癖在章句。萬緣皆已消。此病獨未去。每逢美風景。或對好親故。高聲詠一篇。悅若與神遇。自爲江上客。半在山中住。有時新詩成。獨上東巖路。身倚白石崖。手攀青桂樹。狂吟驚林壑。猿鳥皆窺覷。恐爲世所嗤。故就無人處。

達理二首

何物壯不老。何時窮不通。如彼音與律。宛轉旋爲宮。我命獨何薄。多悴而少豐。當壯已先衰。暫泰還長窮。我無奈命何。委順以待終。命無奈我何。方寸如虛空。嘗然與化俱。混然與俗同。誰能坐此苦。齟齬於其中。

【二】

舒姑化爲泉。牛哀病作虎。或柳生肘閒。或男變爲女。鳥獸及水木。本不與民伍。

胡然生變遷。不待死歸土。百骸是己物。尙不能爲主。況彼時命閒。倚伏何足數。時來不可遏。命去焉能取。唯當養浩然。吾聞達人語。

湖亭晚望殘水

湖上秋秋寒。湘邊晚蕭瑟。登亭望湖水。水縮湖底出。清淨得早霜。明滅浮殘日。流注隨地勢。窪坳無定質。泓澄白龍臥。宛轉青蛇屈。破鏡折翎頭。光芒又非一。久爲山水客。見盡幽奇物。及來湖亭望。此狀難談悉。乃知天地閒。勝事殊未畢。

郭虛舟相訪

朝暖就南軒。暮寒歸後屋。晚酌一兩杯。夜碁三數局。寒灰埋暗火。曉焰凝殘燭。不嫌貧冷人。時來同一宿。

白樂天詩集卷八

閒適四

古調詩 凡二十七首

長慶二年七月自中書舍人出守杭州。路次藍溪作。自此後。俱赴杭州時作。

太原一男子。自顧庸且鄙。老逢不次恩。洗拔出泥滓。既居可言地。願助朝廷理。

伏閣三上章。慙愚不稱旨。聖人存大體。優貸容不死。鳳詔停舍人。魚書除刺史。冥懷齊寵辱。委順隨行止。我自得此心。于茲十年矣。餘杭乃名郡。郡郭臨江汜。已想海門山。潮聲來入耳。昔予貞元末。羈旅曾遊此。甚覺太守尊。亦諳魚酒美。因生江海興。每羨滄浪水。尙擬拂衣行。況今兼祿仕。青山峰巒接。白日煙塵起。東道既不通。改轅遂南指。自秦窮楚越。浩蕩五千里。聞有賢主人。而多好山水。是行頗爲愜。所歷良可紀。策馬渡藍溪。勝遊從此始。

初出城留別

朝從紫禁歸。暮出青門去。勿言城東陌。便是江南路。揚鞭簇車馬。揮手辭親故。我生本無鄉。心安是歸處。

過路山人野居小池路生奉官居此二十餘年

茅覆環堵亭。泉添方丈沼。紅芳照水荷。白頸觀魚鳥。拳石苔蒼翠。尺波煙杳眇。但問身意無。勿論池大小。門前車馬路。奔走無昏曉。名利驅人心。賢愚同擾擾。善哉路處士。安置身心了。何乃獨多君。丘園居者少。

宿清源寺

往譚潯陽去。夜憩潮溪曲。今爲錢塘行。重經茲寺宿。爾來幾何歲。溪草二八綠。

不見舊房僧。蒼然新樹木。虛空走日月。世界遷陵谷。我生寄其閒。孰能逃倚伏。隨緣又南去。好住東廊竹。

宿藍溪對月

昨夜鳳池頭。今夜藍溪口。明月本無心。行人自回首。新秋松影下。半夜鐘聲後。清影不宜昏。聊將茶代酒。

自望秦赴五松驛馬上偶睡睡覺成吟

長途發已久。前館行未至。體倦目已昏。嗒然遂成睡。右袂尙垂鞭。左手暫委轡。忽覺問僕夫。纒行百步地。形神分處所。遲速相乖異。馬上幾多時。夢中無限事。誠哉達人語。百齡同一寐。

鄧州路中作

蕭蕭誰家邨。秋梨葉半赤。漠漠誰家園。秋韭花初白。路逢故里物。使我嗟行役。不歸渭北邨。又作江南客。去鄉徒自苦。濟世終無益。自問波上萍。何如澗中石。朱藤杖紫驄馬吟

拄上山之上。騎下山之下。江州去日朱藤杖。忠州歸時紫驄馬。天生二物濟我窮。我生合是栖栖者。

桐樹館重題

堦前下馬時。梁上題詩處。慘淡病使君。蕭疎老松樹。自嗟還自哂。又向杭州去。

過紫霞蘭若

我愛此山頭。及此三登歷。紫霞舊精舍。寥落空泉石。朝市日喧隘。雲林長悄寂。猶存住寺僧。肯有歸山客。

感舊紗帽

帽即故李侍御所贈

昔君烏紗帽。贈我白頭翁。帽今在頂上。君已歸泉中。物故猶堪用。人亡不可逢。岐山今夜月。墳樹正秋風。

思竹窗

不憶西省松。不憶南宮菊。惟憶新昌堂。蕭蕭北窗竹。窗閒枕簟在。來後何人宿。

馬上作

處世非不遇。榮身頗有餘。動爲上柱國。爵乃朝大夫。自問有何才。兩入承明廬。又問有何政。再駕朱輪車。矧予東山人。自惟朴且疎。彈琴復有酒。但慕嵇阮徒。關被鄉里薦。誤上賢能書。一列朝士籍。遂爲世網拘。高有習繳憂。下有陷穽虞。每覺宇宙窄。未嘗心體舒。蹉跎二十年。領下生白鬚。何言左遷去。尙獲專城居。

杭州五千里。往若投淵魚。雖未脫簪組。且來泛江湖。吳中多詩人。亦不少酒沽。

高聲詠篇什。大笑飛杯盃。五十未全老。尙可且歡娛。用茲送日月。君以爲何如。

秋風起江上。白日落路隅。回首語五馬。去矣勿踟躕。

秋蝶

秋花紫蒙蒙。秋蝶黃茸茸。花低蝶新小。飛戲叢西東。日暮涼風來。紛紛花落叢。

夜深白露冷。蝶已死叢中。朝生夕俱死。氣類各相從。不見千年鶴。多棲百丈松。

登商山最高頂

高高此山頂。四望唯煙雲。下有一條路。通達楚與秦。或名誘其心。或利牽其身。乘者與負者。來去何紛紛。我亦斯人徒。未能出囂塵。七年三往復。何得笑他人。

枯桑

道傍老枯樹。枯來非一朝。皮黃外尙活。心黑中先焦。有似多憂者。非因外火燒。

山路偶興

筋力未全衰。僕馬不至弱。又多山水趣。心賞非寂寞。捫蘿上煙嶺。蹋石穿雲壑。谷鳥晚仍啼。洞花秋不落。提籠復攜榼。遇勝時停泊。泉憩茶數甌。嵐行酒一酌。獨吟還獨嘯。此興殊未惡。假使在城時。終年有何樂。

山 雉

五步一啄草，十步一飲水。適性遂其生，時哉山梁雉。梁上無罾繳，梁下無鷹鷂。雌雄與羣雛，皆得終天年。嗟嗟籠下雞，及彼池中鴈。既有稻粱恩，必有犧牲患。初下漢江舟中作，寄兩省給舍。

秋水漸紅粒，朝煙烹白鱗。一食飽至夜，一臥安達晨。晨無朝謁勞，夜無直宿勤。不知兩掖客，何似扁舟人。尙想到郡日，且稱守土臣。猶須副憂寄，恤隱安疲民。暮年庶報政，三年當退身。終使滄浪水，濯吾纓上塵。

自蜀江至洞庭湖口有感而作

江從西南來，浩浩無旦夕。長波逐若瀉，連山鑿如劈。千年不壅潰，萬姓無墊溺。不爾民爲魚，大哉禹之績。導岷既艱遠，距海無咫尺。胡爲不訖功，湖水斯委積。洞庭與青草，大小兩相敵。混合萬丈深，森茫千里白。每歲秋夏時，浩大吞七澤。水族窟穴多，農人土地窄。我今尙嗟嘆，禹豈不愛惜。邈未究其由，想古觀遺跡。疑此苗人頑，恃嶮不終役。帝亦無奈何，畱患與今昔。水流天地內，如身有血脉。滯則爲疽疣，治之在鍼石。安得禹復生，爲唐水官伯。手提倚天劍，重來親指畫。疏河似剪紙，決壅如裂帛。滲作膏腴田，蹋平魚鼈宅。龍宮變閭里，水府生禾麥。

坐添百萬戶，書我司徒籍。

初領郡政衙退登東樓作

鯨悍心所念，簡牘手自操。何言符竹貴，未免州縣勞。賴是餘杭郡，臺榭遶官曹。凌晨親政事，向晚恣遊遨。山冷微有雪，波平未生濤。水心如鏡面，千里無纖毫。直下江最闊，近東樓更高。煩襟與滯念，一望皆遁逃。

清調吟

索索風戒寒，沈沈日藏耀。勸君飲濁醪，聽我吟清調。芳節變窮陰，朝光成夕照。與君生此世，不合長年少。今晨從此遊，明日安能料。若不結跏禪，卽須開口笑。

狂歌詞

明月照君席，白露霑我衣。勸君酒杯滿，聽我狂歌詞。五十已後衰，二十已前癡。晝夜又分半，其閒幾何時。生前不歡樂，死後有餘貲。焉用黃墟下，珠衾玉匣爲。郡 亭

平旦起視事，亭午臥掩關。除親簿領外，多在琴書前。況有虛白亭，坐見海門山。潮來一凭檻，賓至一開筵。終朝對雲水，有時聽管絃。持此聊過日，非忙亦非閑。山林太寂寞，朝闕空喧煩。唯茲郡閣內，羣靜得中閒。

詠懷

昔爲鳳閣郎。今爲二千石。自覺不如今。人言不如昔。昔雖居近密。終日多憂惕。有詩不敢吟。有酒不敢喫。今雖在疎遠。竟歲無牽役。飽食坐終朝。長歌醉通夕。人生百年內。疾速如過隙。先務身安閒。次要心歡適。事有得而失。物有損而益。所以見道人。觀心不觀跡。

立春後五日

立春後五日。春態紛婀娜。白日斜漸長。碧雲低欲墮。殘冰坼玉片。新萼排紅顆。遇物盡欣欣。愛春非獨我。迎芳後園立。就暖前簷坐。還有惆悵心。欲別紅爐火。

郡中卽事

漫漫潮初平。熙熙春日至。空闊遠江山。晴明好天氣。外有適意物。中無繫心事。數篇對竹吟。一杯望雲醉。行攜杖扶力。臥讀書取睡。久養病形骸。深諳閒氣味。遙思九城陌。擾擾趨名利。今朝是隻日。朝謁多軒騎。寵者防悔尤。權者懷憂畏。爲報高車蓋。恐非眞富貴。

白樂天詩集卷九

感傷一

古調詩凡五十五首

西明寺牡丹花時憶元九

前年題名處。今日看花來。一作芸香吏。三見牡丹開。豈獨花堪惜。方知老暗催。何況尋花伴。東都去未迴。詎知紅芳側。春盡思悠哉。

楊揚弘貞

顏子昔短命。仲尼惜其賢。楊生亦好學。不幸復徒然。誰識天地意。獨與龜鶴年。權攝昭應早。秋書事寄元。拾遺兼呈李司錄。

夏間秋候早。七月風騷颺。渭川煙景晚。驪山宮殿高。丹殿子司諫。赤縣我徒勞。相去半日程。不得同遊遨。到官來十日。覽鏡生二毛。可憐趨走吏。塵土滿青袍。郵傳擁兩驛。簿書堆六曹。爲問網紀接。何必使鉛刀。

新栽竹

佐邑意不適。閉門秋草生。何以娛野性。種竹百餘莖。見此溪上色。憶得山中情。

有時公事暇。盡日遠欄行。勿言根未固。勿言陰未成。已覺庭宇內。稍稍有餘清。最愛近臆臥。秋風枝有聲。

秋霖中過尹縱之仙遊山居

慘慘八月暮。連連三日霖。邑居尚愁寂。況乃在山林。林下有志士。苦學惜光陰。歲晚千萬慮。併入方寸心。巖鳥共旅宿。草蟲伴愁吟。秋天牀席冷。雨夜燈火深。憐君寂寞意。攜酒一相尋。

寄江南兄弟

分散骨肉戀。趨馳名利牽。一奔塵埃馬。一汎風波船。忽憶分手時。惘默秋風前。別來朝復夕。積日成七年。花落城中池。春深江上天。登樓東南望。鳥滅煙蒼然。相去復幾許。道里近三千。平地猶難見。況乃隔山川。

曲江早秋

秋波紅蓼水。夕照青蕪岸。獨信馬蹄行。曲江池四畔。早涼晴後至。殘暑暝來散。方喜炎燠銷。復嗟時節換。我年三十六。冉冉昏復旦。人壽七十稀。七十新過半。且當對酒笑。勿起臨風歎。

寄題盤屋廳前雙松

兩松自仙遊山移植盤屋

憶昨爲吏日。折腰多苦辛。歸家不自適。無計慰心神。手栽兩樹松。聊以當嘉賓。

乘春日一溉。生意漸欣欣。清韻度秋在。綠茸隨日新。始憐湖底色。不憶城中春。

有時畫掩關。雙影對一身。盡日不寂寞。意中如三人。忽奉宣室詔。徵爲文苑臣。

閑來一惆悵。恰似別交親。早知煙翠前。攀翫不逡巡。悔從白雲裏。移爾落羣塵。

翰林院中感秋懷王質夫

王居仙遊山

何處感時節。新蟬禁中聞。宮槐有秋意。風夕花紛紛。寄跡鴛鴦行。歸心鷓鴣羣。

唯有王居士。知予憶白雲。何日仙遊寺。潭前秋見君。

禁中月

海上明月出。禁中清夜長。東南樓殿白。稍稍上宮牆。淨落金塘水。明浮玉砌霜。不比人閒見。塵土污清光。

贈賣松者

一束蒼蒼色。知從湖底來。斷掘經幾日。枝葉滿塵埃。不買非他意。城中無地栽。初見白髮。

白髮生一莖。朝來明鏡裏。勿言一莖少。滿頭從此始。青山方遠別。黃綬初從仕。未料容鬢閒。蹉跎忽如此。

別元九後詠所懷

零落桐葉雨。蕭條槿花風。悠悠早秋意。生此幽閑中。況與故人別。中懷正無綜。勿云不相送。心到青門東。相知豈在多。但問同不同。同心一人去。坐覺長安空。

禁中秋宿

風翻朱裏幕。雨冷通中枕。耿耿背斜燈。秋牀一人寢。

早秋曲江感懷

離離暑雲散。嫋嫋涼風起。池上秋又來。荷花半成子。朱顏易消歇。白日無窮已。人壽不如山。年光急於水。青燕與紅蓼。歲歲秋相似。去歲此悲秋。今秋復來此。

寄元九

身為近密拘。心為名檢縛。月夜與花時。少逢杯酒樂。唯有元夫子。閒來同一酌。把手或酣歌。展眉時笑謔。今春敍御史。前月之東洛。別來未開顏。塵埃滿樽杓。蕙風晚香盡。槐雨餘花落。秋意一蕭條。離容兩寂寞。況隨白日老。共負青山約。誰識相念心。鸛鷹與籠鶴。

春暮寄元九

梨花結成實。燕卵化為雛。時物又若此。道情復何如。但覺日月促。不嗟年歲徂。

浮生都是夢。老小亦何殊。唯與故人別。江陵初謫居。時時一相見。此意未全除。

早梳頭

夜沐早梳頭。聰明秋鏡曉。颯然握中髮。一沐知一少。年事漸蹉跎。世緣方繳繞。不學空門法。老病何由了。未得無生心。白頭亦為天。

出關路

山川函谷路。塵土游子顏。蕭條去國意。秋風生故關。

別舍弟後月夜

悄悄初別後。去住兩盤桓。行子孤燈店。居人明月軒。平生共貧苦。未必日成歡。及此暫為別。懷抱已憂煩。況是庭葉盡。復思山路寒。如何為不念。馬瘦衣裳單。

新豐路逢故人

塵土長路晚。風煙廢宮秋。相逢立馬語。盡日此橋頭。知君不得意。鬱鬱來西遊。惆悵新豐店。何人識馬周。

金鑾子晬日

行年欲四十。有女曰金鑾。生來始周歲。學坐未能言。慙非達者懷。未免俗情憐。從此累身外。徒云慰目前。若無天折患。則有婚嫁牽。使我歸山計。應遲十五年。

青龍寺早夏

塵埃經小雨。地高倚長坡。日西寺門外。景氣含清和。閑有老僧立。靜無凡客過。殘鶯意思盡。新葉陰涼多。春去來幾日。夏雲忽嵯峨。朝朝感時節。年鬢暗蹉跎。胡爲戀朝市。不去歸煙蘿。青山寸步地。自問心如何。

秋題牡丹叢

晚叢白露夕。衰葉涼風朝。紅豔久已歇。碧芳今亦銷。幽人坐相對。心事共蕭條。

勸酒寄元九

薤葉有朝露。權枝無宿花。君今亦如此。促促生有涯。既不逐禪僧。林下學楞伽。又不隨道士。山中煉丹砂。百年夜分半。一歲春無多。何不飲美酒。胡然自悲嗟。俗號消愁藥。神速無以加。一杯驅世慮。兩杯反天和。三杯卽酩酊。或笑任狂歌。陶陶復兀兀。吾孰知其他。況在名利途。平生有風波。深心藏陷穽。巧言織網羅。舉目非不見。不醉欲如何。

曲江感秋 五年作

沙草新雨地。岸柳涼風枝。三年感秋思。併在曲江池。早蟬已嘹唳。晚荷復離披。前秋去秋思。一一生此時。昔人三十二。秋興已云悲。我今欲四十。秋懷亦可知。

歲月不虛設。此身隨日衰。暗老不自覺。直到鬢成絲。

酬張太祝晚秋臥病見寄

高才淹禮寺。短羽翔禁林。西街居處遠。北闕官曹深。君病不來訪。我忙難往尋。差池終日別。寥落經年心。露濕綠蕪地。月寒紅樹陰。況茲獨愁夕。聞彼相思吟。上歎言笑阻。下嗟時歲侵。容衰曉窗鏡。思苦秋絃琴。一章錦繡段。八韻瓊瑤音。何以報珍重。慚無雙南金。

立秋日曲江憶元九

下馬柳陰下。獨上隄上行。故人千萬里。新蟬三兩聲。城中曲江水。江上江陵城。兩地新秋思。應同此日情。

早朝賀雪寄陳山人

長安盈尺雪。早朝賀君喜。將赴銀臺門。始出新昌里。上堤馬蹄滑。中路蠟燭死。十里向北行。寒風吹破耳。待漏午門外。候對三殿裏。鬢鬢凍生冰。衣裳冷如水。忽思仙遊谷。暗謝陳居士。暖覆褐裘眠。日高應未起。

初與元九別後。忽夢見之。及寤而書適至。兼寄桐花詩。悵然懷。因以此寄。元九初謫江陵。永壽寺中語。新昌坊北分。歸來數行淚。悲事不悲君。悠悠藍田路。自去無消息。

計君食宿程。已過商山北。昨夜雲四散。千里同月色。曉來夢見君。應是君相憶。夢中握君手。問君意何如。君言苦相憶。無人可寄書。覺來未及說。叩門聲冬冬。言是商州使。送君書一封。枕上忽驚起。顛倒著衣裳。開緘見手札。一紙十三行。上論遷謫心。下說別離腸。心腸都未盡。不暇敘炎涼。云作此書夜。夜宿商州東。獨對孤燈坐。陽城山館中。夜深作書畢。山月向西斜。月下何所有。一樹紫桐花。桐花半落時。復道正相思。殷勤書背後。兼寄桐花詩。桐花詩八韻。思緒一何深。以我今朝意。憶君此夜心。一章三遍讀。一句十回吟。珍重八十字。字字化為金。

和元九悼往感舊蚊蠅一作

美人別君去。自去無處尋。舊物零落盡。此情安可任。唯有楨紗幌。塵埃日夜侵。馨香與顏色。不似舊時深。透影燈耿耿。籠光月沈沈。中有孤眠客。秋涼生夜衾。舊宅牡丹院。新墳松柏林。夢中咸陽淚。覺後江陵心。含此隔年恨。發為中夜吟。無論君自感。聞者欲沾襟。

重到渭上舊居

舊居清渭曲。開門當蔡渡。十年方一還。幾欲迷歸路。追思昔日行。感傷故游處。插柳作高林。種桃成老樹。因驚成人者。盡是舊童孺。試問舊老人。半為遶村墓。

浮生同過客。前後遞來去。白日如弄珠。出沒光不住。人物日改變。舉目悲所遇。回念念我身。安得不衰暮。朱顏銷不歇。白髮生無數。唯有山門外。三峰色如故。

白髮

白髮知時節。暗與我有期。今朝日陽裏。梳落數莖絲。家人不慣見。惆悵為我悲。我云何足怪。此意爾不知。凡人年三十。外壯中已衰。但思寢食味。已減二十時。況我今四十。本來形貌羸。書魔昏兩眼。酒病沈四肢。親愛日零落。在者仍別離。身心久如此。白髮生已遲。由來生老死。三病長相隨。除卻無生念。人閒無藥治。

秋日

池殘寥落水。窗下悠揚日。嫋嫋秋風多。槐花半成實。下有獨立人。年來四十一。

將之饒州江浦夜泊

明月滿深浦。愁人臥孤舟。煩冤寢不得。夏夜長於秋。苦乏衣食資。遠為江海游。光陰坐遲暮。鄉國行阻修。身病向鄱陽。家貧寄徐州。前事與後事。豈堪心併憂。憂來起長望。但見江水流。雲樹滿蒼蒼。煙波淡悠悠。故園迷處所。一念堪白頭。

思歸時初為校書郎

養無晨昏膳。隱無伏臘資。遂求及親祿。僴俛來京師。薄俸未及親。別家已經時。

冬積溫席戀。春遠采蘭期。夏至一陰生。稍稍夕漏遲。塊然抱愁者。長夜獨先知。悠悠鄉關路。夢去身不隨。坐惜時節變。蟬鳴槐花枝。

冀城北原作

野色何莽蒼。秋聲亦蕭疎。風吹黃埃起。落日驅征車。何代此開國。封疆百里餘。古今不相待。朝市無常居。昔人城邑中。今變爲丘墟。昔人墓田中。今化爲里閭。廢興相催迫。日月互居諸。世變無遺風。焉能知其初。行人千載後。懷古空躊躇。

客路感秋寄明準上人

日暮天地冷。雨霽山河清。長風從西來。草木凝秋聲。已感歲候忽。復傷物凋零。孰能不惻悽。天時牽人情。借問空門子。何法易修行。使我忘得心。不教煩惱生。

游襄陽懷孟浩然

楚山碧巖巖。漢水碧湯湯。秀氣結成象。孟氏之文章。今我諷遺文。思人至其鄉。清風無人繼。日暮空襄陽。南望鹿門山。藹若有餘芳。舊隱不知處。雲深樹蒼蒼。

秋暮西歸中書情

耿耿旅燈下。愁多常少眠。思鄉貴早發。發在雞鳴前。九月草木落。平蕪連遠山。秋陰和曉色。萬木蒼蒼然。去秋偶東遊。今秋始西旋。馬瘦衣裳破。別家來二年。

憶歸復愁歸。歸無一囊錢。心雖非蘭膏。安得不自然。

秋懷

月出照北堂。光華滿堵墻。涼風從西至。草木日夜衰。桐柳減綠陰。蕙蘭消碧滋。感物私自念。我心亦如之。安得長少壯。盛衰迫天時。人生如石火。爲樂常苦遲。

別楊穎士盧克柔殷堯藩

倦鳥暮歸林。浮雲晴歸山。獨有行路子。悠悠不知還。人生苦營營。終日羣動閒。所務雖不同。同歸於不閑。扁舟來楚鄉。疋馬往秦關。離憂繞心曲。宛轉如循環。且持一杯酒。聊以開愁顏。

題贈定光上人

二十身出家。四十心離塵。得徑入大道。乘此不退輪。一坐十五年。林下秋復春。春花與秋氣。不感無情人。我來如有悟。潛以心照身。誤落聞見中。憂喜傷形神。安得遺耳目。冥然反天真。

祇役駱口驛喜蕭侍御書至兼觀新詩吟諷通霄因寄八韻時爲曉屋廚

日暮心無悽。吏役正營營。忽驚芳信至。復與新詩并。是時天無雲。山館有月明。月下讀數遍。風前吟一聲。一吟三四歎。聲盡有餘清。雅哉君子文。詠性不詠情。

白樂天詩集卷九

使我靈府中。鄙恡不得生。始知聽詔漢。可使心和平。

酬李少府曹長官舍見贈

低腰復斂手。心體不遑安。一落風塵下。始知爲吏難。公事與日長。宦情隨歲闌。惆悵青袍袖。芸香無半殘。賴有李夫子。此懷聊自寬。兩心如止水。彼此無波瀾。往往簿書暇。相勸強爲歡。白馬晚羈雪。綠觴春煖寒。戀月夜同宿。愛山晴共看。野性自相近。不是爲同官。

別

秋涼卷朝簾。春煖撤夜衾。雖是無情物。欲別尙沈吟。況與有情別。別隨情淺深。二年歡笑意。一旦東西心。獨留誠可念。同行力不任。前事詎能料。後期諒難尋。惟有深溪淚。不惜共沾襟。

曉別

曉鼓聲已半。離筵坐難久。請君斷腸歌。送我和淚酒。月落欲明前。馬嘶初別後。浩浩暗塵中。何由見回首。

北園

北園東風起。雜花次第開。心知須臾落。一日三四來。花下豈無酒。欲酌復遲迴。

所思眇千里。誰勸我一杯。

惜栢李花

花細而繁。色豔而歸。亦花中之有思者。連袂易落。故惜之耳。

樹小花鮮妍。香繁條軟弱。高低二三尺。重疊千萬萼。朝豔藹霏霏。夕凋紛漠漠。辭枝朱粉細。覆地紅綃薄。由來好顏色。常苦易銷鑠。不見萋蕩花。狂風吹不落。

照鏡

皎皎青銅鏡。斑斑白絲髮。豈復更藏年。實年君不信。

新秋

西風飄一葉。庭前颯已涼。風池明月水。衰蓮白露房。其奈江南夜。緜緜自此長。

夜雨

早蛩啼復歇。殘燈滅又明。隔牕知夜雨。芭蕉先有聲。

秋江送客

秋鴻次第過。哀猿朝夕聞。是日孤舟客。此地亦離羣。濛濛潤衣雨。漠漠冒帆雲。不醉潯陽酒。煙波愁殺人。

感逝寄遠

寄通州元侍御。果州崔員外。澧州李舍人。鳳州李郎中。

昨日聞甲死。今朝聞乙死。知識三分中。二分化爲鬼。逝者不復見。悲哉長已矣。

存者今如何。去我皆萬里。平生知心者。屈指能有幾。通果澧鳳州。眇然四君子。相思俱老大。浮世如流水。應歎舊交遊。凋零日如此。何當一杯酒。開眼笑相視。

秋月

夜初色蒼然。夜深光浩然。稍轉西廊下。漸滿南牕前。況是綠蕪地。復茲清露天。落葉聲策策。驚鳥影翩翩。棲禽尚不穩。愁人安可眠。

白樂天詩集卷十

感傷二

古調詩五首
凡七十八首

朱陳村

徐州古豐縣。有村曰朱陳。去縣百餘里。桑麻青氛氳。機梭聲札札。牛驢走紆紆。女汲澗中水。男採山上薪。縣遠官事少。山深人俗淳。有財不行商。有丁不入軍。家家守村業。頭白不出門。生為村之民。死為村之塵。田中老與幼。相見何欣欣。一村唯兩姓。世世為婚姻。親疎居有族。少長游有羣。黃雞與白酒。歡會不隔旬。生者不遠別。嫁娶先近鄰。死者不遠葬。墳墓多遠村。既安生與死。不苦形與神。

所以多壽考。往往見玄孫。我生禮義鄉。少小孤且貧。徒學辨是非。祇自取辛勤。世法貴名教。士人重冠婚。以此自桎梏。信為大謬人。十歲解讀書。十五能屬文。二十舉秀才。三十為諫臣。下有妻子累。上有君親恩。承家與事國。望此不肯身。憶昨旅游初。迨今十五春。孤舟三適楚。羸馬四經秦。晝行有飢色。夜寢無安魂。東西不暫住。來往若浮雲。離亂失故鄉。骨肉多散分。江南與江北。各有平生親。平生終日別。逝者隔年聞。朝憂臥至暮。夕哭坐達晨。悲火燒心曲。愁霜侵鬢根。一生苦如此。長羨村中民。

讀鄧訪詩

塵架多文集。偶取一卷披。未及看姓名。疑是陶潛詩。看名知是君。惻惻令我悲。詩人多蹇厄。近日誠有之。京兆杜子美。猶得一拾遺。襄陽孟浩然。亦聞鬢成絲。嗟君兩不如。三十在布衣。擢第祿不及。新婚妻未歸。少年無疾患。溘死於路岐。天不與爵壽。唯與好文詞。此理勿復道。巧曆不能推。

寄元九

自此後在渭村作

晨雞纔發聲。夕雀俄斂翼。晝夜往復來。疾如出入息。非徒改年貌。漸覺無心力。自念因念君。俱為老所逼。君年雖校少。顏頰謫南國。三年不放歸。炎瘴消顏色。

白樂天詩集卷十

山無殺草霜。水有含沙蜮。健否遠不知。書多隔年得。願君少愁苦。我亦加飡食。各保金石軀。以慰長相憶。

秋夕

葉聲落如雨。月色白似霜。夜深方獨臥。誰為拂塵牀。

夜雨

我有所念人。隔在遠遠鄉。我有所感事。結在深深腸。鄉遠去不得。無日不瞻望。腸深解不得。無夕不思量。況此殘燈夜。獨宿在空堂。秋天殊未曉。風雨正蒼蒼。不學頭陀法。前心安可忘。

秋霽

金火不相待。炎涼雨中變。林晴有殘蟬。巢冷無留燕。沈吟卷長簾。愴惻收團扇。向夕稍無泥。閒步青苔院。月出砧杵動。家家擣秋練。獨對多病妻。不能理針線。冬衣殊未製。夏服行將綻。何以迎早秋。一杯聊自勸。

歎老三首

晨興照青鏡。形影兩寂寞。少年辭我去。白髮隨梳落。萬化成於漸。漸衰看不覺。但恐鏡中顏。今朝老於昨。人生少滿百。不得長歡樂。誰會天地心。千齡與龜鶴。

吾聞善醫者。今古稱扁鵲。萬病皆可治。唯無治老藥。

【一】

我有一握髮。梳理何稠直。昔似玄雲光。今如素絲色。匣中有舊鏡。欲照先歎息。自從頭白來。不欲明磨拭。鷄頭與鶴頭。至老常如墨。獨有人鬢毛。不得終身黑。

【二】

前年種桃核。今歲成花樹。去歲新嬰兒。今年已學步。但驚物長成。不覺身衰暮。去矣欲何如。少年留不住。因書今日意。徧寄諸親故。壯歲不歡娛。長年當悔悟。

送兄弟廻雪夜

日晦雲氣黃。東北風切切。時從村南還。新與兄弟別。離襟淚猶溼。迴馬嘶未歇。欲歸一室坐。天陰多無月。夜長火消盡。歲暮雨凝結。寂寞滿爐灰。飄零上堦雪。對雪畫寒灰。殘燈明復滅。灰死如我心。雪白如我髮。所遇皆如此。頃刻堪愁絕。迴念入坐忘。轉憂作禪悅。平生洗心法。正為今宵設。

溪中早春

南山雪未盡。陰嶺雪殘白。西澗冰已消。春溜含新碧。東風來幾日。蟄動萌草拆。潛知陽和功。一日不虛擲。愛此天氣暖。來拂溪邊石。一坐欲忘歸。暮禽聲嘖嘖。

蓬蒿隔桑棗。隱映煙火夕。歸來問夜食。家人烹薺麥。

同友人尋湖花

聞有湖底花。貫得村中酒。與君來校遲。已逢搖落後。臨觴有遺恨。悵望空溪口。記取花發時。期君重携手。我生日日老。春色年年有。且作來歲期。未知身健否。

登村東古塚

高低古時塚。上有牛羊道。獨立最高頭。悠哉此懷抱。回頭向村望。但見荒田草。村人不愛花。多種粟與棗。自來此村住。不覺風光好。花少鶯亦稀。年年春暗老。

夢裴相公

五年生死隔。一夕魂夢通。夢中如往日。同直金鑾宮。髣髴金紫色。分明冰玉容。動動相眷意。亦與平生同。既寤知是夢。惘然情未終。追想當時事。何殊昨夜中。自我學心法。萬緣成一空。今朝爲君子。流涕一沾臆。

晝寢

坐整白單衣。起穿黃艸屨。朝飡鹽漱畢。徐下堦前步。暑風微變候。晝刻漸加數。院靜地陰陰。鳥鳴新葉樹。獨行還獨臥。夏景殊未暮。不作午時眠。日長安可度。

別行簡

時行簡許盧坦
劍南東川府

漠漠病眼花。星星愁鬢雪。筋骸已衰憊。形影仍分訣。梓州二千里。劔門五六月。豈是遠行時。火雲燒棧熱。何言巾上淚。乃是腸中血。念此早歸來。莫作經年別。

觀兒戲

齠齠七八歲。綺紈三四兒。弄塵復鬪草。盡日樂嬉嬉。堂上長年客。鬢閒新有絲。一看竹馬戲。每憶童騃時。童騃饒戲樂。老大多憂悲。靜念彼與此。不知誰是癡。

嘆常生

西村常氏子。臥疾不須臾。前旬猶訪我。今日忽云殂。時我病多暇。與之同野居。園林青藜藹。相去數里餘。村鄰無好客。所遇唯農夫。之子何如者。往還猶勝無。于今亦已矣。可爲一長吁。

寄元九

一病經四年。親朋書信斷。窮通各易交。自笑知何晚。元君在荆楚。去日雖云遠。彼獨是何人。心如石不轉。憂我貧病身。書來唯勸勉。上言少愁苦。下道加餐飯。憐君爲謫吏。窮薄家貧褊。三寄衣食資。數盈二十萬。豈是貪衣食。感君心緒縑。念我口中食。分君身上暖。不因身病久。不因命多蹇。平生親友心。豈得知深淺。

以鏡贈別

人言似明月。我道勝明月。明月非不明。一年十二缺。豈如玉匣裏。如水常澄澈。月破天暗時。圓明獨不歇。我慙貌醜老。繞髮斑斑雪。不如贈少年。廻照青絲髮。因君千里去。持此將爲別。

城上對月期友人不至

古人惜晝短。勸令秉燭遊。況此迢迢夜。明月滿西樓。復有樽中酒。置在城上頭。期君君不至。人月兩悠悠。照水煙波白。照人肌髮秋。清光正如此。不醉卽須愁。

念金鑿子二首

衰病四十身。嬌癡三歲女。非男猶勝無。慰情時一撫。一朝捨我去。魂影無處所。況念天札時。嘔噎初學語。始知骨肉愛。乃是憂悲聚。唯思未有前。以理遣傷苦。忘懷日已久。三度移寒暑。今日一傷心。因逢舊乳母。

【二】

與爾爲父子。八十有六旬。忽然又不見。邇來三四春。形質本非實。氣聚偶成身。恩愛元是妄。緣合暫爲親。念茲庶有悟。聊用遣悲辛。暫將理自奪。不是忘情人。

對酒

人生一百歲。通計三萬日。何況百歲人。人間百無一。賢愚共零落。貴賤同埋沒。

東岱前後魂。北邙新舊骨。復聞藥誤者。爲愛延年術。又有憂死者。爲貪政事筆。藥誤不得老。憂死非因疾。誰言人最靈。知得不知失。何如會親友。飲此杯中物。能沃煩慮消。能陶真性出。所以劉阮輩。終年醉兀兀。

渭村雨歸

渭水寒漸落。離離蒲稗苗。閒傍沙邊立。看人刈葦苕。近水風景冷。晴明猶寂寥。復茲夕陰起。野思重蕭條。蕭條獨歸路。暮雨濕村橋。

論懷

黑頭日已白。白面日已黑。人生未死閒。變化何終極。常言在己者。莫若形與色。一朝改變來。止遏不能得。況彼身外事。悠悠通與塞。

喜友至留宿

村中少賓客。柴門多不開。忽聞車馬至。云是故人來。況值風雨夕。愁心正悠哉。願君且同宿。盡此手中杯。人生開口笑。百年都幾回。

西原晚望

花菊引閑步。行上西原路。原上晚無人。因高聊四顧。南阡有煙火。北陌連墟墓。村鄰何蕭疎。近者猶百步。吾廬在其下。寂寞風日暮。門外轉枯蓬。籬根伏寒兔。

故園汴水上。離亂不堪去。近歲始移家。飄然此村住。新屋五六間。古槐八九樹。便是衰病身。此生終老處。

感鏡

美人與我別。留鏡在匣中。自從花顏去。秋水無芙蓉。經年不開匣。紅埃覆青銅。今朝一拂拭。自照顏頰容。照罷重惆悵。背有雙盤龍。

村居臥病三首

戚戚抱羸病。悠悠度朝暮。夏木纔結陰。秋蘭已含露。前日巢中卵。化作雛飛去。昨日穴中蟲。蛻爲蟬上樹。四時未嘗歇。一物不暫住。唯有病客心。沈然獨如故。

【二】

新秋久病客。起步村南道。盡日不逢人。蟲聲徧荒艸。西風吹白露。野綠秋仍早。艸木猶未傷。先傷我懷抱。朱顏與玄鬢。強健幾時好。況爲憂病侵。不得依年老。

【三】

種黍三十畝。雨來苗漸大。種蕪二十畦。秋來欲堪刈。望黍作冬酒。留蕪爲春菜。荒村百物無。待此養衰瘵。蒼廬備陰雨。補褐防寒歲。病身知幾時。且作明年計。

沐浴

經年不沐浴。塵垢滿肌膚。今朝一澡濯。衰瘦頗有餘。老色頭鬢白。病形肢體虛。衣寬有贖帶。髮少不勝梳。自問今年幾。春秋四十初。四十已如此。七十復何如。

栽松二首

小松未盈尺。心愛手自移。蒼然澗底色。雲濕煙霏霏。栽植我年晚。長成君性遲。如何過四十。種此數寸枝。得見成陰否。人生七十稀。

【二】

愛君抱晚節。憐君含直文。欲得朝朝見。增前故種君。知君死則已。不死會凌雲。病中友人相訪

臥久不記日。南窗昏復昏。蕭條艸簷下。寒雀朝夕聞。強扶床前杖。起向庭中行。偶逢故人至。便當一逢迎。移榻就斜日。披裘倚前楹。閑談勝服藥。稍覺有心情。

自覺二首

四十未爲老。憂傷早衰惡。前歲二毛生。今年一齒落。形骸日損耗。心事同蕭索。夜寢與朝餐。其閒味亦薄。同歲崔舍人。容光方灼灼。始知年與貌。衰盛隨憂樂。畏老老轉逼。憂病病彌縛。不畏復不憂。是除老病藥。

【二】

朝哭心所愛。暮哭心所親。親愛零落盡。安用身獨存。幾許平生歡。無限骨肉恩。結爲腸閉痛。聚作鼻頭辛。悲來四肢緩。泣盡雙眸昏。所以年四十。心如七十人。我聞浮圖教。中有解脫門。置心爲止水。視身如浮雲。抖擻垢穢衣。度脫生死輪。胡爲戀此苦。不去猶逡巡。回念發弘願。願此見在身。但受過去報。不結將來因。誓以智慧水。永洗煩惱塵。不將恩愛子。更種悲憂根。

夜雨有念

以道治心氣。終歲得晏然。何乃戚戚意。忽來風雨天。既非慕榮顯。又不恤飢寒。胡爲情不樂。抱膝殘燈前。形影暗相問。心默對以言。骨肉能幾人。各在天一端。吾兄寄宿州。吾弟客東川。南北五千里。吾身在中間。欲去病未能。欲住心不安。有如波上舟。此縛而彼牽。自我同道來。于今六七年。鍊成不二性。消盡千萬緣。唯有恩愛火。往往猶熬煎。豈是藥無効。病多難盡蠲。

寄楊六

楊六萬年縣尉。于爲贊善大夫。

青宮官冷靜。赤縣事繁劇。一閑復一忙。動作經時隔。清觴久廢酌。白日頓虛擲。念此忽踟躕。悄然心不適。豈無舊交結。久別或遷易。亦有新往還。相見多形迹。唯君於我分。堅久如金石。何況老大來。人情重姻戚。會稀歲月急。此事真可惜。

幾回開口笑。便到髭鬚白。公門苦鞅掌。盡日無閒隙。猶冀乘暇來。靜言同一夕。

送春

三月三十日。春歸日復暮。惆悵問春風。明朝應不住。送春曲江上。眷眷東西顧。但見撲水花。紛紛不知數。人生似行客。兩足無停步。日日進前程。前程幾多路。兵刀與水火。盡可逢之去。唯有老到來。人閒無避處。感時良爲已。獨倚池南樹。今日送春心。心如別親故。

哭李三

去年渭水曲。秋時訪我來。今年常樂里。春日哭君回。哭君仰問天。天意安在哉。若必奪其壽。何如不與才。落然身後事。妻病女嬰孩。

別李十一後重寄

自此後詩在江州路上作。

秋日正蕭條。驅車出蓬華。回望青門道。目極心鬱鬱。豈獨戀鄉土。非關慕簪紱。所愴別李君。平生同道術。俱承金馬詔。聯乘諫臣筆。共上青雲梯。中途一相失。江湖我方往。朝廷君不出。蕙帶與華簪。相逢是何日。

初出藍田路作

停驂問前路。路在秋雲裏。蒼蒼縣南道。去途從此始。絕頂忽盤上。衆山皆下視。

下視千萬峰。峰頭如浪起。朝經韓公坂。夕次藍橋水。潯陽僅四千。始行七十里。人煩馬蹄阻。勞苦已如此。

仙娥峰下作

我爲東南行。始登商山道。高山無數峰。最愛仙娥好。參差樹若插。匝匝雲如抱。渴望寒玉泉。香聞紫芝艸。青崖屏削碧。白石床鋪綺。向無如此物。安足置四皓。感彼私自問。歸山何不早。可能塵土中。還隨衆人老。

微雨夜行

漠漠秋雲起。悄悄夜寒生。但覺衣裳濕。無點亦無聲。

再到襄陽訪問舊居

昔到襄陽日。髯髯初有髭。今過襄陽日。髭鬢半成絲。舊遊都是夢。乍到忽如歸。東郭蓬蒿宅。荒涼今屬誰。故知多零落。閭井亦遷移。獨有秋江水。煙波似舊時。

寄微之三首

江州望通州。天涯與地末。有山萬丈高。有江千里濶。閉之以雲霧。飛鳥不可越。誰知千古險。爲我二人設。通州君初到。鬱鬱愁如結。江州我方去。迢迢行未歇。道路日乖隔。音信日斷絕。因風欲寄語。地遠聲不徹。生當復相逢。死當從此別。

【一】

君遊襄陽日。我在長安住。今君在通州。我過襄陽去。襄陽九里郭。樓雉連雲樹。顧此稍依依。是君舊遊處。蒼茫蕪葭水。中有潯陽路。此去更相思。江西少親故。

【二】

去國日已遠。喜逢物似人。如何含此意。江上坐思君。有如河嶽氣。相合方氛氳。狂風吹中絕。兩處成孤雲。風迴終有時。雲合豈無因。努力各自愛。窮通我爾身。

舟中雨夜 宿鄂州

江雲暗悠悠。江風冷修修。夜雨滴船背。風浪打船頭。船中有病客。左降向江州。

夜聞歌者

夜泊鸚鵡洲。秋江月澄徹。鄰船有歌者。發調堪愁絕。歌罷繼以泣。泣聲通復咽。尋聲見其人。有婦顏如雪。獨倚帆檣立。娉婷十七八。夜淚如真珠。雙雙墮明月。借問誰家婦。歌泣何凄切。一問一沾襟。低眉終不說。

江樓聞砧 江州作

江人授衣晚。十月始聞砧。一夕高樓月。萬里故園心。

宿東林寺

經窗燈焰短。僧爐火氣深。索落廬山夜。風雪宿東林。

憶洛下故園

時准汝寇
戎未滅

潯陽遷謫地。洛陽離亂年。煙塵三川上。炎瘴九江邊。鄉心坐如此。秋風仍颯然。

贈別崔五

朝送南去客。暮迎北來賓。孰云當大路。少遇心所親。勞者念息肩。熱者思濯身。何如獨愁日。忽見平生人。平生已不淺。是日重殷勤。問從何處來。及此江亭春。江天春多陰。夜月隔重雲。移樽樹間飲。燈照花紛紛。一會不易得。餘事何足云。明日又分手。今夕且歡忻。

春晚寄微之

三月江水闊。悠悠桃花波。年芳與心事。此地共蹉跎。南國方譴謫。中原正兵戈。眼前故人少。頭上白髮多。通州更迢遞。春盡復如何。

漸老

今朝復明日。不覺年齒暮。白髮逐梳落。朱顏辭鏡去。當春頗愁寂。對酒寡歡趣。遇境多愴辛。逢人益敦故。形質屬天地。推遷從不住。所怪少年心。銷磨落何處。

送幼史

淮右寇未散。江西歲再徂。故里干戈地。行人風雪途。此時與爾別。江畔立踟蹰。

夜雪

已訝衾枕冷。復見窗戶明。夜深知雪重。時聞折竹聲。

寄行簡

鬱鬱眉多斂。默默口寡言。豈是願如此。舉目誰與歡。去春爾西征。從事巴蜀閒。今春我南謫。抱疾江海壖。相去六千里。地絕天邈然。十書九不達。何以開憂顏。渴人多夢飲。飢人多夢餐。春來夢何處。合眼到東川。

首夏

孟夏百物滋。動植一時好。麋鹿樂深林。蟲蛇喜豐草。翔禽愛密葉。游鱗悅新藻。天和遺漏處。而我獨枯槁。一身在天末。骨肉皆遠道。舊國無來人。寇戎塵浩浩。沈憂竟何益。祇自勞懷抱。不如放身心。冥然任天造。潯陽多美酒。可使杯不燥。溢魚賤如泥。烹炙無昏早。朝飯山下寺。暮醉湖中島。何必歸故鄉。茲焉可終老。

孟夏思渭村舊居寄舍弟

嘖嘖雀引雛。稍稍笋成竹。時物感人情。憶我故鄉曲。故園渭水上。十載事樵牧。手種榆柳成。陰陰覆牆屋。兔隱豆苗肥。鳥鳴桑椹熟。前年當此時。與爾同遊囑。

詩書課弟姪。農圃資童僕。日暮麥登場。天晴蠶拆簇。弄泉南澗坐。待月東亭宿。興發飲數杯。悶來棊一局。一朝忽分散。萬里仍羈束。井鮒思反泉。籠鶯悔出谷。九江地卑濕。四月天炎燠。苦雨初入梅。瘴雲稀含毒。泥秧水哇稻。灰種畝田粟。已訝殊歲時。仍嗟異風俗。閑登郡樓望。日落江山綠。歸雁拂鄉心。平湖斷人目。殊方我漂泊。舊居君幽獨。何時同一瓢。飲水心亦足。

早蟬

六月初七日。江頭蟬始鳴。石楠深葉裏。薄暮兩三聲。一催衰鬢色。再動故園情。西風殊未起。秋思先秋生。憶昔在東掖。宮槐花下聽。今朝無限思。雲樹遶滄城。

感情

中庭曬服玩。忽見故鄉履。昔贈我者誰。東鄰嬋娟子。因思贈時語。持用結終始。永願如履綦。雙行復雙止。自吾謫江郡。漂蕩三千里。為感長情人。提攜同到此。今朝一惆悵。反覆看未已。人隻履猶雙。何曾得相似。可嗟復可惜。錦表繡為裏。況經梅雨來。色黯花艸死。

南湖晚秋

八月白露降。湖中水芳老。旦夕秋風多。衰荷半傾倒。手攀青楓樹。足躡黃蘆艸。

慘淡老容顏。冷落秋懷抱。有兄在淮楚。有弟在蜀道。萬里何時來。煙波白浩浩。

郡廳有樹晚榮早凋人不識名因題其上

潯陽郡廳後。有樹不知名。秋先梧桐落。春後桃李榮。五月始萌動。八月已凋零。左右皆松桂。四時鬱青青。豈量雨露恩。沾濡不均平。榮枯各有分。天地本無情。願我亦相類。早衰向晚成。形骸少多病。三十不豐盈。毛髮早改變。四十白髮生。誰教兩蕭索。相對此江城。

感秋懷微之

葉下湖又波。秋風此時至。誰知漉落心。先納蕭條氣。推移感流歲。漂泊思同志。昔為煙霄侶。今作泥塗吏。白鷗毛羽弱。青鳳文章異。各閉一籠中。歲晚同顛顛。因沐感髮寄朗上人二首

年長身轉傭。百事無所欲。乃至頭上髮。經年方一沐。沐稀髮苦落。一沐仍半禿。短髮經霜蓬。老面辭春木。強年過猶近。衰相來何速。應是煩惱多。心焦血不足。

【一】

漸少不滿把。漸短不盈尺。況茲短少中。日夜落復白。既無神仙術。何除老死籍。祇有解脫門。能度衰苦厄。掩鏡望東寺。降心謝禪客。衰白何足言。剃落猶不惜。

早蟬

月出先照山，風生先動水。亦如早蟬聲，先入閑人耳。一聞愁意結，再聽鄉心起。渭上新蟬聲，先聽渾相似。衡門有誰聽，日暮槐花裏。

苦熱喜涼

經時苦炎熱，心體但煩倦。白日一何長，清秋不可見。歲功成者去，天數極則變。潛知寒燠間，遷次如乘傳。火雲忽朝斂，金風俄夕扇。枕簟遂清涼，筋骸稍康健。因思望月侶，好卜迎秋宴。竟夜無客來，引杯還自勸。

早秋晚望兼呈韋侍御

九派繞孤城，城高生遠思。人煙半在船，野水多於地。穿霞日脚直，驅雁風頭利。去國來幾時，江上秋三至。夫君亦淪落，此地同飄寄。憫默向隅心，摧頹觸籠翅。且謀眼前計，莫問胷中事。潯陽酒甚濃，相勸時時醉。

司馬宅

雨徑綠蕪合，霜園紅葉多。蕭條司馬宅，門巷無人過。唯對大江水，秋風朝夕波。

司馬廳獨宿

荒涼滿庭艸，偃亞侵簷竹。府吏下廳簾，家僮開被幞。數聲城上漏，一點窗間燭。

官曹冷似冰，誰肯來同宿。

夢與李七庚三十三同訪元九

夜夢歸長安，見我故親友。損之在我左，順之在我右。云是二月天，春風出攜手。同過靖安里，下馬尋元九。元九正獨坐，見我笑開口。還指西院花，仍開北亭酒。如言各有故，似惜歡難久。神合俄頃間，神離欠伸後。覺來疑在側，求索無所有。殘燈影閃牆，斜月光穿牖。天明西北望，萬里君知否。老去無見期，踟躕搔白首。

秋 權

風露颯已冷，天色亦黃昏。中庭有槿花，榮落同一晨。秋開已寂寞，夕殞何紛紛。正憐少顏色，復嘆不逡巡。感此因念彼，懷哉聊一陳。男兒老富貴，女子晚婚姻。頭白始得志，色衰方事人。後時不獲已，安得如青春。

答元郎中楊員外喜烏見寄

四十四字成

南宮鴛鴦地，何忽烏來止。故人錦帳郎，聞烏笑相視。疑烏報消息，望我歸鄉里。我歸應待烏頭白，慙愧元郎誤歡喜。

白樂天詩集卷十一

感傷三

古體五言
凡五十三首

初入峽有感

上有萬仞山。下有千丈水。蒼蒼兩崖間。闊狹容一葦。瞿塘呀直瀉。灩澦屹中峙。
未夜黑巖昏。無風白浪起。大石如刀劍。小石如牙齒。一步不可行。況千三百里。
蕩蕩竹筏筵。敲危檝師趾。一跌無完舟。吾生繫於此。常聞仗忠信。蠻貊可行矣。
自古漂沈人。豈盡非君子。況吾時與命。蹇舛不足恃。常恐不才身。復作無名死。

過昭君村

村在歸州東
北四十里

靈珠產無種。彩雲出無根。亦如彼姝子。生此遐陋村。至麗物難掩。遽選入君門。
獨美衆所嫉。終棄於塞垣。唯此希代色。豈無一顧恩。事排勢須去。不得由至尊。
白黑既可變。丹青何足論。竟埋代北骨。不返巴東魂。慘淡晚雲水。依稀舊鄉園。
妍姿化已久。但有村名存。村中有遺老。指點爲我言。不取往者戒。恐貽來者冤。
至今村女面。燒灼成瘰痕。

自江州至忠州

前在潯陽日。已歎賓朋寡。忽忽抱憂憤。出門無處寫。今來轉深僻。窮峽巖山下。
五月斷行舟。澗堆正如馬。巴人類猿狖。嬰鑿滿山野。敢望見交親。喜逢似人者。

初到忠州登東樓寄萬州楊八使君

山東邑居窄。峽牽氣候偏。林巒少平地。霧雨多陰天。穩穩煮鹽火。漠漠燒畝煙。
賴此東樓夕。風月時翛然。憑軒望所思。目斷心涓涓。背春有去鴈。上水無來船。
我懷巴東守。本是關西賢。平生已不淺。流落重相怜。水梗漂萬里。籠禽囚五年。
新恩同雨露。遠郡鄰山川。書信雖往復。封疆徒接連。其如美人面。欲見杳無緣。

郡中

鄉路音信斷。山城日月遲。欲知州近遠。塔前摘荔枝。

西樓夜

悄悄復悄悄。城隅隱林杪。山郭燈火稀。峽天星漢少。年光東流水。生計南枝鳥。
月沒江沈沈。西樓殊未曉。

東樓曉

脈脈復脈脈。東樓無宿客。城暗雲霧多。峽深田地窄。宵燈尙留焰。晨禽初展翮。

欲知山高低。不見東方白。

寄王質夫

憶始識君時。愛君世緣薄。我亦吏王畿。不爲名利著。春尋仙遊洞。秋上雲居閣。樓觀水潺潺。龍潭花漠漠。吟詩石上坐。引酒泉邊酌。因話出處心。心期老巖壑。忽從風雨別。遂被簪纓縛。君作出山雲。我爲入籠鶴。籠深鶴憔悴。山遠雲飄泊。去處雖不同。同負平生約。今來各何在。老去隨所託。我守巴南城。君佐征西幕。年顏漸衰頹。生計仍蕭索。方含去國愁。且羨從軍樂。舊遊疑是夢。往事思如昨。相憶春又深。故山花正落。

南賓郡齋即事寄楊萬州

山上巴子城。山下巴江水。中有窮獨人。強名爲刺史。時時竊自哂。刺史豈如是。倉粟餒家人。黃縑裏妻子。莓苔翳冠帶。霧雨蠹樓雉。衙鼓暮復朝。郡齋臥還起。回首望南浦。亦在煙波裏。而我復何嗟。夫君猶滯此。

招蕭處士

峽內豈無人。所逢非所思。門前亦有客。相對不相知。仰望但雲樹。俯顧惟妻兒。寢食起居外。端然無所爲。東郊蕭處士。聊可與開眉。能飲滿杯酒。善吟長句詩。

庭前吏散後。江畔路乾時。請君攜竹杖。一赴郡齋期。

庭槐

南方饒竹樹。唯有青槐稀。十種七八死。縱活亦支離。何此郡庭下。一株獨華滋。蒙蒙碧煙葉。嫋嫋黃花枝。我家渭水上。此樹蔭前墀。忽向天涯見。憶在故園時。人生有情感。遇物牽所思。樹木猶復爾。況見舊親知。

送客回晚興

城上雲霧開。沙頭風浪定。參差亂山出。淡泞平江淨。行客舟已遠。居人酒初醒。嫋嫋秋竹梢。巴蟬聲似磬。

東樓竹

瀟灑城東樓。遠樓多修竹。森然一萬竿。白粉封青玉。捲簾睡初覺。敲枕看未足。影轉色入樓。牀席生浮綠。空城絕賓客。向夕彌幽獨。樓上夜不歸。此君留我宿。

九日登巴臺

黍香酒初熟。菊暖花未開。閒聽竹枝曲。淺酌茱萸杯。去年重陽日。漂泊溢城隈。今歲重陽日。蕭條巴子臺。旅鬢尋已白。鄉書久不來。臨觴一搔首。座客亦徘徊。

東城尋春

老色日上面。歡情日去心。今既不如昔。後當不如今。今猶未甚衰。每事力可任。花時仍愛出。酒後尚能吟。但恐如此興。亦隨日消沈。東城春欲老。勉強一來尋。

江上送客

江花已萎絕。泣草已消歇。遠客何處歸。孤舟今日發。杜鵑聲似哭。湘竹斑如血。共是多感人。仍爲此中別。

桐花

春令有常候。清明桐始發。何此巴峽中。桐花開十月。豈伊物理變。信是土宜別。地氣反寒暄。天時倒生殺。草木堅強物。所稟固難奪。風候一參差。榮枯遂乖刺。況吾北人性。不耐南方熱。強羸壽夭閒。安得依時節。

早祭風伯因懷李十一舍人

遠郡雖偏陋。時祀奉朝經。夙興祭風伯。天氣曉冥冥。導騎與從吏。引我出東坰。水霧重如雨。山火高於星。忽憶早朝日。與君趨紫庭。步登龍尾道。卻望終南青。一別身向老。所思心未寧。至今想在耳。玉音尙玲玲。

花下對酒二首

藹藹江氣春。南賓閏正月。海櫻與桃杏。次第城上發。紅房爛簇火。素豔紛團雪。

香惜委風飄。愁牽壓枝折。樓中老太守。頭上新白髮。冷淡病心情。暄和好時節。故園音信斷。遠郡親賓絕。欲問花前樽。依然爲誰設。

【二】

引手攀紅櫻。紅櫻落似霰。仰首看白日。白日走如箭。年芳與時景。頃刻猶衰變。況是血肉身。安能長強健。人心苦迷執。慕貴憂貧賤。愁色常在眉。歡容不上面。況吾頭半白。把鏡非不見。何必花下杯。更待他人勸。

不二門

兩眼日將闔。四肢漸衰瘦。東帶賸昔圍。穿衣妨寬袖。流年似江水。奔注無昏晝。志氣與形骸。安得長依舊。亦曾登玉陛。舉措多紕繆。至今金闕籍。名姓獨遺漏。亦曾燒大藥。消息乖火候。至今殘丹砂。燒乾不成就。行藏事兩失。憂惱心交鬪。化作顛顛翁。拋身在荒陋。坐看老病逼。須得醫王救。唯有不二門。其閒無天壽。

我身

我身何所似。似彼孤生蓬。秋霜剪根斷。浩浩隨長風。昔遊秦雍閒。今落巴蠻中。昔爲意氣郎。今作寂寞翁。外貌雖寂寞。中懷頗冲融。賦命有厚薄。委心任窮通。通常爲大鵬。舉翅摩蒼穹。窮則爲鷓鴣。一枝足自容。苟知此道者。身窮心不窮。

哭王質夫

仙遊寺前別，別來十年餘。生別猶怏怏，死別復何如。客從梓潼來，道君死不虛。驚疑心未信，欲哭復踟蹰。踟蹰寢門側，聲發淚亦俱。衣上今日淚，篋中前月書。憐君古人風，重有君子儒。篇詠陶謝輩，風襟嵇阮徒。出身既蹇迫，生世仍須臾。誠知天至高，安得不一呼。江南有毒蟒，江北有妖狐。皆享千年壽，多於王質夫。不知彼何德，不識此何辜。

東坡種花二首

持錢買花樹，城東坡上栽。但購有花者，不限桃杏梅。百果參雜種，千枝次第開。天時有早晚，地力無高低。紅者霞豔豔，白者雪皚皚。遊蜂逐不去，好鳥亦來栖。前有長流水，下有小平臺。時拂臺上石，一舉風前杯。花枝蔭我頭，花葉落我懷。獨酌復獨詠，不覺日平西。巴俗不愛花，竟春無人來。唯此醉太守，盡日不能醒。

【二】

東坡春向暮，樹木今何如。漠漠花落盡，翳翳葉生初。每日領童僕，荷鋤仍決渠。剷土壅其本，引泉溉其枯。小樹低數尺，大樹長丈餘。封植來幾時，高下齊扶疎。養樹既如此，養民亦何殊。將欲茂枝葉，必先救根株。云何救根株，勸農均賦租。

云何茂枝葉，省事寬刑書。移此爲郡政，庶幾毗俗蘇。

登城東古臺

迢迢東郊上，有土青崔嵬。不知何代物，疑是巴王臺。巴歌久無聲，巴宮沒黃埃。靡靡春草合，牛羊綠四隈。我來一登眺，目極心悠哉。始見江山勢，峰壘水環迴。憑高視聽曠，向遠胸襟開。唯有故園念，時時東北來。

哭諸故人因寄元九

昨日哭寢門，今日哭寢門。借問所哭誰，無非故交親。偉卿既長往，質夫亦幽淪。屈指數年世，收涕自思身。彼皆少於我，先爲泉下人。我今頭半白，焉得身久存。好懷元郎中，相識二十春。昔見君生子，今聞君抱孫。存者盡老大，逝者已成塵。早晚升平宅，開眉一見君。

郡中春宴因贈諸客

僕本儒家子，待詔金馬門。塵忝親近地，孤負聖明恩。一旦奉優詔，萬里收遠人。可憐烏夷帥，自稱爲使君。身騎牂牁馬，口食巴江鱗。聞淡緋衫故，爛斑白髮新。是時歲二月，玉曆布春分。頒條示皇澤，命宴及良辰。冉冉趨府吏，蚩蚩聚州民。有如蜚蟲鳥，亦應天地春。薰草席鋪座，藤枝酒注樽。中庭無平地，高下隨所陳。

蠻鼓聲坎坎。巴女舞蹲蹲。使君居上頭。掩口語衆賓。勿笑風俗陋。勿欺官府貧。蜂巢與蟻穴。隨分有君臣。

開元寺東池早春

池水暖溫暎。水清波激澗。簇簇青泥中。新蒲葉如劍。梅房小白裏。柳彩輕黃染。順氣草薰薰。適情鷗汎汎。舊遊成夢寐。往事隨陽焮。芳物感幽懷。一動平生念。

東澗種柳

野性愛栽植。植柳水中坻。乘春持斧斫。裁截而樹之。長短既不一。高下隨所宜。倚岸埋大幹。臨流插小枝。松柏不可待。楸栲固難移。不如種此樹。此樹易榮滋。無根亦可活。成陰況非遲。三年未離郡。可以見依依。種罷水邊憩。仰頭問自思。富貴本非望。功名須待時。不種東溪柳。端坐欲何爲。

臥小齋

朝起視事畢。晏坐飽食終。散步長廊下。退臥小齋中。拙政自多暇。幽情誰與同。孰云二千石。心如田野翁。

步東坡

朝上東坡步。夕上東坡步。東坡何所愛。愛此新成樹。種植當歲初。滋榮及春暮。

信意取次栽。無行亦無數。綠陰斜景轉。芳氣微風度。新葉鳥下來。萎花蝶飛去。閑攜斑竹杖。徐曳黃麻屨。欲識往來頻。青苔成白路。

徵秋稅畢題郡南亭

高城直下視。蠢蠢見巴蠻。安可施政教。尙不通語言。且喜賦斂畢。幸聞閭井安。豈伊循良化。賴此豐登年。案牘既簡少。池館亦清閑。秋雨簷果落。夕鐘林鳥還。南亭日瀟灑。偃臥恣疎頑。

蚊 蝮

巴微炎毒早。二月蚊蝮生。唾膚拂不去。透耳薨薨聲。斯物頗微細。中人初甚輕。如有膚受譴。久則瘡疔成。疔成無奈何。所要防其萌。廢蟲何足道。潛喻傲人情。

登龍昌上寺望江南山懷錢舍人

騎馬出西郭。悠悠欲何之。獨上高寺去。一與白雲期。虛檻晚瀟灑。前山碧參差。忽似菩薩閣。同望玉峰時。因詠松雪句。永懷鸞鶴姿。六年不相見。況乃隔榮衰。

郊 下

西日照高樹。樹頭子規鳴。東風吹野水。水畔江蘚生。盡日看山立。有時尋澗行。兀兀長如此。何許似專城。

遣懷

樂往必悲生。泰來猶否極。誰言此數然。吾道何終塞。嘗求詹尹卜。拂龜竟默默。亦曾仰問天。天但蒼蒼色。自茲唯委命。名利心雙息。近日轉安閑。鄉園亦休憶。回看世間苦。苦在求不得。我今無所求。庶離憂悲域。

歲晚

霜降水返壑。風落木歸山。冉冉歲將晏。物皆復本源。何此南遷客。五年獨未還。命途分已定。日久心彌安。亦嘗心與口。靜念私自言。去國固非樂。歸鄉未必歡。何須自生苦。捨易求其難。

負冬日

杲杲冬日出。照我屋南隅。負暄閉目坐。和氣生肌膚。初似飲醇醪。又如蟄者蘇。外融百骸暢。中適一念無。曠然忘所在。心與虛空俱。

委順

山城雖荒蕪。竹樹有嘉色。郡俸誠不多。亦足充衣食。外累由心起。心事累自息。尚欲忘家鄉。誰能算官職。宦轡暫遠近。委順隨南北。歸去誠可憐。天涯住亦得。

宿溪翁

時初除郎官赴朝

衆心愛金玉。衆口貪酒肉。何如此溪翁。飲瓢亦自足。溪南刈薪草。溪北修墻屋。歲種一頃田。春驅兩黃犢。於中甚安適。此多無營欲。溪畔偶相逢。菴中遂同宿。辭翁向朝市。問我何官祿。虛言笑殺翁。郎官應列宿。

重過壽泉憶與楊九別時因題店壁

商州南十里。有水名壽泉。湧出石崖下。流經山店前。憶昔相送日。我去君言還。寒波與老淚。此地共潺湲。一去歷萬里。再來經六年。形容已變改。處所猶依然。他日君過此。慇懃吟此篇。

西掖早秋直夜書意

自此後。中書舍人時作

涼風起禁掖。新月生宮沼。夜半秋暗來。萬年枝嫋嫋。炎涼遞時節。鐘鼓交昏曉。遇聖惜年衰。報恩愁力小。素餐無補益。朱綬虛纏繞。冠蓋栖野雲。稻梁養山鳥。量能私自省。所得已非少。五品不爲賤。五十不爲夭。若無知足心。貪求何日了。

庭松

堂下何所有。十松當我階。亂立無行次。高下亦不齊。高者三丈長。下者十尺低。有如野生物。不知何人栽。接以青瓦屋。承之白沙臺。朝昏有風月。燥濕無塵泥。疎韻秋械械。涼陰夏凄凄。春深微雨夕。滿葉珠蓂蓂。歲暮大雪天。壓枝玉皚皚。

四時各有趣。萬木非其儔。去年買此宅。多爲人所哈。一家二十口。移轉就松來。移來有何得。但得煩襟開。卽此是益友。豈必交賢才。顧我猶俗士。冠帶走塵埃。未稱爲松主。時時一愧懷。

竹窗

嘗愛朝川寺。竹窗東北廊。一別十餘載。見竹未曾忘。今春二月初。卜居在新昌。未暇作廡庫。且先營一堂。開窗不糊紙。種竹不依行。意取北簷下。窗與竹相當。遠屋聲浙浙。逼人色蒼蒼。煙通杳靄氣。月透玲瓏光。是時三伏天。天氣熱如湯。獨此竹窗下。朝迴解衣裳。輕紗一幅巾。小簟六尺牀。無客盡日靜。有風終夜涼。乃知前古人。言事頗詳詳。清風北窗臥。可以傲羲皇。

同韓侍郎遊鄒家池吟詩小飲

野艇容三人。晚池流澗澗。悠然依棹坐。水思如江海。宿雨洗沙塵。晴風蕩煙靄。殘陽上竹樹。枝葉生光彩。我本偶然來。景物如相待。白鷗驚不起。綠茨行堪採。齒髮雖已衰。性靈未云改。逢詩遇杯酒。尙有心情在。

晚歸有感

朝弔李家孤。暮問崔家疾。回馬獨歸來。低眉心鬱鬱。平生所善者。多不過六七。

如何十年閒。零落三無一。劉曾夢中見。元向花前失。漸老與誰遊。春城好風日。

曲江感秋二首并序

元和二年三年四年。予每歲有曲江感秋詩。凡三篇。編在第七集卷。是時予爲左拾遺翰林學士。無何。貶江州司馬。忠州刺史。前年遷主客郎中。知制誥。未周歲。授中書舍人。今遊曲江。又值秋日。風物不改。人事屢變。況予中否後遇。昔壯今衰。慨然感懷。復有此作。噫。人生多故。不知明年秋。又何許也。時二年七月十日云耳。

元和二年秋。我年三十七。長慶二年秋。我年五十一。中開十四年。六年居譴黜。窮通與榮悴。委運隨外物。遂師廬山遠。重弔湘江屈。夜聽竹枝愁。秋看澗堆沒。近辭巴郡印。又乘綸閣筆。晚遇何足言。白髮映朱紱。消沈昔意氣。改換舊容質。獨有曲江秋。風煙如往日。

【一】

疎蕪南岸草。蕭颯西風樹。秋到未幾時。蟬聲又無數。莎平綠茸合。蓮落青房露。今日臨望時。往年感秋處。池中水依舊。城上山如故。獨我鬢閒毛。昔黑今垂素。榮名與壯齒。相避如朝暮。時命始欲來。年顏已先去。當春不歡樂。臨老徒驚悞。故作詠懷詩。題於曲江路。

翫松竹二首

龍蛇隱大澤。麋鹿遊豐草。栖風安於梧。潛魚樂於藻。吾亦愛吾廬。廬中樂吾道。前松後脩竹。偃臥可終老。各附其所安。不知他物好。

【二】

坐愛前檐前。臥愛北窗北。窗竹多好風。檐松有嘉色。幽懷一以合。俗念隨緣息。在爾雖無情。於予卽有得。乃知性相近。不必動與植。

衰病無趣因吟所懷

朝餐多不飽。夜臥常少睡。自覺寢食閒。都無少年味。平生好詩酒。今亦將捨棄。酒唯下藥飲。無復曾歡醉。詩多聽人吟。自不題一字。病姿與衰相。日夜相繼至。況當尙少朝。彌慙居近侍。終當求一郡。聚少漁樵費。合口便歸山。不問人閒事。

逍遙詠

亦莫戀此身。亦莫厭此身。此身何足戀。萬劫煩惱根。此身何足厭。一聚虛空塵。無戀亦無厭。始是逍遙人。

白樂天詩集卷十二

感傷四

歌行曲引雜體凡四十八首

短歌行

曠曠太陽如火色。上行千里下一刻。出爲白晝入爲夜。圓轉如珠住不得。住不得。可奈何。爲君舉酒歌短歌。歌聲苦。詞亦苦。四座少年君聽取。今夕未竟明且催。秋風纔往春風回。人無根蒂時不駐。朱顏白日相隳頹。勸君且強笑一面。勸君復強飲一杯。人生不得長歡樂。年少須臾老到來。

生離別

食槩不易食梅難。槩能苦兮梅能酸。未如生別之爲難。苦在心兮酸在肝。晨鷄再鳴殘月沒。征馬連嘶行人出。回看骨肉哭一聲。梅酸槩苦甘如蜜。黃河水白黃雲秋。行人河邊相對愁。天寒野曠何處宿。棠梨葉戰風。生離別。生離別。憂從中來無斷絕。憂極心勞血氣衰。未年三十生白髮。

浩歌行

天長地久無終畢。昨夜今朝又明日。
 前去五十有幾年。把鏡照面心茫然。
 朱顏日漸不如故。青史功名在何處。
 去復去兮如長河。東流赴海無迴波。
 古來如此非獨我。未死有酒且高歌。
 功名富貴須待命。命若不來知奈何。
 鬢髮蒼浪牙齒疎。不覺身年四十七。
 既無長繩繫白日。又無大藥駐朱顏。
 欲留年少待富貴。富貴不來年少去。
 賢愚貴賤同歸盡。北邙塚墓高嵯峨。
 顏回短命伯夷餓。我今所得亦已多。

王夫子

王夫子

送君爲一尉

東南三千五百里

道途雖遠位雖卑

月俸猶堪活妻子

男兒口讀古人書

東帶斂手來從事

近將狗祿給一家

遠則行道佐時理

行道佐時須待命

委身下位無爲恥

命苟未來且求食

官無卑高及遠邇

男兒上既未能濟天下

下又不至飢寒死

吾觀九品至一品

其閒氣味都相似

紫綬朱紱青布衫

顏色不同而已矣

王夫子

別有一事欲勸君

逢酒逢春且歡喜

江南遇天寶樂叟

白頭老叟泣且言

祿山未亂入梨園

能彈琵琶和法曲

多在華清隨至尊

是時天下太平久。年年十月坐朝元。
 金鈿照耀石甕寺。蘭麝熏煮溫湯源。
 冬雪飄飄錦袍暖。春風蕩漾霓裳翻。
 幽士人遷避夷狄。鼎湖龍去哭軒轅。
 秋風江上浪無限。暮雨舟中酒一樽。
 我自秦來君莫問。驪山渭水如荒村。
 紅葉紛紛蓋欷瓦。綠苔重重封壞垣。
 千官起居環珮合。貴妃宛轉侍君側。
 萬國會同車馬奔。體弱不勝珠翠繁。
 弓勁馬肥胡語喧。萬人死盡一身存。
 枯草曾沾雨露恩。長生殿開鎖春雲。
 每年寒食一開門。

送張山人歸嵩陽

黃昏慘慘天微雪

修行坊西鼓聲絕

張生馬瘦衣且單

夜扣柴門與我別

魏君冒寒來別我

爲君沽酒張燈火

酒酣火煖與君言

何事出關又入關

答云前年偶下山

四十餘月客長安

長安古來名利地

空手無金行路難

朝遊九城陌

肥馬輕車欺殺客

暮宿五侯門

殘茶冷酒愁殺人

春明門外城高處

直下便是嵩山路

幸有雲泉容此身

明日辭君且歸去

醉後走筆酬劉五主簿長句之贈兼簡張大賈二十四先輩昆季

劉兄文高行孤立

十五年前名翕習

是時相遇在符離

我年二十君三十

得意忘年心迹親
朝來暮去多攜手
陣湖綠愛白鷗飛
張賈弟兄同里巷
我年漸長忽自驚
問我栖栖何所適
出門可憐唯一身
二賈二張與余弟
齊入文場同苦戰
棠棣輝榮竝桂枝
三年不鳴鳴必大
始辭祕閣吏王畿
閭闔晨開朝百辟
宮花似雪從乘輿
晚松寒竹新昌第

寓居同縣日知閒
窮巷貧居何所有
澗水清憐紅鯉肥
乘閒數數來相訪
鏡中冉冉髭鬚生
鄉人薦為鹿鳴客
弊裘瘦馬入咸秦
驅車遞進來相繼
五人十載九登科
芝蘭芬馥和荆葉
豈獨駭雞當駭人
遮列諫垣升禁闥
冕旒不動香煙碧
禁月如霜坐直廡
聲居密近門多閉

衡門寂寞朝尋我
秋燈夜寫聯句詩
偶語閒攀芳樹立
雨天連宿草堂中
心畏後時同勵志
二千里別謝交游
藜藜街鼓紅塵間
操詞握賦為干戈
二張得雋名居甲
唯有沅犀屈未伸
元和運啓千年聖
蹇步何堪鳴佩玉
步登龍尾上虛空
身賤每驚隨內宴
日暮銀臺下直回

古寺蕭條暮訪君
春雪朝傾煖寒酒
相扶醉蹋落花歸
月夜徐行石橋上
身牽前事各求名
三十韻詩慰行役
晚到長安無主人
鋒銳森然勝氣多
美退爭雄重告捷
握中自謂駭雞珍
同遇明時余最幸
衰容不稱著朝衣
立去天顏無咫尺
才微常愧草天書
故人到門門暫開

回頭下馬一相顧
岐陽旅宦少歡娛
歲月徒催白髮貌
我隨鷄鶩入煙雲
惆悵知賢不能薦
大底浮榮何足道
北巷鄰居幾家去
感此酬君千字詩
慷慨臨岐重相勉
五十身榮未為晚

和錢員外答盧員外早春獨遊曲江見寄長句

春來有色開融融
聞君獨遊心鬱鬱
雲夫首倡寒玉音

先到詩情酒思中
薄晚新晴騎馬出
蔚章繼和春搜吟

柳岸霏微裊塵雨
醉思詩侶有同年
此時我亦閉門坐

杏園淡蕩開花風
春歎翰林無暇日
一日風光三處心

東墟晚歇

時思居渭村

涼風冷露蕭索天。黃蒿紫菊荒涼田。
 中有騰騰獨行者。手挂漁竿不騎馬。
 裼衣半故白髮新。人逢知我是何人。
 遠塚秋花少顏色。晚從南澗釣魚回。
 細蟲小蝶飛翻翻。歌此墟中白楊下。
 客中月 誰言渭浦棲遲客。曾作甘泉侍從臣。

客從江南來。來時月上弦。悠悠行旅中。
 誰謂月無情。千里遠相逐。朝發渭水橋。
 暮入長安陌。不知今夜月。夕與新月宿。
 又作誰家客。

挽歌詞
 丹旄何飛揚。素驂亦悲鳴。晨光照閭巷。
 借問送者誰。妻子與弟兄。蒼蒼上古原。
 舊壠轉蕪絕。新墳日離別。春風秋草北邙山。
 輜車儼欲行。蕭條九月天。哀挽出重城。
 長相思 此地年年生死別。異口同哀聲。

九月西風興。月冷露華凝。思君秋夜長。
 思君春日遲。一日腸九迴。妾住洛橋北。
 有如女蘿草。生在松之側。蔓短枝苦高。
 願作遠方獸。步步比肩行。願作深山木。
 一夜魂九升。二月東風來。草拆花心開。
 君住洛橋南。十五即相識。今年二十三。
 榮迴上不得。人言人有願。願至天必成。
 枝枝連理生。

山鷓鴣

山鷓鴣 朝朝暮暮啼復啼。啼時露白風淒淒。
 苦竹嶺下寒月低。奮田有粟何不啄。石楠有枝何不棲。
 樓上舟中聲聞入。夢鄉還客展轉臥。抱兒寡婦彷徨立。
 爾本此鄉鳥。生不辭巢不別羣。何苦聲聲啼到曉。
 唯能愁北人。南人慣聞如不聞。啼到曉。

放旅雁 元和十一年冬作

九江十年冬大雪。江水生冰樹枝折。百鳥無食東西飛。
 雪中啄草冰上宿。翅冷騰空飛動遲。江童持網捕將去。
 我本北人今謫謫。人鳥雖殊同是客。見此客鳥傷客人。
 鴈鴈汝飛向何處。第一莫飛西北去。淮西有賊討未平。
 官軍賊軍相守老。食盡兵窮將及汝。健兒飢餓射汝喫。
 拔汝翅翎爲箭羽。

送春歸 元和十一年三月三十日作

送春歸 三月盡日日暮時。去年杏園花飛御溝綠。
 落子規啼。送春何處西江西。帝城送春猶怏怏。天涯送春能不加惆悵。
 何處送春曲江曲。今年杜鵑花落子規啼。送春何處西江西。帝城送春猶怏怏。天涯送春能不加惆悵。莫惆悵。

送春人。冗員無替五年罷。應須筆擬再送潯陽春。五年炎涼凡十變。安知此身健不健。好去今年江上春。明年未死還相見。

山石榴寄元九

山石榴

一名山躑躅

一名杜鵑花

杜鵑啼時花撲撲

九江三月杜鵑來

一聲催得一枝開

江城上佐閑無事

山下斷得廳前栽

爛熳一欄十八樹

根株有數花無數

千房萬葉一時新

嫩紫殷紅鮮麴塵

淚痕衰損臙脂臉

剪刀裁破紅綉巾

謫仙初墮愁在世

詫女新嫁嬌泥春

日射血珠將滴地

風翻火焰欲燒人

閑折兩枝持在手

細看不似人間有

花中此物是西施

芙蓉芍藥皆嫫母

奇芳絕艷別者誰

通州遷客元拾遺

拾遺初貶江陵去

去時正值青春暮

商山秦嶺愁殺君

山石榴花紅夾路

題詩報我何所云

苦云色似石榴裙

當時叢畔唯思我

今日欄前只憶君

憶君不見坐銷落

日西風起紅紛紛

畫竹歌并引

協律郎蕭悅善畫竹舉世無倫蕭亦甚自祕重有終歲求其一竿一枝而不得者知予天與好事忽寫一十五竿惠然見投予厚其意高其藝無以答脫作歌以報之凡一百八十

六字云

植物之中竹難寫

古今雖畫無似者

蕭郎下筆獨逼真

丹青以來唯一人

人畫竹身肥臙腫

蕭畫莖瘦節節竦

人畫竹梢死羸垂

蕭畫枝活葉葉動

不根而生從意生

不筍而成由筆成

野塘水邊碣岸側

森森兩叢十五莖

嬋娟不失筠粉態

蕭颯盡得風煙情

舉頭忽看不似畫

低耳靜聽疑有聲

西叢七莖勁而健

省向天竺寺前石上見

東叢八莖疎且寒

曾憶湘妃廟裏雨中看

幽姿遠思少人別

與君相顧空長歎

蕭郎蕭郎老可惜

手顫眼昏頭雪色

自言便是絕筆時

從今此竹尤難得

真娘墓墓在虎竹寺

真娘墓 虎丘道

不識真娘鏡中面

唯見真娘墓頭草

霜摧桃李風折蓮

真娘死時猶少年

脂膚荑手不牢固

世間尤物難畱連

難畱連 易消歇

塞北花 江南雪

長恨歌

漢皇重色思傾國

御宇多年求不得

楊家有女初長成

養在深閨人未識

天生麗質難自棄

一朝選在君王側

回眸一笑百媚生

六宮粉黛無顏色

春寒賜浴華清池
溫泉水滑洗凝脂
侍兒扶起嬌無力
始是新承恩澤時
雲鬢花顏金步搖
芙蓉帳暖度春宵
春宵苦短日高起
從此君王不早朝
承歡侍宴無閒暇
春從春遊夜專夜
後宮佳麗三千人
三千寵愛在一身
金屋粧成嬌侍夜
玉樓宴罷醉和春
姊妹弟兄皆列土
可憐光彩生門戶
遂令天下父母心
不重生男重生女
驪宮高處入青雲
仙樂風飄處處聞
緩歌慢舞凝絲竹
盡日君王看不足
漁陽鼙鼓動地來
驚破霓裳羽衣曲
九重城闕煙塵生
千乘萬騎西南行
翠華搖搖行復止
西出都門百餘里
六軍不發無奈何
宛轉蛾眉馬前死
花鈿委地無人收
翠翹金雀玉搔頭
君王掩面救不得
回看血淚相和流
黃埃散漫風蕭索
雲棧縈紆登劍閣
峨嵋山下少人行
旌旗無光日色薄
蜀江水碧蜀山青
聖主朝朝暮暮情
行宮見月傷心色
夜雨聞鈴腸斷聲
天旋地轉迴龍馭
到此躊躇不能去
馬嵬坡下泥土中
不見玉顏空死處
君臣相顧盡沾衣
東望都門信馬歸
歸來池苑皆依舊
太液芙蓉未央柳
芙蓉如面柳如眉
對此如何不淚垂
春風桃李花開夜
秋雨梧桐葉落時
西宮南內多秋草
宮葉滿階紅不掃
梨園弟子白髮新
椒房阿監青娥老
夕殿螢飛思悄然
孤燈挑盡未成眠

遲遲鐘鼓初長夜
耿耿星河欲曙天
鴛鴦瓦冷霜華重
翡翠衾寒誰與共
悠悠生死別經年
魂魄不曾來入夢
臨邛道士鴻都客
能以精誠致魂魄
爲感君王展轉思
遂致方士慙勳覓
排空馭氣奔如電
升天入地求之遍
上窮碧落下黃泉
兩處茫茫皆不見
忽聞海上有仙山
山在虛無縹渺間
樓閣玲瓏五雲起
其中綽約多仙子
中有仙人字太真
雪膚花貌參差是
金闕西廂叩玉扃
轉致小玉報雙成
聞道漢家天子使
九華帳裏夢魂驚
攬衣推枕起徘徊
珠箔銀屏遞迴開
雲鬢半偏新睡覺
花冠不整下堂來
風吹仙袂飄飄舉
猶似霓裳羽衣舞
玉容寂寞淚闌干
梨花一枝春帶雨
含情凝睇謝君王
一別音容兩渺茫
昭陽殿裏恩愛絕
蓬萊宮中日月長
回頭下望入寰處
不見長安見塵霧
唯將舊物表深情
鈿合金釵寄將去
銀燭一盤合一扇
銀擘黃金合分鈿
但令心似金鈿堅
天上人閒會相見
臨別殷勤重寄詞
詞中有誓兩心知
七月七日長生殿
夜半無人私語時
在天願作比翼鳥
在地願爲連理枝
天長地久有時盡
此恨綿綿無絕期

婦人苦

蟬鬢加意梳
蛾眉用心掃
幾度曉粧成
君看不言好
妾身重同穴
君意輕偕老

惆悵去年來，心知未能道。今朝一開口，語少意何深。願引他時事，移君此日心。人言夫婦親，義合如一身。及至死生際，何曾苦樂均。婦人一喪夫，終身守孤子。有如林中竹，忽被風吹折。一折不重生，枯死猶拘節。男兒若喪婦，能不暫傷情。應似門前柳，逢春易發榮。風吹一枝折，還有一枝生。爲君委曲言，願君再三聽。須知婦人苦，從此莫相輕。

長安道

花枝缺處青樓開，豔歌一曲酒一杯。美人勸我急行樂，自古朱顏不再來。君不見外州客長安道，一迴來，一迴老。

潛別離

不得哭，潛別離。不得語，暗相思。兩心之外無人知。深籠夜鎖獨棲鳥，利劍春斷連理枝。河水雖濁有清日，烏頭雖黑有白時。唯有潛離與暗別，彼此甘心無後期。

隔浦蓮

隔浦愛紅蓮，昨日看猶在。夜來風吹落，只得一回採。花開雖有明年期，復愁明年還暫時。

寒食野望吟

丘墟郭門外，寒食誰家哭。風吹曠野紙錢飛，古墓榮榮春草綠。棠梨花映白楊樹，盡是死生離別處。冥漠重泉哭不聞，蕭蕭暮雨人歸去。

琵琶引并序

元和十年，予左遷九江郡司馬。明年秋，送客湓浦口，聞舟中夜彈琵琶者，聽其音，錚錚然有京都聲。問其人，本長安倡女，嘗學琵琶於穆曹二善才。年長色衰，委身為賈人婦。遂命酒，使快彈數曲。曲罷憫默，自叙少小時歡樂事，今漂淪憔悴，轉徙於江湖間。予出官二年，恬然自安，感斯人言，是夕始覺有遷謫意。因爲長句歌以贈之，凡六百一十二言，命曰琵琶行。

潯陽江頭夜送客，楓葉荻花秋瑟瑟。主人下馬客在船，舉酒欲飲無管絃。醉不成歡慘將別，別時茫茫江浸月。忽聞水上琵琶聲，主人忘歸客不發。尋聲暗問彈者誰，琵琶聲停欲語遲。移船相近邀相見，添酒回燈重開宴。千呼萬喚始出來，猶拘琵琶半遮面。轉軸撥絃三兩聲，未成曲調先有情。絃絃掩抑聲聲思，似訴平生不得志。低眉信手續續彈，說盡心中無限事。輕攏慢捻抹復挑，初爲霓裳後六么。大絃嘈嘈如急雨，小絃切切如私語。

嘈嘈切切錯雜彈，大珠小珠落玉盤。
 水泉冷澀絃凝絕，凝絕不通聲暫歇。
 銀餅乍破水漿迸，鐵騎突出刀槍鳴。
 東船西舫悄無言，唯見江心秋月白。
 自言本是京城女，家在蝦蟆陵下住。
 曲罷曾教善才服，粧成每被秋娘妬。
 細頭銀篋擊節碎，血色羅裙翻酒污。
 弟走從軍阿姨死，暮去朝來顏色故。
 商人重利輕別離，前月浮梁買茶去。
 夜深忽夢少年事，夢啼粧淚紅闌干。
 同是天涯淪落人，相逢何必曾相識。
 潯陽地僻無音樂，終歲不聞絲竹聲。
 其間旦暮聞何物，杜鵑啼血猿哀鳴。
 豈無山歌與村笛，嘔啞嘲哢難爲聽。
 莫辭更坐彈一曲，爲君翻作琵琶行。
 閉關鶯語花底滑，幽咽泉流水下灘。
 別有幽愁暗恨生，此時無聲勝有聲。
 曲終收撥當心畫，四絃一聲如裂帛。
 沈吟放撥插絃中，整頓衣裳起斂容。
 十三學得琵琶成，名屬教坊第一部。
 五陵年少爭纏頭，一曲紅綃不知數。
 今年歡笑復明年，秋月春風等閑度。
 門前冷落鞍馬稀，老大嫁作商人婦。
 去來江口守空船，遶船明月江水寒。
 我聞琵琶已嘆息，又聞此語重唧唧。
 我從去年辭帝京，謫居臥病潯陽城。
 住近湓江地低濕，黃蘆苦竹遠宅生。
 春江花朝秋月夜，往往取酒還獨傾。
 今夜聞君琵琶語，如聽仙樂耳暫明。
 感我此言良久立，卻坐促絃絃轉急。

凄凄不似向前聲。

滿座重聞皆掩泣。

座中泣下誰最多。

江州司馬青衫濕。

簡簡吟

蘇家小女名簡簡，
 十三行坐事調品。
 殊姿異態不可狀，
 丈人阿母勿悲啼。
 大都好物不堅牢。

芙蓉花腮柳葉眼，
 不肯迷頭白地藏。
 忽忽轉動如有光，
 此女不是凡夫妻。
 綵雲易散琉璃脆。

十一把鏡學點粧，
 玲瓏雲鬢生花樣。
 二月繁霜殺桃李，
 恐是天仙謫人世。

十二抽針能綉裳，
 飄飄風袖薔薇香。
 明年欲嫁今年死，
 只合人閒十三歲。

花非花

花非花，霧非霧。

夜半來，天明去。

來如春夢幾多時。

去似朝雲無覓處。

醉後狂言酬贈蕭殷二協律

餘杭邑客多編貧，
 江城山寺十一月。
 此時太守自慙愧，
 吳綿細軟桂布密。
 我有大裘君未見。

其閒甚者蕭與殷，
 北風吹沙雪紛紛。
 重衣複衾有餘溫，
 柔如狐腋白似雲。
 寬廣和暖如陽春。

天寒身上猶衣葛，
 賓客不見絺袍惠。
 因命染人與針女，
 勞將詩書投贈我。
 此裘非繒亦非績。

日高甌中未拂塵，
 黎庶未沾襦袴恩。
 先製兩裘贈二君，
 如此小惠何足論。
 裁以法度絮以仁。

刀尺鈍拙製未畢。

出亦不獨裹一身。

若令在郡得五考。

與君展覆杭州人。

夜哭李夷道。

空庭朝復昏。

家人哀臨畢。

夜鏤壽堂門。

逝者絕影響。

空見銘旌向月翻。

無妻無子何人葬。

時年十八

久爲勞生事。不學攝生道。年少已多病。此身豈堪老。

病中作

秋江晚泊

扁舟泊雲島。倚棹念鄉國。四望不見人。

煙江澹秋色。客心貧易動。日入愁未息。

寒食臥病

病逢佳節長歎息。

春雨濛濛榆柳色。

羸坐全非舊日容。

杖行半是他人力。

誼誼里巷踟青歸。

笑閉柴門度寒食。

寒食月夜

風香露重梨花濕。

草舍無燈愁未入。

南隣北里歌吹時。

獨倚柴門月中立。

長安早春旅懷

軒車歌吹喧都邑。

中有一人向隅立。

夜深明月卷簾愁。

日暮青山望鄉泣。

風吹新綠草芽拆。

雨灑輕黃柳條濕。

此生知負少年春。

不展愁眉欲三十。

晚秋夜

碧空溶溶月華靜。

月裏愁人弔孤影。

花開殘菊傍疎籬。

葉下衰桐落寒井。

塞鴻飛急覺秋盡。

鄰雞鳴遲知夜永。

凝情不語空所思。

風吹白露衣裳冷。

和錢員外早冬翫禁中新菊

禁署寒氣遲。孟冬菊初拆。

新黃開繁綠。

爛若金照碧。

仙郎小隱日。心似陶彭澤。

秋憐潭上看。日慣籬邊摘。

今來此地賞。

野意潛自適。

金馬門內花。玉山峯下客。

寒芳引清句。吟翫煙景夕。

賜酒色偏宜。

握蘭香不敵。

淒淒百卉死。歲晚冰霜積。

唯有此花開。殷勤助君惜。

錢員外藍田山下故云。

贈別宣上人

上人處世界。清淨何所似。

似彼白蓮花。

在水不著水。

性真悟泡幻。行潔雖塵滓。

修道來幾時。身心俱到此。

嗟予牽世網。

不得長依止。

離念與碧雲。秋來朝夕起。

和夢遊春詩一百韻并序

微之既到江陵。又以夢遊春詩七十韻寄予。且題其序曰。斯言也。不可使不知。吾者知。知

吾者亦不可使不知。樂天知吾也。吾不敢不使吾子知。予辱斯言。三復其旨。大抵悔既往。

而悟將來也。然予以爲苟不悔不寤則已。若悔於此則宜悟於彼也。反於彼而悟於妄則宜歸於真也。況與足下外服儒風內宗梵行者有日矣。而今而後非覺路之返也。非空門之歸也。將安反乎。將安歸乎。今所和者其章旨卒歸於此。夫感不甚則悔不熟。感不至則悟不深。故廣足下七十韻重爲一百韻。重爲足下陳夢遊之中所以甚感者。彼婚仕之際所以至感者。欲使曲盡其妄。周知其非。然後返乎真歸乎實。亦猶法華經序火宅偈化城維摩經入姪舍過酒肆之義也。微之微之予斯文也。尤不可使不知吾者知。幸藏之云爾。

昔君夢遊春。夢遊仙山曲。悅若有所遇。似愜平生欲。因尋菖蒲水。漸入桃花谷。到一紅樓家。愛之看不足。池流渡清泚。草嫩蹋綠蔭。門柳闇全低。簷櫻紅半熟。轉行深深院。過盡重重屋。烏龍臥不驚。青鳥飛相逐。漸聞玉珮響。始辨珠履躅。遙見窗下人。娉婷十五六。霞光抱明月。蓮豔開初旭。縹緲雲雨仙。氛氳蘭麝馥。風流薄梳洗。時世寬粧束。袖輕異文綵。裾輕單絲縠。裙腰銀線壓。梳掌金篋蹙。帶纈紫蒲萄。袴花紅石竹。凝情都未語。拈輕單絲縠。付意微相矚。眉斂遠山青。鬢低片雲綠。帳牽翡翠帶。被解鴛鴦撲。秀色似堪冷。穠華如可掬。半卷錦頭席。斜鋪繡腰褥。朱唇素指勻。粉汗紅綿撲。心驚睡易覺。夢斷魂難續。籠委獨棲禽。劍分連理木。存誠期有感。誓志貞無黷。京洛八九春。未曾花裏宿。壯年徒自棄。佳會應無復。

鸞歌不重聞。鳳兆從茲卜。韋門女清貴。裴氏甥賢淑。羅扇夾花燈。金鞍攢繡轂。既傾南國貌。遂坦東床腹。劉阮心漸忘。潘楊意方睦。新修履信第。初食尙書祿。九醞備聖賢。八珍窮水陸。秦家重蕭史。彥輔憐衛叔。朝饌饋獨盤。夜醪傾百斛。親賓盛輝赫。妓樂紛曄煜。宿醉纔解醒。朝歡俄枕麴。飲過君子爭。令甚將軍酷。酩酊歌鷓鴣。顛狂舞鴝鵒。月流春夜短。日下秋天速。謝傳隙過駒。蕭娘風送燭。全凋薜花折。半死梧桐秃。閨鏡對孤鸞。哀弦罷寡鶴。淒淒隔幽顯。冉冉移寒燠。萬事此時休。百身何處贖。提攜小兒女。將領舊姻族。再入朱門行。一傍青樓哭。樓空無廐馬。水涸失池鶩。搖落廢井梧。荒涼故籬菊。莓苔上几閣。塵土生琴筑。舞榭綴蟪蛄。歌梁聚蝙蝠。嫁分紅粉妾。賣散蒼頭僕。門客思徬徨。家人泣呶呶。心期正蕭索。宦序仍拘局。懷策入嶠函。驅車辭郊郭。逢時念既濟。聚學思大畜。端詳筮仕著。磨拭穿楊鐵。始從讎校職。首中賢良目。一拔侍瑤墀。再升紆繡服。誓酬君王寵。願使朝廷肅。密勿奏封章。清明操憲牘。鷹隼中病下。豸角當邪觸。紕謬靜東周。申冤動南蜀。危言詆閹寺。直氣忤鈞軸。不忍曲作鉤。乍能折爲玉。捫心無愧畏。騰口有誇謔。只要明是非。何曾慮禍福。車摧太行路。劍落鄆城獄。襄漢問修途。荆蠻指殊俗。謫爲江府掾。遣事荊州牧。趨走謁磨幢。喧煩視鞭扑。

簿書常自領。縲囚每親鞠。竟日坐官曹。經旬曠休沐。宅荒渚宮草。馬瘦畝田粟。薄俸等涓毫。微官同桎梏。月中照形影。天際辭骨肉。鶴病翅羽垂。獸窮爪牙縮。行看鬢閒白。誰勸杯中綠。時傷大野麟。命同長沙鵬。夏梅山雨漬。秋瘴海雲毒。巴水白茫茫。楚山青簇簇。吟君七十韻。是我心所蓄。既去誠莫追。將來幸當勗。欲除憂惱病。當取禪經讀。須悟事皆空。無令念將屬。請思遊春夢。此夢何閃倏。豔色即空花。浮生乃焦穀。良姻在佳偶。頃刻為單獨。入仕欲榮身。須臾成黜辱。合者離之始。樂兮憂所伏。愁恨僧祇長。歡榮利那促。覺悟因傍喻。迷執由當局。膏明誘闇蛾。陽燄奔癡鹿。貪為苦聚落。愛是悲林麓。水蕩無明波。輪迴死生輻。塵應甘露灑。垢待醍醐浴。障要智燈燒。魔須慧刀戮。外重性易染。內戰心難朗。法句與心王。期君日三復。

微之常以法句及心王頭陀經相示。故申言以卒其志也。

秋晚

籬菊花稀砌桐落。樹陰離離日色薄。單幕疎簾貧寂寞。涼風零露秋蕭索。光陰流轉忽已晚。顏色凋殘不如昨。萊妻臥病月明時。不搗寒衣空搗藥。謫居

面瘦頭斑四十四。

遠謫江州為郡吏。

逢時棄置從不才。

未老衰羸為何事。

火燒寒澗松為燼。

霜降春林花委地。

遭時榮悴一時閒。

豈是昭昭上天意。

偶然二首

楚懷邪亂靈均直。放棄合宜何惻惻。漢文明聖賈生賢。謫向長沙堪歎息。人事多端何足怪。天文至信猶差忒。月離于畢合鬪罷。有時不雨誰能測。

【一】

火發城頭魚水裏。救火竭池魚失水。乖龍藏在牛領中。雷擊龍來牛枉死。

人道著神龜骨靈。試卜魚牛那至此。六十四卦七十鑽。畢竟不能知所以。

喜山石槿花開

去年自廬山移來

忠州州裏今日花。廬山山頭去年樹。已憐根損斬新栽。還喜花開依舊數。

赤玉何人少琴軫。紅纈誰家合羅袴。但知爛熳恣情開。莫怕南賓桃李妬。

惻惻吟

惻惻復惻惻。逐臣返鄉國。前事難重論。少年不再得。泥塗絳老頭斑白。炎瘴靈均面黎黑。六年不死卻歸來。道著姓名人不識。

獨眠吟二首

夜長無睡起階前。寥落星河欲曙天。十五年來明月夜。何曾一夜不孤眠。

【一】

獨眠客。夜夜可憐長寂寂。就中今夜最愁人。涼月清風滿牀席。

紅燭青檜久延佇。出門入門天欲曙。星稀月落竟不來。煙柳隴隴鵲飛去。

代謝好答崔員外

謝好妓也

青娥小謝娘。白髮老崔郎。謾愛胸前雪。其如頭上霜。別後曹家碑背上。思量好字斷君腸。

白樂天詩集卷十三

律詩

五百七首
凡九十二首

代書詩一百韻寄微之

憶在貞元歲。初登典校司。身名同日授。心事一言知。肺腑都無隔。形骸兩不羈。疎狂屬年少。閒散爲官卑。分定金蘭契。言通藥石規。交賢方汲汲。友直每怱怱。有月多同賞。無杯不共持。秋風拂琴匣。夜雪卷書帷。高上慈恩塔。幽尋皇子陂。

唐昌主藥會。崇敬牡丹期。笑勸迂辛酒。閑吟短李詩。儒風愛敦質。佛理賞玄師。度日曾無悶。通宵靡不爲。雙聲聯律句。八面對宮基。往往遊三省。騰騰出九逵。寒銷直城路。春到曲江池。樹暖枝條弱。山晴彩翠奇。峯攢石綠點。柳宛麴塵絲。岸草煙鋪地。園花雪壓枝。早光紅照耀。新溜碧逶迤。幄幕侵堤布。盤筵占地施。徵伶皆絕藝。選妓悉名姬。粉黛凝春態。金鈿耀水嬉。風流誇墮髻。時世圖啼眉。密坐隨歡促。華樽逐勝移。香飄歌袂動。翠落舞釵遺。籌插紅螺椀。觥飛白玉卮。打嫌調笑易。飲訝卷波遲。殘席諠諠散。歸鞍酩酊騎。醜顏烏帽側。醉袖玉鞭垂。紫陌傳鐘鼓。紅塵塞路岐。幾時曾暫別。何處不相隨。在苒星霜換。迴環節候推。兩衙多請告。三考欲成資。運啓千年聖。天成萬物宜。皆當少壯日。同惜盛明時。光景嗟虛擲。雲霄竊暗窺。攻文朝矻矻。講學夜孜孜。策目穿如札。毫鋒銳若錐。繁張獲烏網。堅守釣魚坻。竝受夔龍薦。齊陳晁董詞。萬言經濟畧。三策太平基。中第爭無敵。專場戰不疲。輔車排勝陣。持角舉降旗。雙闕紛容衛。千僚儼等衰。恩隨紫泥降。名向白麻披。既在高科選。還從好爵糜。東垣君諫諍。西邑我驅馳。再喜登烏府。多慙侍赤墀。官班分內外。遊處遂參差。每列鵷鸞序。偏瞻獬豸姿。簡威霜凜冽。衣綵綉葳蕤。正色摧強禦。剛腸嫉啜呷。常憎持祿位。不擬保妻兒。

養勇期除惡，輸忠在滅私。下輔驚燕雀，當道儆狐狸。南國人無怨，東臺吏不欺。
 理冤多定國，切諫甚辛毗。造次行於是，平生志在茲。道將心共直，言與行兼危。
 水暗波翻覆，山藏路險巇。未為明主識，已被佞臣疑。木秀遭風折，蘭芳遇葢萎。
 千鈞勢易壓，一柱力難支。騰口因成瘡，吹毛遂得疵。憂來吟貝錦，謫去詠江離。
 邂逅塵中遇，殷勤馬上辭。賈生離魏闕，王粲向荆夷。水過清源寺，山經綺季祠。
 心搖漢皋珮，淚墮睨亭碑。驛路綠雲際，城樓枕水湄。思鄉多繞澤，望國獨登陴。
 林晚青蕭索，江平綠渺瀰。野秋鳴蟋蟀，沙冷聚鸕鷀。官舍黃茅屋，人家苦竹籬。
 白醪充夜酌，紅粟備晨炊。寡鶴摧風翻，鯨魚失水驚。聞雞啼渴旦，涼葉墜相思。
 一點寒燈滅，三聲曉角吹。藍衫經雨故，馳馬臥霜羸。念涸誰濡沫，嫌醒自歡醅。
 耳垂無伯樂，舌在有張儀。負氣衝星劍，傾心向日葵。金言自銷鑠，玉性肯磷緇。
 仲屈須看螻，窮通莫問龜。定知身是患，應用道為醫。想子今如彼，嗟予獨在斯。
 無慘當歲杪，有夢到天涯。坐阻連襟帶，行乖接履綦。潤銷衣上霧，香散室中芝。
 念遠傷遷貶，驚時歎別離。素書三往復，明月七盈虧。舊里非離到，餘歡不可追。
 樹依興善老，草傍靖安衰。前事思如昨，中懷寫向誰。北邙尋古柏，南宅訪辛夷。
 此日空搔首，何人共解頤。病多知夜永，年長覺秋悲。不飲長如醉，加飡亦似飢。

狂吟一千字，因使寄微之。

和鄭元及第後秋歸洛下閒居

同高侍郎下。隔年及第。

勤苦成名後，優遊得意閒。玉憐同匠琢，桂恨隔年攀。山靜豹難隱，谷幽鳥豈還。
 微吟詩引步，淺酌酒開顏。門迴暮臨水，窗深朝對山。雲衢日相待，莫誤許身閑。
 與諸同年賀座主侍郎新拜太常同宴蕭尚亭子
座主於蕭尚亭下。及第得羣字韻。
 寵新卿典禮，會盛客徵文。不失遷鶯侶，因成賀燕羣。池臺晴閉雪，冠蓋暮和雲。
 共仰曾攀處，年深桂尚薰。

東都冬日會諸同年宴鄭家林亭得先字

盛時陪上第，暇日會羣賢。桂折因同樹，顰遷各異年。賓階紛組珮，妓席儼花銅。
 促膝齊茶賤，差肩次後先。助歌林下水，銷酒雪中天。他日升沈者，無忘共此筵。
 叙德書情四十韻上宣歙崔中丞
宣州應送及弟。後重投此書。

元聖生乘運，忠賢出應期。還將稽古力，助立太平基。土控吳兼越，州連歙與池。
 山河地襟帶，軍鎮國藩維。廉察安江甸，澄清肅海夷。股肱分外守，耳目付中司。
 楚老歌來暮，秦人詠去思。望如時雨至，福似歲星移。政靜民無訟，刑行吏不欺。
 搗謙驚主寵，陰德畏人知。白玉慙溫色，朱繩讓直辭。行為時領袖，言作世蕃龜。

盛幕招賢士。連營訓銳師。光華下鷓鴣。氣色動熊羆。出入麾幢引。登臨劔戟隨。
 好風迎解榻。美景待牽帷。晴野霞飛綺。春郊柳宛絲。城烏驚畫角。江雁避紅旗。
 藉草朱輪駐。攀花紫綬垂。山宜謝公屐。洲稱柳家詩。酒氣和芳杜。絃聲亂子規。
 分毬齊馬首。列舞匝蛾眉。醉惜年光晚。歡憐日影遲。廻塘排玉棹。歸路擁金羈。
 自顧龍鍾者。嘗蒙喚咻之。仰山塵不讓。涉海水難爲。身忝鄉人薦。名因國士推。
 提攜增善價。拂拭長妍姿。射策端心術。還喬整羽儀。幸穿楊遠葉。謬折桂高枝。
 佩德潛書帶。銘仁暗勒肌。鞠躬趨館舍。拜手抱階墀。霄漢程雖在。風塵迹尙卑。
 弊衣羞素布。敗屋厭茅茨。養乏晨昏膳。居無伏臘資。盛時貧可恥。壯歲病堪嗤。
 擢第名方立。耽書力未疲。磨鉛重剗割。策蹇再奔馳。相馬須憐瘦。呼鷹正及飢。
 扶搖重卽事。會有答恩時。

和渭北劉大夫借便秋遮虜寄朝中親友

巨鎮爲邦屏。全材作國楨。韜鈴漢上將。文墨魯諸生。豹虎關西卒。金湯渭北城。
 寵深初受檄。威重正揚兵。陣占山河布。軍由水草行。夏苗侵部落。宵遁失藩營。
 雲隊攢戈戟。風馳卷旆旌。塹空烽火滅。氣勝鼓鼙鳴。胡馬辭南牧。周師罷北征。
 廻頭問天下。何處有樓槍。

題故曹王宅

宅在樓溪

甲第何年置。朱門此地開。山當賓閣出。溪繞妓堂廻。覆井桐新長。蔭窗竹舊栽。
 池荒紅菌萐。砌老綠莓苔。捨館梁王去。思人楚客來。西園飛蓋處。依舊月徘徊。

自江陵之徐州路上作寄兄弟

岐路南將北。離憂弟與兄。關河千里別。風雪一身行。夕宿勞鄉夢。晨裝慘旅情。
 家貧憂後事。日短念前程。煙鴈翻寒渚。霜鳥聚古城。誰憐陟岡者。西楚望南荆。

酬哥大見贈

去年與哥舒等八人同登科第今敘會散之意

去歲歡遊何處去。曲江西岸杏園東。花下忘歸因美景。樽前勸酒是春風。
 各從微宦風塵裏。共度流年離別中。今日相逢愁又喜。八人分散兩人同。

和談校書秋夜感懷呈朝中親友

遙夜涼風楚客悲。清砧繁漏月高時。秋霜似鬢年空長。春草如袍位尙卑。
 詞賦擅名來已久。煙霄得路去何遲。漢庭卿相皆知已。不薦揚雄欲薦誰。

感秋寄遠

惆悵時節晚。兩情千里同。離憂不散處。庭樹正秋風。燕影動歸翼。蕙香銷故叢。
 佳期與芳歲。牢落兩成空。

春題華陽觀

觀即華陽公主故宅。有舊內人在焉。

帝子吹簫逐鳳皇

空留仙洞號華陽

落花何處堪惆悵

頭白宮人掃影堂

秋雨中贈元九

不堪紅葉青苔地

又是涼風暮雨天

莫怪獨吟秋思苦

比君校近二手年

城東閑遊

寵辱憂歡不到情

任地朝市自營營

獨尋秋景城東去

白鹿原頭信馬行

答韋八

麗句勞相贈

佳期恨有違

早知留酒待

悔不趁花歸

春盡綠醅老

雨多紅蓼稀

今朝如一醉

猶得及芳菲

華陽觀桃花時招李六拾遺飲

華陽觀裏仙桃發

把酒看花心自知

爭忍開時不同醉

明朝後日即空枝

和友人洛中春感

莫悲金谷園中月

莫歎天津橋上春

若學多情尋往事

人間何處不傷神

送張南簡入蜀

昨日詔書下

求賢訪陸沈

無論能與否

皆起徇名心

君獨南遊去

雲山蜀路深

寄陸補闕

前年同登科

忽憶前年科第後

此時鷄鶴覓同羣

秋風惆悵須吹散

鷄在中庭鶴在雲

華陽觀中八月十五日夜招友翫月

人道中秋明月好

欲邀同賞意如何

華陽洞裏秋壇上

今夜清光此處多

曲江憶元九

春來無伴閑遊少

行樂三分減二分

何況今朝杏園裏

閑人逢盡不逢君

過劉三十二故宅

不見劉君來近遠

門前兩度滿枝花

朝來惆悵宣平過

柳巷當頭第一家

下邳莊南桃花

邨南無限桃花發

唯我多情獨自來

日暮風吹紅滿地

無人解惜爲誰開

三月三十日題慈恩寺

慈恩春色今朝盡

盡日徘徊倚寺門

惆悵春歸留不得

紫藤花下漸黃昏

看禪家牡丹花戲贈李二十

香勝燒蘭紅勝霞

城中最數令公家

人人散後君須看

歸到江南無此花

春中與盧四周諒華陽觀同居

白樂天詩集卷十三

一九三一

性情懶慢好相親。門巷蕭條稱作鄰。背燭共憐深夜月。蹋花同惜少年春。

杏壇住僻雖宜病。芸閣官微不救貧。文行如君尚憔悴。不知霄漢待何人。

自城東至以詩代書戲招李六拾遺崔二十六先輩。青門走馬趁心期。惆悵歸來已校遲。應過唐昌玉蕊後。猶當崇敬牡丹時。

暫遊還憶崔先輩。欲醉先邀李拾遺。尙殘半月芸香俸。不作歸糧作酒資。

盤屋縣北樓望山 自此後詩爲 微尉時作

一爲趨走吏。塵土不開顏。孤負平生眼。今朝始見山。

縣西郊秋寄贈馬造

紫閣峯西清渭東。野煙深處夕陽中。風荷老葉蕭條綠。水蓼殘花寂寞紅。

我厭官遊君失意。可憐秋思兩心同。

別韋蘇州

百年愁裏過。萬感醉中來。惆悵城西別。愁眉兩不開。

戲題新栽薔薇

時尉 盤屋

移根易地莫憔悴。野外庭前一種春。少府無妻春寂寞。花開將爾當夫人。

酬王十八李大見招遊山

自憐幽會心期阻。復愧嘉招書信頻。王事牽身去不得。滿山松雪屬他人。

縣南花下醉中留劉五

百歲幾廻同酩酊。一年今日最芳菲。願將花贈天台女。畱取劉郎到夜歸。

宿楊家

楊氏弟兄俱醉臥。披衣獨起下高齋。夜深不語中庭立。月照藤花影上墀。

醉中畱別楊六兄弟

三月二十日別

春初攜手春深散。無日花開不醉狂。別後何人堪共醉。猶殘十日好風光。

醉中歸盤屋

金光門外昆明路。半醉騰騰信馬廻。數日非關王事繁。牡丹花盡始歸來。

遊雲居寺贈穆三十六地主

亂峯深處雲居路。共蹋花行獨惜春。勝地本來無定主。大都山屬愛山人。

和王十八薔薇澗花時有懷蕭侍御兼見贈

霄漢風塵俱是繫。薔薇花委故山深。憐君獨向澗中立。一把紅芳三處心。

再因公事到駱口驛

今年到時夏雲白。去年來時秋樹紅。兩度見山心有愧。皆因王事到山中。

白樂天詩集卷十三

期李二十文畧王十八質夫不至。獨宿仙遊寺。

文畧也從牽吏役。質夫何故戀羈塵。始知解愛山中宿。千萬人中無一人。

酬趙秀才贈新登科諸先輩

莫羨蓬萊鸞鶴侶。道成羽翼自生身。君看名在丹臺者。盡是人閒修道人。

過天門街

雪盡終南又欲春。遙憐翠色對紅塵。千車萬馬九衢上。迴首看山無一人。

惜玉藥花有懷集賢王校書起

芳意將闌風又吹。白雲離葉雪辭枝。集賢警校無閑日。落盡瑤花君不知。

春送盧秀才下第遊太原謁嚴尚書

未將時會合。且與俗浮沈。鴻養青冥翮。蛟潛雲雨心。煙郊春別遠。風磧暮程深。

墨客投何處。并州舊翰林。

長安送柳大東歸

白社羈遊伴。青門遠別離。浮名相引住。歸路不同歸。

送文暢上人東遊

得道即無著。隨緣西復東。貌依年臘老。心到夜禪空。山宿馴溪虎。江行瀟水蟲。

悠悠塵客思。春滿碧雲中。

社日關路作

晚景兩關路。涼風社日天。青巖新有燕。紅樹欲無蟬。愁立驛樓上。厭行官坂前。

蕭條秋興苦。漸近二毛年。

重到毓邨宅有感

欲入中門淚滿巾。庭花無主兩迴春。軒窗簾幕皆依舊。只是堂前欠一人。

亂後過流溝寺

九月徐州新戰後。悲風殺氣滿山河。唯有流溝山下寺。門前依舊白雲多。

歎髮落

多病多愁心自知。行年未老髮先衰。隨梳落去何須惜。不落終須變作絲。

酬別吳七正字

成名共記甲科上。署吏同登芸閣閒。唯是塵心殊道性。秋蓬常轉水長閑。

除夜宿洺州

家寄關西住。身爲河北遊。蕭條歲除夜。旅泊在洺州。

邯鄲冬至夜思家

邯鄲驛裏逢冬至。

抱膝燈前影伴身。

想得家中夜深坐。

還應說著遠行人。

冬至夜懷湘靈

豔質無由見。寒衾不可親。何堪最長夜。俱作獨眠人。

遊仙遊山

聞將心地出入閒。五六年來人怪閑。

自嫌戀著未全盡。

猶愛雲泉多在山。

見尹公亮新詩。偶贈絕句

袖裏新詩十首餘。吟看句句是瓊琚。

如何持此將干謁。

不及公卿一字書。

長安閑居

風竹煙松畫掩關。意中長似在深山。

無人不怪長安住。

何獨朝朝暮暮閑。

早春獨遊曲江

時爲校書郎

散職無羈束。羸驂少送迎。朝從直城出。

春傍曲江行。

風起池東暖。雲開山北晴。

冰銷泉脈動。雪盡草芽生。露杏紅初拆。

煙楊綠未成。

影遲新度鴈。聲澁欲啼鶯。

閑地心俱靜。韶光眼共明。酒狂憐性逸。

藥效喜身輕。

慵慢疎人事。幽棲逐野情。

廻看芸閣笑。不似有浮名。

秘書省中憶舊山

厭從薄宦校青簡。悔別故山思白雲。

猶喜蘭臺非傲吏。

歸時應免動移文。

涼夜有懷

自此後詩。並未應舉時作

清風吹枕席。白露濕衣裳。好是相親夜。漏遲天氣涼。

送武士曹歸蜀

士曹。即武中丞兄

花落烏嚶嚶。南歸稱野情。月宜秦嶺宿。

春好蜀江行。

鄉路通雲棧。郊扉近錦城。

烏臺陟岡送。人羨別時榮。

江南送北客。因憑寄徐州兄弟書

時年十五

故園望斷欲何如。楚水吳山萬里餘。

今日因君訪兄弟。

數行鄉淚一封書。

賦得古原草送別

離離原上草。一歲一枯榮。野火燒不盡。春風吹又生。遠芳侵古道。晴翠接荒城。

又送王孫去。萋萋滿別情。

旅次景空寺宿幽上人院

不與入境接。寺門開向山。暮鐘寒鳥聚。秋雨病僧閑。月隱雲樹外。螢飛廊宇間。

幸投花界宿。暫得靜心顏。

長安正月十五日

誼誼車騎帝王州。

羈病無心逐勝遊。

明月春風三五夜。

萬人行樂一人愁。

過高將軍墓

原上新墳委一身。

城中舊宅有何人。

妓堂賓閣無歸日。

野草山花又欲春。

門客空將感恩淚。

白楊風裏一雲巾。

宿桐廬館同崔存度醉後作

江海漂漂共旅遊。

一樽相勸散窮愁。

夜深醒後愁還在。

雨滴梧桐山館秋。

江樓望歸

時避亂在越中

滿眼雲水色。

月明樓上人。

旅愁春入越。

鄉夢夜歸秦。

悠悠蒼海畔。

十載避黃巾。

除夜寄弟妹

感時思弟妹。

不寢百憂生。

萬里經年別。

孤燈此夜情。

病容非舊日。

歸思逼新正。

早晚重歡會。

羈離各長成。

感芍藥花寄正一上人

今日階前紅芍藥。

幾花欲老幾花新。

開時不解比色相。

落後始知如幻身。

空門此去幾多地。

欲把殘花問上人。

晚秋閑居

地僻門深少送迎。

披衣閑坐養幽情。

秋庭不掃攜藤杖。

閑踏梧桐黃葉行。

秋暮郊居書懷

郊居人事少。

晝臥對林巒。

窮巷厭多雨。

貧家愁早寒。

若問生涯計。

前溪一釣竿。

爲薛台悼亡

半死梧桐老病身。

重泉一念一傷神。

手攜稚子夜歸院。

月冷房空不見人。

途中寒食

路傍寒食行人盡。

獨占春愁在路傍。

馬上垂鞭愁不語。

風吹百草野田香。

題流溝寺古松

煙葉蔥蘢蒼壘尾。

霜皮剝落紫龍鱗。

欲知松老看塵壁。

死卻題詩幾許人。

感月悲逝者

存亡感月一潸然。

月色今宵似往年。

何處曾經同望月。

櫻桃樹下後堂前。

代隣叟言懷

人生何事心無定。

宿昔如今意不同。

宿昔愁身不得老。

如今恨作白頭翁。

自河南經亂關內阻飢兄弟離散各在一處因望月有感聊書所懷寄

上浮梁大兄於潛七兄烏江十五兄兼示符離及下邳弟妹

時難年荒世業空 弟兄羈旅各西東 田園寥落干戈後

弔影分爲千里鴈 辭根散作九秋蓬 共看明月應垂淚 骨肉流離道路中

寒聞夜 一夜鄉心五處同

寄湘靈

夜半衾裯冷 射眠懶未能 籠香銷盡火 巾淚滴成冰 爲惜影相伴 通宵不滅燈

冬至宿楊梅館

淚眼凌寒凍不流 每經高處即迴頭 遙知別後西樓上 應凭闌干獨自愁

十一月中長至夜

三千里外遠行人 若爲獨宿楊梅館 冷枕單床一病身

臨江送夏瞻

瞻年七十餘

悲君老別我霜巾 七十無家萬里身 愁見舟行風又起 白頭浪裏白頭人

冬夜示敏集

時在東都宅

爐火欲銷燈欲盡 夜長相對百憂生 他時諸處重相見 莫忘今宵燈下情

客中守歲

在柳家莊

守歲樽無酒 思鄉淚滿巾 始知爲客苦 不及在家貧 畏老偏驚節 防愁預惡春 故園今夜裏 應念未歸人

問淮水

自嗟名利客 擾擾在人間 何事長淮水 東流亦不閑

宿樟亭驛

夜半樟亭驛 愁人起望鄉 月明何所見 潮水白茫茫

及第後憶舊山

偶獻子虛登上第 卻吟招隱憶中林 春蘿秋桂莫惆悵 縱有浮名不繫心

題李大雲窗竹

不用栽爲鳴鳳管 不須截作釣魚竿 千花百草凋零後 畱向紛紛雪裏看

花下自勸酒

酒盞酌來須滿滿 花枝看即落紛紛 莫言三十是年少 百歲三分已一分

題李十一東亭

相思夕上松臺立 蛩思蟬聲滿耳秋 惆悵東亭風月好 主人今夜在鄜州

春邨